

603.1-4

CI

# CONFERENCE PAR ESCRIT,

5

ENTRE

*Pierre Cotton, le suite,*

&c

*André Caille, Ministre du saint  
Evangile.*



M. D. XCIX.

THE UNIVERSITY OF CHICAGO

LIBRARY

1914

1914

1914



1914



## Conference par escrit

ENTRE PIERRE COTTON

Iesuite, & André Caille Ministre  
du sain& Euangile.

3

*Lettre de M. Caille enuoyee à M. Cotton  
le 4. Fevrier.*

**M**ONSIEUR, le bruit & reputation de vostre sçauoir & modestie m'a causé vn extrême desir de conférer avec vous familièrement & sans passion, pour essayer s'il sera possible de vous faire voir combien grande est la lumiere de verité. Certes c'est vn grand dommage, que les dons qui sont en vous, qui deuroient seruir à Christ qui les vous a donnés, seruent à l'Antechrist. Excusez moy (s'il vous plaist) si je parle franchement à vous. Or il semble bien, que, pour ceste conference, la forme raccourcie, à la façon des Logiciens, est la plus conuenable, pour estre plus brieue, & qu'une fallace y est plus aisément descouuerte, que non pas parmi les grands discours.

Outre ce, les preuues & arguments ne doy-

A 2 uent

ment pas estre probables ou vraysemblables seulement, ains nécessaires, indubitables, & qui causent vne certaine science, veu le subject de ceste conference, qui est du vray & legitime seruice de Dieu, & de la doctrine de salut.

Sur tout il nous faut garder de toute sophisteler car cela tesmignerait vne mauuaise conscience.

Il nous faut bien aussi garder, de prédre pour but de nostre conference la victoire, ou nous resoudre à opiniastrer: ains, la recherche de la verité nous doit estre pour but, avec resolution de luy ceder.

Ces choses estans bien obseruees, nous pourrions tirer de nostre conference quelque fruit.

Si toutesfois vous semble qu'il soit besoin de quelque autre condition, vous la pourrez proposer. Que si elle est vtile & raisonnable, je ne la refuseray point.

Pour vous donner donc quelque subject, je mettray icy trois theses, ausquelles je vous prie respondre simplement & sans fallace.

*Tout sacrifice legitime & recevable en l'Eglise, doit estre fondé sur l'ordonnance de Dieu contenue es saintes Escritures.*

*Les saintes Escritures ne font mention aucune du sacrifice de la Messe.*

*Le sacrifice de la Messe n'est ny legitime ny recevable en l'Eglise.*

A. CAILLE.

Prem

Premiere responce de M.  
Cotton.

**M**ONSIEVR, quant à la suffisance qu'il vous plaist de recognoistre en moy,  
*Non u sum quem fingit amor tibi plurimus, aut quem*

*Nescio quis vulgi rumor et aura facit.*

Bien desire-je d'estre d'affect ce que je suis d'affection, profession, condition de nature, & choix de propre volonté, sçauoir est, treshumble seruiteur de IESVS CHRIST, & de tous ceux qui luy appartiennent. La conférence, ou de viue voix, ou par ce muet langage, seruira pour faire recognoistre ceux-ry d'entre les supposits de l'Antechrist, au nombre desquels, par je n'sçay quel ridicule préjugé, vous me rangez au frontispice de vostre esprit. Je supplie le pere de lumiere, de dessiller les yeux à tous vos semblables, pour vous faire vne bonne fois recognoistre, que tous ceux qui se debandent de l'Eglise Romaine, & de celuy qui est & se dit en icelle Seruiteur des seruiteurs de IESVS CHRIST, sont precursseurs de celuy duquel vous nous estimez porter la casaque. Or d'autant que ce que vous requerez de moy peut seruir à ces fins, j'accepte vos theses & hypotheses: bien que ce que vous me proposez soit plustost syllegisme, que these ou position. En voicy la forme:

*Tout sacrifice legitime & receuable en l'Eglise doit estre fondé sur l'ordonnance de Dieu contenue es saintes Escritures.*

*Les saintes Escritures ne font aucune mention du sacrifice de la Messe.*

*Le sacrifice de la Messe donc n'est legitime ny receuable en l'Eglise.*

RESPONSE.

La majeure prise vniuersellement, comme le porte son terme modificatif, est, (sous correctiō) faulse, d'autant que l'Eglise estoit du temps mesme de la loy de Nature, en laquelle Abel a esté le premier iuste. Or en la loy de Nature il y auoit maints sacrifices, qui n'estoyent portés ny couchés en l'Escripture S. attendu que l'Escripture & la Loy donnee à Moïse n'estoit encores. Reste donc qu'il y a quelque sacrifice legitime, jaoit qu'il ne soit ordonné en la S. Escripture. Tel fut celuy d'Abel en agneaux, de Noë en oiseaux, d'Abraham en taureaux, de Melchisedech en pain & vin, & autres.

Mais d'autant que j'accorde celà estre vray en l'Eglise Chrestienne & en la Loy Euangelique, je viens à la mineur, & montre qu'il est faict non seulement mention du sacrifice de la Messe en l'Escripture sainte, mais aussi que son institution y est tresexpresse, & premierelement par le vieil Testament.

*La Messe est sacrifice par l'ancienne  
Escripture.*

1. Au prem. des Rois, ch. 2, vn Prophete anonyme

nyme predit à Heli, que son sacerdoce viendrait vn jour à faillir, & que Dieu susciteroit vn Prestre fidele, qui chemineroit deuant son Christ à tousiours. S. Cyprian l. 1. cont. Iud. c. 17, S. Augustin 17 de ciuit. Dei, c. 1, & S. Gregoire in comm. Pentendent & l'expliquent du sacerdoce & sacrifice de la Messe. Et de fait, il ne parle de la prestrise de IESVS CHRIST, puis qu'il denonce de luy, qu'il cheminera deuant le Christ: ny moins de la prestrise generale, que S. Pierre attribue aux Chrestiens, attendu qu'il parle d'un office particulier, & d'une sacrificature qui succederoit à celle d'Heli. Autrement il eust falu dire *Vn peuple*, & non *Vn sacrificeur*. Or qui ne void que Sacerdoce, Autel, & Sacrifice, sont termes correlatifs? En mesme sens expliquent S. Augustin au lieu cité, & S. Cyprian l. 2, ep. 3, ce qui est es Prouerbes c. 9, *Sapientia adificauit tibi domum, &c. posuit mensam, &c.*

2. En Malachie c. 1, v. 10, *Ma Volonté, dit Dieu, n'est pas en vous, & je ne receuray point les dons de vos mains. Car depuis le leuant jusques au couchant mon nom est grand entre les Gentils, & en tout endroit est immolee & sacrifiée à mon nom une oblation munde. Parce que mon nom est grand entre les Gentils.* Ceste prophetie est rapportee au sacrifice de la Messe par S. Irenee l. 4 adu. haeres. ch. 32: par S. Iustin Martyr com. Tryph. par Tertul. l. 3 contra Marc. S. Cyprian l. 1. contra Iud. c. 16: Eusebe 1 de Dem. euang. c. ultimo: Chrysin ps. 95: Hier. comm. in Zach. 8: Aug. l. 1. cont. aduers. leg. ca. 20, & 16 de ciuit. c. 12, & l. 17, c. 17, & 18, c. 39, & 19, c.

23: Cyrillus de adoratione in spiritu & verit. Theodor. & Euper. in Mal. 1. Et en effect ceste oblation ne peut pas estre entendue de l'oraison, soit mentale, soit verbale: veu qu'aussi bien & mieux elle estoit en Israel qu'en la Gentilité. Et puis il appert, que Dieu entend une vraye oblation, nette & pure de tout point. Telles ne sont nos oraisons, à cause du mélange de nos imperfections, qui sont l'appenhage de la premiere coulpe, en Esa. 64.

3. En la Gen. 14, Melchisedech Roy de Salem offrit pain & vin, pource qu'il estoit Sacrificateur de Dieu souverain. Or au ps. 109, & aux Heb. 7, il est dit que Melchisedech a esté figure du sacerdoce de IESVS CHRIST. Il faut donc que IESVS CHRIST ait sacrifié sous apparence de pain & vin, pour donner quelque chose de plus à la chose figurée qu'à la figure, & au corps qu'à son ombre, comme l'enseignent S. Cyprien l. 2, ep. 3, & au l. de Cœna Domini, S. Clément lib. Strom. 4, S. Jean Chrysostome l. 3, & 36 sur la Genese, S. Ambroise l. 5 de sacr. c. 1, Aug. conc. in ps. 33, & epist. 95 ad Innocent. Papam, Hier. epist. ad Marcellam, Dam. l. 4, c. 14. D'abondant, sur la croix il fut Prestre selon l'ordre d'Aaron. C'est donc en l'institution de ce Sacrement qu'il a esté selon l'ordre de Melchisedech. Et d'autant qu'il adjouste au ps. 109, *in æternum*, il faut dire que ce sacrifice dure, non celuy de Caluaire, car, come dit l'Apostre aux Rom. 6, IESVS CHRIST ne meurt plus. Reste que ce soit celuy de l'Eucharistie.

4. L'agne



4. L'agneau pascal en Exode 12 luy a aussi serui de figure, ainsi que marque S. Paul en la 1 aux Corinth. 5, & les anciens peres l'enseignent. S. Clem. Const. Apost. 18, Tetrull. 4 in Marc. Cyprian l. de vnit. Eccles. & serm. de Cæna, Ambr. in 1 Lucæ, Hier. in 26 Matth. Chrys. hom. 83 in Matth. & hom. de proditiōe Iudæ, August. l. 2 cont. epist. Petil. c. 37, Grego. hom. 22 in Euang. Et font à ce propos les mots d'immolation en Exode 12, d'oblation & sacrifice aux Nombres 9 : En Dan. 12, v. 11, *Depuis le temps auquel le sacrifice continuel sera esté, passeront mille deux cents nonante ans.* Ce passage ne peut estre entendu que de la Messe. Si non, exposez de quel sacrifice il parle.

*Au Nouveau Testament, par les paroles de l'institution mesme.*

En S. Luc nostre Seigneur ordonne, que l'on face le mesme que luy en sa memoire. Or il le fait par voye de sacrifice, non seulement par voye de sacrement.

Luc 22.  
Matth. 26.

La preuue en est peremptoire és paroles de l'institution & consecration. Car il ne dit point, *Voicy mon corps lequel sera trahi, Voicy mon sang lequel sera respandu*, en S. Luc 22 : mais bien en present, *qui se donne & qui se respand pour vous*: ἰδὲ-μαρτυρῶν, ἐκχυνόμενον. De plus, s'il eust donné son corps seulement pour Eucharistie & Sacrement, il eust dit à vous, & non pour vous, (terme qui denote sacrifice) & pour plusieurs en la remission des pechés. Et ne peut on dire que ces paroles

se rapportent à la croix future, tant pource que la parole est du temps present, que pource qu'il y a κλάμβρον, de laquelle aussi vſe S. Paul en la 1 aux Corinth. 11 : parole qui ne peut conuenir au corps crucifié, attendu que *os non comminuetur ex eo*, 1o. 19, & Exode 12 : ains aux especes du pain, sous lesquelles il se donne, comme l'a remarqué S. Iean Chrysost. en l'hom. 14, sur l'ep. 1 aux Cor.

D'abondant, en la consecration du calice il y a dans S. Luc 22, v. 2, en nominatif, τὸ ὑπὲρ ὑμῶν ἐκχυμένον. ce qui ne peut estre referé à la croix : mais à ce qui estoit beu lors, & mis en bouche, sçauoir est, τὸ ποτήριον : Autrement il eust falu dire τὸ ἐκχυμένον, pour le faire corrélatif de τὸ ἀφμασι. Ce qui a tellement donné de la peine à Beze en ses comm. sur le 22 de S. Luc, qu'il est contraint de dire que S. Luc, comme mauuais grammairien, a vsé d'un solœcophanes, quoy qu'il ayt escrit en langue Attique, ou que c'est vn erreur, lequel s'est glissé de la marge au texte, à la similitude de τὸ διδόμενον.

De plus, en l'Eſcriture sainte ceste parole *facite*, signifie sacrifier, aussi bien qu'entre les prophanes. Au Leu. 15, *facite vnum pro peccato*. Au 3 des Rois, c. 18, Elie dit, *Ego faciam bonum alterum*. En Osee 2, Dieu se plaint qu'on sacrifie ses biens au diable, *Dedi fructum quem fecerunt Baal*. Et au ch. 9, *Facite, & apparebit gloria ejus*. & au 14, *faciet sacrificium pro peccato*. 3 Reg. 8, *Salomon fecit quippe holocaustum*, & ailleurs. Or nostre Seigneur leur dit & à nous, *hoc facite in meam commemorationem*.

Par

*Par les Actes des Apostres.*

Aux Actes 13, v. 2, il y a, *ἀναπαύωντον ὃ αὐτοὺς τοῦ κυρίου*, parlant de la fraction eucharistique : c'est à dire, *sacrificantibus autem illis Domino*, Eux sacrifiant à Dieu, comme mesme l'a rendu & tourné Erasme. Et d'ordinaire en l'Ecriture *λατρεῖν* signifie *sacrifier*, quand on parle de chose sacrée, comme il appert en S. Luc. ch. 1, v. 13, & aux Hebr. 8, 9, 10 : & par le mot de *Liturgie* des peres, comme de S. Iaque, de S. Basile, de S. Jean Chrysost. de S. Ambr. on n'a jamais entendu ou peu entendre autre chose que *sacrifier*, & ce que nous disons *Messe*.

*Par S. Paul.*

En la prem. aux Cor. 10, reprenant les infolences qu'ils commettoient en la synaxe & participation de l'Eucharistie, il oppose l'autel de Dieu à celui du diable.

Et aux Hebr. 13 il dit, *Nom auons un autel, auquel ne peuvent participer ceux qui sont au tabernacle.* Or qui ne sçait, qu'autel & sacrifice sont termes correlatifs, qui s'entretreuuent & s'entremettent l'un pour l'autre?

Aux Hebr. l'Apostre dit, que le principal office de tout Prestre est de sacrifier tant pour ses pechés, que pour ceux du peuple. Et ne faut dire, qu'il parle de IESVS CHRIST : car il est ἀμωμος καὶ ἀμωμάρτης.

*Par les Peres.*

Tous unanimement l'ont recognu pour sacrifice,

crifice, au rapport de Luther mesme. Voicy ses paroles au ch. 1 de sa Babylone, *Je confesse manifestement, que la doctrine & l'usage de la Messe est autorisé des saints peres & de tout le monde.* & en la preface du liure de abrogatione Missæ, c'est grand chose, dit-il, parlant de la Messe, de repugner à la coutume de tant de siècles, au jugement de tant d'hommes, à l'autorité de si grands personnages. Calvin en dit presque autant au 4 de ses Instit. ch. 18, §. 1, n. 12, 18. Beze au liure des questions & resp. p. 2, l. 165, dit que la Cene assurément est sacrifice. Or voicy les Peres.

Abdias, disciple des Apostres, escriuant la vie de S. Matthieu, raconte que ce S. personnage fut tué par les soldats de Hirtacus aupres de l'autel, apres avoir célébré la Messe. Et faut noter, que Iules l'Africain, qui a traduit Abdias en Latin; il y a de treize à quatorze cents ans, vie du mot mesme *Missæ*.

Les prestres & diacres d'Achaïe, disciples de S. André, tesmoignent en sa vie, qu'estant en son martyre, il dist au Proconsul Agee, *Que sa coutume estoit d'offrir chaque jour à l'autel, l'agneau immaculé, qui demouroit entier, apres avoir esté immolé & mangé du peuple fidele.*

Les Liturgies de S. Iaqués, de S. Clement, & de S. Basile sont pleines du nom d'oblation & de sacrifice. Le mesme S. Clem. au 8 des Const. Ap. c. 5 & 36, & S. Denys au 3 chap. de sa Hierar. Eccl. par. 3, où l'Euesque s'excuse de ce qu'il sacrifie l'hostie salutaire qui est par dessus soy. Le mesme S. Denys en l'ep. ad Demoph. recite comme

me Carpus Euesque ne célebroit jamais à l'autel, qu'il n'eust eu au preallable quelque vision remarquable, comme celle qu'il raconte là, touchant l'infinie miséricorde & charité de Dieu.

*S.* Alexandre premier, qui vescu il y a quinze cents ans, en l'épître 1. ch. 15. Il faut, dit-il, mesler la passion de N. S. avec l'oblation du Sacrement qui se presente à Dieu en solennisant la Messe.

*S.* Irenee l. 4. ch. 34. Il enseigna, parlant de N. S. vne oblation nouvelle du Nouveau Testament, laquelle receut des Apôtres, l'Eglise offre à Dieu par tout le monde. Tertull. au l. de vel. virg. Il n'est pas permis en l'Eglise ny d'enseigner, ny de baptizer, ny d'offrir. Et au l. de exhort. castit. il dit que ces choses sont propres aux prestres.

*S.* Cyprian l. 2. ép. 13. Qui est, dit-il, plustost prestre de Dieu souverain que N. S. IESVS CHRIST, lequel a offert sacrifice à Dieu le pere, & l'a offert tel que celui de Melchisedech, à sçavoir le pain & le vin, c'est à dire son corps & son sang? Et derechef en la même epître: Nostre Dieu & Seigneur Iesus Christ est luy mesme souverain Prestre de Dieu son pere, luy ayant premier offert sacrifice, & puis commandé de faire le même en memoire de luy. Reste que ce Prestre là est vrayement Vicaire de N. S. Iesus Christ, lequel imite ce qu'il a fait, & qui offre en l'Eglise vray & entier sacrifice à Dieu le pere, puis qu'il l'offre en la manière que Iesus Christ l'a fait.

*S.* Cyrille Hierosolymit. en sa catéch. 4. expose vne grande partie de la liturgie & du canon de la Messe. Le même *S.* Basile & *S.* Ambroise es leurs.

S. Ambroise au 5 l. de les ep. en la 33, parlant des barricades qui se dressèrent à Milan par les Arriens, dit qu'il estoit lors pour dire Messe, & qu'il ne laissa de la dire. *Missus facere cœpi.* Ce sont ses mots, il y a treize cents ans. Et sur S. Luc 1, *Quand nous sacrifions, Iesus Christ est present, Iesus Christ est immolé.* Opat. Milleu. cont. Parm. *Quelle chose plus pleine de sacrilege, que de rompre les autels, sur lesquels vous mesmes avec d'autres vous offrez?* Il parle aux Donatistes.

S. Iean Chrysost. en l'homel. 79, au peuple, *Le Prestre, dit-il, estant à l'autel, a commandement d'offrir à Dieu pour tout le monde, pour les Euesques, pour l'Eglise, & pour ceux qui la gouvernent.* Et sur S. Matth. hom. 72, il adjouite qu'il doit faire le mesme pour les fruiçts de la terre, pour les sains & pour les malades. Et sur les Actes, en la 21, pour les ames qui sont au purgatoire. De mesme au l. 6 de sacerdotio.

S. Ierosime sur le c, 11 des Prouerbes : *Iagous,* dit-il, *qu'il n'y ayt point d'esperance de pardon pour les meschans apres la mort, si est-ce qu'il y en a, lesquels estant decedés avec des fautes seulement legeres, en peuuent estre absous, par le chastiment des peines qu'ils endurent apres la mort, & par les prieres & aumosnes de leurs parents, & par la celebration des Messes.*

S. Aug. au 10 de la Cité, ch. 10, parlant du sacrifice quotidien en l'Eglise Chrestienne, l'appelle non seulement vray sacrifice, mais dit en outre, qu'il a esté signifié par les sacrifices diuers de l'ancienne loy : & que tous faux sacrifices luy ont

ont cédé. Au l. 18, ch. 35, il luy applique la Prophetie susdite de Malachie, & la figure de Melchisedech ch. 1, & en la Genèse 14. Au liure de Spiritu & litera, il l'appelle *tresvray & singulier sacrifice*. Et au l. 8 de Ciuit. Dei, c. 21, il recite comme vne maison champestre fut deliuree des furons & lutins par la celebration de ce sacrifice en son territoire & diocèse d'Hippone. S. Leon en l'ep. 79. S. Greg. en l'ep. 12 du 1 liure, & en la 10 du 4, & au 4 des dialogues, c. 18. S. Iean Damasc. l. 4 de fide, c. 14, *C'est, dit il, ceste pure & non sanglante hostie, que Dieu par le Prophete dit qu'on luy offre d'Orient au Ponent, à scauoir le corps & le sang de Iesum Christ pour l'establissement de nostre ame.* Et S. Ambr. prouue cecy au 4 de Sacram. ch. 4, & autres.

### *Par les Conciles.*

Le premier Concile de Nicee, ch. 14, dit ces paroles, *Il a esté rapporté au Concile, qu'en quelques endroits certains Diacres s'ingerent de donner la communion aux Prestres. Il n'y a reigle ny coustume qui permette à ceux qui n'ont pouuoir d'offrir le sacrifice, de donner à ceux qui l'offrent le corps de Iesum Christ.*

La 2 Synode de Nicee, act. 16, tomo 3, *Que nous n'auons pas seulement quelque chose au lieu de luy, mais luy mesmes.*

Les Canons 3 & 4 des Apostres, aduoués & receus au 6 Concile general, dient que nous auons le vray autel.

Au demeurant, Caluin au l. 4 de ses Inst. ch. 9, §. 8, reçoit les quatre premiers Conciles, comme contenant la pure & naïue interpretation de l'Eſcriture.

*Par raisons.*

1. S. Augustin en l'ep. 118, *Que c'est vne tresinsolente folie, de reuſquer en doute & diſpute ce que l'Eglise fait par tout le monde.* Or Luther au l. de capt. Bab. ch. 1, & Caluin l. 4 de ses Instit. ch. 18, §. premier, 11, 12, & 18, aduouent que l'usage de ce ſacrifice eſt autorisé des SS. Peres, & de tout le monde. Temerité donc tresgrande de le reuſquer en doute.

2. Aristote au 8 des Eth. c. 9, & au 7 des Polit. c. 8, & l'Orateur Romain avec la lumiere naturelle enseignent, que la religion ne peut eſtre ſans ſacrifice de meſme.

3. S. Cyprian au ſermon de Cœna Domini, dit que la religion viendrait à perir, ſi le corps de N.S. pour eſtre mangé en l'Eucharistie venoit à ſe conſumer. Car lors, dit il, *aucun ſacrifice ne reſteroit, ſans lequel la religion ne peut ſubſiſter.* Parquoy l'Antechriſt fera lors ce qu'il voudra, quand le ſacrifice continuel viendra à manquer. En Daniel 8 & 12.

4. S. Iſan Chryſ. ſur l'epiſtre aux Hebr. enseigne que le ſacrifice de l'Eglise n'eſt different, quant à la ſubſtance, de celui que Ieſus Chriſt ſon eſpoux offrit à Dieu ſur la croix : & par conſequent, que celui-là eſtant vray, ſainct, & ſalutaire, on doit confeſſer de ceſtuy-cy le meſme.

2A

5. Si



5. Si la Messe n'estoit sacrifice, la figure seroit  
 is noble que le prototype & l'autographe. Car  
 1x qui mangeoyent de la Manne, & beuoyent  
 la pierre, (il n'y a que manger & boire,) man-  
 oyent & beuoyent la mesme viande & le me-  
 re breuago, en la premiere aux Corinth. 10:  
 de surplus auoyent vne viande Angelique, sça-  
 oir est, la manne. Leur condition donc estoit  
 ieilleure que celle de Caluin, s'il n'y a que du  
 ain, comme il dit, en la Cene: attendu que la  
 manne surmonte de beaucoup en son materiel  
 nostre pain. & quant au froment, qui est le fils  
 le Dieu, ils l'auoyent, dit l'Apostre, & le man-  
 geoyent comme nous.

*Responce en substance.*

La majeur le doit nier: toutesfois je viens à  
 l'autre.

Je nie la mineur, pour les raisons que vous  
 verrez icy couchees, Et dis,

*Tout sacrifice ordonné de Dieu, & couché en  
 l'Escripture sainte, est legitime.*

*Le sacrifice de la Messe est ordonné & couché en  
 d'Escripture sainte.*

*Le sacrifice de la Messe est donc legitime & reco-  
 nable.*

Pour plus grande preuue j'adjoûteray icy les  
 tesmoignages des Rabbins & des Sibylles, que  
 plus au long je vous fetay voir, si vous le desirez.

*Par les Rabbins.*

Rabbi Kimhi sur le Pl. 100, & Hier. 33, & Ghi  
 C Kitil

Kitilia in Soare oras &c Rabbi Salomon sur le Ps. 71, tirant les autres, disent qu'à la venue du Messie tous sacrifices sanglans &c. Mosaiques; cesseront; &c. que en leur place succedera ce Minha; duquel parle Malachie ch. premier, &c. & Toda; duquel on prédit &c. par les autres Prophetes. Minha signifie en Hebreu sacrifice de farine, où entoure de paste, &c. Toda sacrifice Eucharistique &c. d'action de grace; différent de l'hostie pacifique; d'autant que *Toda erat ex placenta*, (du le Lection de Pagninus. imprimé à Geneve.) celle là *est pacifica*.

*Par les Sibylles.*

S. Clement Alexandrin au l. 6 de ses Tapisseries remarque comme la providence de Dieu a donné à la gentilité souvent par les Sibylles, ce qu'il a donné aux Juifs &c. à la Synagogue par les Prophetes. Lactance en remarque plusieurs au l. premier de ses Instit. c. 6, & de Ira l. premier, ch. 22, & au l. 6 des Instit. c. 9, & l. 2, ch. 15. Avec Lactance Theophile sixieme Euefque d'Antioche. Voie que dit la Sibylle:

οἱ δὲ θεοὶ τιμῶντες ἀνθρώπων, αἰνῶν ἔτι  
κατασκευασθέντες ἀφ' ὧν καὶ αὐτοὶ  
οἰκοῦντες παρὰ τοῖς ἑμοῖς ἱερὸν ἔχουσιν  
ἐν δαίμονι γυναικὶ ἀπὸ τοῦ ἑρῆος ἀνθρώπων.  
Au liure cinquieme elle appelle l'Eglise, *ἐκκλησία*  
καὶ, &c. ainsi faut-il lire, &c. non comme vulgairement.

οἱ δὲ θεοὶ ἀλλοτρίᾳ τῇ ἐκκλησίᾳ τῶν  
ἀνθρώπων, &c. Et du liure 7, prédisant  
la

la renouation de l'Eglise. - *ad. sua malis*

*Malis tui s'poreplex iuxtaion in' ed' not' q'at'ov*

Et du 1.6,

*en j'auille d'ap'v' q'at' i'at' d'ap'v' xix* Tout cecy est de la Sibylle Erythre, laquelle S. Iustin met pour la plus ancienne, attendu qu'elle a esté plusieurs années mesme deuant le cataclisme vniuersel.

L'apporterai le tesmoignage des dems malheureux & des bestes mira uieusement extorque, n'estoit que vous vous rendez difficiles à croire ce que vos propres yeux ne decouurent.

Pour respondre en forme logique, il m'eust suffi nier vostre mineur. Tout ce que dessus sera pour rendre raison de ma negatiue.

Quant au mot de Messe, dans deux ou trois jours je vous feray voir son antiquité, & comme il se treuve en l'Escripture sainte, Dieu aidat, lequel je prie vous decouurir sa face.

*vel li'up' abnom ub' statum' el' x' d'ap'v' xix*  
*fra' b'no' d'ile' x'p'us' ob' x'p'us' d'ap'v' xix*  
*z'no'q' a' y' u' i' d'ile' x'p'us' ob' x'p'us' d'ap'v' xix*

*Pierre Coston, Prestre de la  
 compagnie de Jesus.*

*-ol' m'ob' a'q'v'ob' d'ile' x'p'us' d'ap'v' xix*  
*-red' al' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*d'ile' x'p'us' d'ap'v' xix*

*-at' d'ile' x'p'us' d'ap'v' xix*  
*imp' y'ul'ob' d'ile' x'p'us' d'ap'v' xix*

*u' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

*z'no'q' a' y' u' i' d'ile' x'p'us' d'ap'v' xix*  
*z'no'q' a' y' u' i' d'ile' x'p'us' d'ap'v' xix*

## Examen de la réponse de Monsieur Cotton.

**M**ONSIEUR, puis que vous & vos semblables pretendez, sans le pou-  
voir verifier, que la doctrine que  
nous enseignons est heretique, & ne  
faites difficulté de le dire & en public & en pri-  
ue, vous ne devez trouuer mauuais si nous di-  
sons, (& offrir de le verifier,) que celle que vous  
enseigniez, est la doctrine de l'Antechrist, puis  
qu'elle est toute autre que celle de Iesus Christ,

Nos conferences sont pour faire voir à cha-  
cun de quel costé est la verité.

Le supplie de tout mon cœur celuy qui est la  
mesme verité, & la lumiere du monde, qu'il luy  
plaiso faire la grace à tous de congnoistre od est  
vrayement son Eglise, hors laquelle il n'y a point  
de salut, & qui est vraiment le corps, dont Ie-  
sus Christ est l'unique chef, qui est aussi la ber-  
gerie des brebis qui oyent la voix de leur pasteur,  
Ies 10, 4. & c. & la suyuent, reiectans la voix de l'estranger : à  
fin que la recongnoissans ils s'y rangent, sans s'a-  
muser aux tiltres specieux & vains de celuy qui  
se disant estre chef de l'Eglise, (titre propre au  
fils vnique de Dieu,) & seruiteur des seruiteurs  
de Iesus Christ, bassoué les Rois, met le pied sur  
la gorge des Empereurs, & s'eleue sur tout ce  
qui

qui est dit Dieu, ou qu'on adore & reuere, *Deum adorare, id est adorare, id est adorare, id est adorare*, c'est à dire, se disant luy mesme estre Dieu.

Vous acceptez les conditions que je vous ay proposées pour nôtre conférence, puis que vous n'y respondes rien : Aussi sont elles si justes & si raisonnables, que vous ne les auez peu refuser. A la mienne volonté que vous les eussiez obseruees, comme vous les auez accordees.

Voyon donc & examinon les responses que vous auez faites à mes theses, que vous aimez mieux nommer syllogisme, encor qu'il ne puisse estre en aucun des modes de la première figure, de laquelle il porteroit les marques, au moins de ceux qui concluent directement, puis qu'il n'y en a pas vn qui ayt la mineur négative. Voilà pourquoy je les ay mieux aimé appeller theses que syllogisme. Mais, sans m'arrester à ces accessoires d'auantage, je viens au point.

Ma première these, que vous nommez la majeure de vostre argument, est telle, *Tout sacrifice legitime & receuable en l'Eglise, doit estre fondez sur l'ordonnance de Dieu contenue es saintes Escriptions.*

Vous objectez, que, estant prinse vniuersellement, elle est fausse, d'autant que l'Eglise estoit mesme du temps de la Loy de Nature, en laquelle y auoit maints sacrifices, qui n'estoyent portés ny couchés en l'Ecriture sainte, attendu que l'Ecriture & la Loy donnée par Moïse n'estoit encores. Reste donc, qu'il y a quelque sacrifice legitime, jaçoit qu'il ne soit ordonné en la S. E. Ecriture. Tel fut celuy d'Abel en agneaux, de

Noë en oiseaux, d'Abraham en taureaux, de Melchisedech en pain, & en vin, &c. *Responſe.*

le vous prie, où auez vous appris, qu'Abel, Noë, Abraham, ayent sacrifié, & que leurs sacrifices ayent esté agréables à Dieu? est-ce pas en l'Eſcriture? Y auez-vous toutesfois appris, que les sacrifices qu'ils ont offerts, ayt esté de leur propre fantaisie & invention, sans ordonnance expresse de Dieu? certes non. Et pourtant, il vous faut confesser, que le but general de l'Eſcriture est de monstrer, que en ce, qui est du legitime service de Dieu, les fideles n'ont jamais rien entrepris, ny deuant la Loy, ny sous la Loy, ny après la Loy, de leur propre fantaisie, ains ont suuy la seule ordonnance de Dieu. Ceux qui ont fait autrement, se sont esgarés, se sont perdus: ce que Iesus Christ Matth. 23. 9, resoulé, rapportant le dire d'Isaie 29. 13. *C'est pour neant qu'ils me seruent, proposant pour doctrines les commandemens des hommes.* Ma theſe donc demeure vniuersellement vraie.

Mais pourquoy m'arresterois-je dauantage sur ce point, puis que vous confessez qu'elle est vraie, & l'acceptez? Seulement je vous diray, que ces façons de parler, dont vous vſez, sont impropres, *Abel sacrifia en agneaux, Noë en oiseaux, & Abraham en taureaux*, pour dire, sacrifia des agneaux, oiseaux, & taureaux. Ceste impropriété seroit tolerable en quelque autre, mais à vous elle merite vous estre remonſtrée. Quant au sacrifice de Melchisedech, nous en parlerons cy apres.

Souu

100 Souvenez-vous donc, que nous demeurons d'accord, *que tout sacrifice legitime, & recevable en l'Eglise, doit estre fondé sur l'ordonnance de Dieu contenue es saintes Escriures*: à fin que, desormais nous en positions vster comme d'une maxime, sans plus en disputer.

Je vien à la seconde these, que vous appelez mineur, & promettez de monitrez, qu'il est, non seulement fait mention du sacrifice de la Messe en l'Ecriture sainte, mais aussi que son institution y est tresexpresse.

Il est question d'un sacrifice, que vous pretez estre sous le nouveau Testament, & en l'Eglise Chrestienne. Or puis que tous les sacrifices de l'ancien Testament ont pris fin à la venue de Jesus Christ, & que tout sacrifice legitime doit estre fondé sur l'ordonnance de Dieu, comme nous en sommes d'accord en ma premiere these: il faudra donc, que l'ordonnance de ce sacrifice de la Messe se trouve clairement & expressement au nouveau Testament. Il n'est point question de produire pour preuve d'iceluy des allegories, des figures, des termes généraux: car si sous l'ancien Testament, toutes les fois que Dieu a institué quelque sacrifice, il en a proposé l'ordonnance en termes expres & clairs, & mesmes a spécifié toutes les observations qu'il vouloit y estre gardées, de sorte que nul ne pouvoit après reuoker en doute, ny l'institution de tels sacrifices, ny la matiere d'iceux, ny la forme qui y devoit estre observée: combien, à plus forte raison, si sous le nouveau Testament il a ordonné

né le sacrifice de la Messe, il l'aura fait en termes clairs & expres, tellement qu'il apparaisse & de l'ordonnance, & des obseruations requises en l'administration d'icelle: sinon que vous voulussiez soustenir, que le nouveau Testament est plus obscur que le vieil, ce que jamais Theologien ne vous aduouera: car tous les vrais Theologiens enseignent que la lumiere & clarté de l'Evangile estant apparue, toutes les ombres du vieil Testament ont esté ostées. Quoy? les sacrifices du vieil Testament seront si expressement & si clairement ordonnés, qui neantmoins ne deuoyent durer que pour quelque temps, n'estans qu'ombres & figures de ce qui devoit estre accompli: & ce sacrifice si excellent, (si on vous en veut croire,) à sçauoir la Messe, ne sera pas, je ne dis pas clairement ordonné, mais non pas mesme nommé ny par Iesus Christ, ny par ses Apostres?

Si donc vous en pouvez produire l'ordonnance expresse, voilà nostre dispute finie, nous voilà vaincus, nous n'aurons garde de repliquer. Si non, & que vous ne puissiez faire apparoir que Iesus Christ ny ses Apostres en ayent jamais parlé, tant s'en faut qu'ils l'ayent ordonné en termes expres, comme il est necessaire en vn legitime sacrifice, passez condamnation, & reconnoissez que la Messe est vn sacrifice controuuë, & par consequent nullement receuable, à fin que je ne die pis.

Pour la verification & preuue du sacrifice de la Messe, vous amenez quatre sortes de preuues,  
L'Escr



L'Eſcriture, les Peres, les Conciles, les Raiſons. Examinon toutes vos preuues: Il eſt bien vray, que qui voudroit les eſpelucher au long, il faudroit faire vn gros volume: mais en brief je monſtray la nullité d'icelles.

Des preuues priſes de l'Eſcriture, vous en faites de deux ſortes, les vnes tirees de l'ancien Teſtament, les autres du nouueau.

Quant à celles de l'ancien, je vous pourrois reſpondre en vn mot, que puis qu'il s'agit d'un ſacrifice du nouueau Teſtament, il en faut produire l'ordonnance au nouueau Teſtament. Je ſuis toutesſois content de les examiner l'une apres l'autre.

Vous produiſez premierement ce que dit ce Prophete, qui n'eſt point nommé, à Heli le Sacrificateur, 1 Sam. 2, 27, à ſçauoir, *que ſon ſacerdoce viendrait à ſaiſir, & que Dieu ſuſciteroit vn Sacrificateur fidele, qui chemineroit deuant ſon Dieu à toujours.*

Tous ceux qui liront ce paſſage, ſ'eſmeruelleront de l'abſurdité de voſtre argument: car ils verront clairement, que ce Prophete parlant au nom de Dieu, preſdisoit à Heli le Sacrificateur la punition qui luy aduiendroit, pour n'auoir reſplé ſes enfans, qui eſtoient peruers, & n'auoyent cognoiſſance du Seigneur, & eſtoient cauſe que l'oblation du Seigneur eſtoit meſpriſee. Pourtant le Prophete luy preſdit, que la Sacrificature deſailliroit de ſa race & poſterité: & luy donne pour ſigne, que ſes deux fils, Ophni & Phinees, mourroyent en vn meſme iour, comme il ad-

D uint

uint peu de temps apres, ainsi qu'il est recité au  
mesme liure, chap. 4. Et de faict il aduint à l'en-  
tree du regne de Salomon, qu'Abiathar Sacrifi-  
cateur, qui seul restoit de la race de Heli, fut pri-  
ué de la Sacrificature, & par ce moyen fut accom-  
plie la prediction du Prophete, comme il est ex-  
pressément specific 1. Rois, 2. chap. 27. Il falloit  
donc bien que preuues vous eussissent, puis que  
vous auez mis en teste. vn tesmoin si mal à pro-  
pos, où il n'est parlé de la Messe ny pres ny loin.  
Et quant à S. Cyprian & S. Augustin, que vous  
alleguez pour expositeurs, és lieux par vous alle-  
gués, dient bien, que toute la Sacrificature d'Aa-  
ron est defaillie, à la venue de Iesus Christ, & nul  
de nous ne le nie; mais que ces bons docteurs  
l'ayent expliqué du sacrifice de la Messe, vous  
leur faites grand tort de le dire, & à vous aussi:  
car ceux qui voudront prendre la peine de les  
voir, verront que c'est vne chose supposée, & au-  
ront pour suspect tout ce que vous direz apres.

Vous mettez en second rang le passage de Ma-  
lachie 1, y. 10: *Ma volonté, dit Dieu, n'est pas en  
vous: & je ne receuray point les dons de vos mains:  
car depuis le leuant jusques au couchant mon nom est  
grand entre les Gentils, & en tout endroit est immo-  
lée & sacrifiée à mon nom vne oblation munde. Voi-  
là comme vous auez rapporté le passage de Ma-  
lachie: là où, pour donner quelque couleur à vo-  
stre argument, vous y auez mis du vostre le mot  
de sacrifice: car voicy comme Arias Montanus  
en son interlineaire l'a tournée de mot à mot de  
l'Hebreu: *Non mihi voluntas in vobis, (dixit De-**

*minus exercituum.) & manus non volam de manu vestra. Nam ab ortu solis & usque ad occasum ejus, magnum nomen meum inter gentes, & in omni locisuffimentum oblatum nomini meo, & oblatio mundi, &c. C'est à dire, Encens est offert à mon nom, & oblation monde. Il appert donc, que le mot de sacrifice, qui n'est pas au texte, vous l'y avez mis: Et, de fait, le Prophete oppose seulement les sacrifices Léuitiques, par eux souillés, à la pureté du service qui seroit à la venue de Christ, non en Judee seulement, mais entre les Gentils mesmes, & en tous peuples. Mesmes le mot dont il a usé, *Mincha*, se prend par tout le Léuitique pour Oblation des fructs, & autres choses inanimées, c'est à dire pacifique & d'action de graces. Quel se conuenance donc avec la Messe, que vous voulez estre vn sacrifice expiatoire, qui ne se faisoit jamais sans effusion de sang?*

Et à fin de vous faire voir que les anciens ont interpreté ce passage de Malachi. des sacrifices spirituels, sans faire mention aucune de la Messe, ny de chose qui en approche, vöyez ce qu'en dit Tertulien adu. Marc. lib. 3. *En tout lieu sera sacrifié en mon nom sacrifice pur. Et quel? Rapport de gloire & benediction, & louanges & hymnes.* Ibid. lib. 4. *En tout lieu sera offert pour sacrifice, à sçavoir, dit-il, vne raison simple, d'une conscience pure.* S. Ierosime exposant ce passage de Malachie: *sçachent les Juifs qu'il ne faut plus offrir à Dieu des boucs ou des Taureaux, mais l'encensément les raisons des saints.* Et non en vne province de Judée, en vne ville de Ierusalem, mais par tout le monde,

*Une oblation munde comme il se void entre les Chrétiens. Le mesme in Esaiam, c. 12, Le son des Apostres est paruenue par tous les bouts de la terre: En tout lieu on offre sacrifice à Dieu, & ainsi est accompli le dire du Prophete, sçavoir en ce que Dieu est presché purement, & inuqué purement par tout. Theodoret exposant ce mesme lieu du prophete, l'entend de labolition des sacrifices legaux, & du seruice en esprit & verité. Vous voyez donc bien que ce que vous pensez tirer la Messe de ce passage ne s'accorde ny avec le texte, ny avec l'interpretation des anciens. Vous ne laissez pas pourtant de faire vne grande liste des Anciens que vous dites auoir rapporté ceste prophetie de Malachie au sacrifice de la Messe, sans produire vn seul mot de leur dire. Et je puis dire avec verité que pas vn de ceux que vous citez n'a parlé de ce que vous luy attribuez: mesme la plupart ne font aucune mention du passage de Malachie es lieux marqués par vous. Mais c'est vostre coustume de citer force anciens, leur faisant dire ce à quoy ils ne penserent jamais, pour par ce moyen esblouir les yeux de ceux qui ne virent jamais les anciens, & vous faire estimer grand personnage. Le prie & adjure les lecteurs de prendre la peine, pour vn coup, d'esprouuer la fidelité dont les leuïtes ont accoustumé d'user en citant les anciens, & ils verront combien ils leur imposent de choses qu'ils ne dirent jamais.*

Pour vostre troisieme preuve vous dites que Melchisedech Roy de Salem offrit pain & vin, pource qu'il estoit Sacrificateur du Dieu souue-

rain:

rain: Or au pſeau. 109, & aux Hebreux 7, il eſt dit que Melchizedech a eſté figure de Jeſus Chriſt. Il faut donc, dites vous, que Jeſus Chriſt ayt ſacrifié ſous apparence de pain & vin.

Vous ſeriez bien empeſché de mettre ceſt argument en quelque forme: & puis combien faudroit il de ſyllogiſmes entre deux pour en tirer la Meſſe? Mais pour vous reſpôdre je ſouſtien qu'en rapportât le paſſage du 14 du Geneſe vous y auez commiſ deux manifeſtes fauſſetés? La premiere, pour y trouuer quelque ſacrifice, vous auez tourné offrir pain & vain, ce qui n'eſt pas au texte: En voicy les preuues. Le mot Hebreu *hadſib* הדיב, à radice *dx*, qui eſt là, (& qui eſt le meſme, qui eſt en l'Exode 25. v. 2, *qui s'ay tiré ou ſaiſt ſortir*) eſt hors d'ulage en toute l'Eſcriture en matiere de ſacrifice: auſſi eſt le mot Grec *ἐξωστής*: les Latins l'ont tourné, les vns *protulit*, comme S. Cyprien lib. 2 Epist. 3 ad Cæcilium: Et Chryſoſt. hom. 35 in Geneſim. S. Ambrois. ad Hebr. cap. 7. Les autres l'ont tourné *eduxit*, comme Arias Montanus en ſon interlineaire: & pourtant il le faut tourner en François *il tira*, ou *mit hors*, ou *ſit venir*, ou *produiſt*, & non pas *offrir*. Oyez la ſentence de Cajetan ſur le 14 du Geneſe: le croy bien que vous le croirez, car il eſtoit Cardinal: voicy donc ce qu'il en dit, *il n'eſt icy rien eſcrit de ſacrificer ny d'oblation*, ſed de prolation ſeu extractione, *ains d'auoir ſaiſt venir & apporté du pain & du vin, comme dit Joſephe, pour rafraichir les victorieux*. Et de ſaiſt l'Apoſtre aux Hebreux 7, que vous citez, nous reſout de cecy: car il dit bien

D 3 que

que Melchisedech vint au deuant d'Abraham & le benit. mais de sacrifice ny de pain ny de vin, il n'en fait aucune mention: Estimez vous qu'il se fust teu de ce grand mystere? vous voilà donc conuaincu d'auoir falsifié ce passage, pour le faire seruir à vostre intention.

Vostre secondé fausseté est, que vous y auez mis vne particule causale, *pour ce que*, qui n'est point aussi au texte Hebreu, qui dit, *Et il estoit*: Ainsi l'ont tourné Chrysostome en la 33. homelie sur le Genese: Arias Montanus en son Interlineaire: S. Cyprien lib. 2. Epist. 3, que vous alleguez, & en somme la particule causale n'est recongneue par aucun. Le Grec l'a ainsi tourné, *τὸν ἵερωσὶν θεῷ*. Oyez encore sur cecy Cajetan, disant: *Et quant à ce qui s'ensuit en la Version commune: Car il estoit sacrificateur, &c. cōme si c'estoit la cause de l'oblation: Cecy n'est point en l'Hebreu ut causa, sed ut separata clausula*. Puis donc que le fondement de ce grand edifice que pretendiez bastir est non seulement foible, mais entierement faux, qu'ay je besoin de passer outre à vos conséquences: Mais poson que Melchisedech aye offert pain & vin, c'est à dire aye sacrifié: sera-ce à Abraham? à vn homme? ce seroit impieté. Vous direz qu'il sacrifia à Dieu: mais dites moy en conscience, le pouuez vous recueillir du texte? & quand on allegue l'Escripture, est ce pour y deuiner ce qu'elle ne dit pas, ou pour nous arrester à ce qu'elle dit? La plupart des anciens ont dit en termes expres que Melchisedech auoir apporté pain & vin à Abraham. August. in quæst. ex vtroque. q. 109.

Il vint au devant d'Abraham & produisit (notez)  
 fit venir des pains & du vin : il luy en donna & le  
 benist. Tertul. adu. Iudæos, Melchisedech inuincibilis  
 presenta a. Abraham circumcisus remanens au combat,  
 pain & vin. Chrysost. in psal. 110 dicit. Pource qu'il  
 presenta a Abraham pain & vin. Et Epiphani. ha-  
 rel. 55. Proposuit ipsi. il luy presenta, a. scilicet a Abra-  
 ham. Damasc. lib. 4. chap. 24. Il receut Abraham  
 avec pain & vin. Et Pierre Lombard commente  
 par Thomas D. 8. lib. 4. dit tout a trac. Obtulit  
 Abrahæ, il l'offrit a Abraham.

Sur cela vous vous contentez de coter quel-  
 ques anciens sans produire vn seul mot de leurs  
 escrits. pource que vous doutez qu'ils ne foyent  
 rien pour vous : comme à la verité, ils vous sont  
 contraires, tant s'en faut qu'ils fassent pour vous,  
 le prie donc les lecteurs de considérer avec quelle  
 sincerité nous marchons, puis que nous employons  
 les mesmes raisons, qu'ils produisent, pour  
 la verification de nostre cause. Articulon seule-  
 ment nos differents en ce point, & vous verrez  
 Cotton & ses compagnons bien camus. Nous  
 souteignons qu'au passage du 14 du Genèse il n'est  
 fait aucune mention que Melchisedech aye sa-  
 crifié.

Item que Melchisedech aye présenté a autre  
 qu'à Abraham pain & vin.

Item qu'il ayt fait ceste largesse comme sa-  
 crificateur, ains comme Roy & pour soulager les  
 victorieux.

Item que les Anciens ont bien rapporté par  
 allegorie ce pain & ce vin présentés par Melchi-  
 sedech

fedech à Abraham, ou au sacrifice fait par Iesus Christ en la croix de son corps & de son sang, nostre vraye viande & nostre vray breuuage : ou bien au sacrement de l'Eucharistie. Mais à la Messe, il ne s'en trouuera pas vn seul mot en toute l'antiquité, ny en la façon que vous l'alleguez. Parquoy, Monfr. Cotton, & vostre dire & toutes vos allegations sont pures faussetés : produisez, produisez seulement le texte de vos allegations, & elles vous condamneront.

Après ces faussetés vous ne vous eslongnez gueres de blaspheme. *Sur la croix*, dites vous, *il fut prestre selon l'ordre d'Aaron : c'est donc en l'institution de ce sacrement, qu'il fut Sacrificateur selon l'ordre de Melchisedech.* ( je m'estonne pourquoy vous ne l'avez appelle sacrifice & non sacrement. ) Item, adjoustez vous, au pseau. 109. il est dit *sacrificateur in aeternum*. il faut donc qu'il y aye vn sacrifice qui dure, & non pas celuy qu'il a fait en la croix, que vous appelez par mespris celuy de Caluaire : car, adjoustez vous, Iesus Christ ne meurt plus, Rom. 6.

Parlez clairement : voulez vous dire que le sacrifice fait par Iesus Christ en la croix n'a esté en rien different à ceux que Aaron & ses successeurs faisoient ? & que s'il n'en auoit fait vn autre, sa mort ne nous seruiroit non plus que si on auoit sacrifié vn veau ou vn bouc ? Car c'est proprement ce en quoy consistoit la sacrificature Leuitique : & voulez conclurre que cest autre sacrifice est la Messe ? Item que le sacrifice de Caluaire ( ainsi l'appellez vous ) ne dure pas tous  
jours



jours, pour ce que Iesus Christ ne meurt pas tous les jours, ou qu'il ne demeure pas tousiours attaché à la Croix, ce qui seroit necessaire si nous voulions estre sauués: Il faut donc qu'il y ayt vn autre sacrifice, que vous appellés la Messe. Est il bien possible que vous Chrestien (au moins voulez vous qu'on vous estime tel) entre les Chrestiens osiez tenir ce langage? Rayez donc del'Escripture tous les passages luyuans.

*Mais Dieu certifie la charité enuers nous, en ce que lors que nous estions encore abandonnés à peché, Christ est mort pour nous. Rom. 5, 8.*

*Nous auons esté reconciliés à Dieu par la mort de son fils. Ibid. 10.*

*Christ s'est liuré soy mesme pour nos pechés. Galat. 1, 4.*

*Christ s'est donné soy mesme pour nous, à fin de nous racheter de toute iniquité, & nous nettoyer, pour luy estre vn peuple peculier. Tit. 2, 14.*

*À fin que par sa mort il destruisist celuy qui auoit l'empire de mort, à sçauoir le Diable. Heb. 2, 14.*

*Christ a esté offert vne seule fois pour aboler les pechés de plusieurs. Heb. 9, 28.*

*Nous sommes sanctifiés par l'oblation vne seule fois faite du corps de Iesus Christ. Heb. 10, 10.*

*Par vne seule oblation il a consacré à perpetuité ceux qui sont sanctifiés. Heb. 10, 14.*

Tous ces passages monstrent clairement que le sacrifice, par lequel nous auons esté rachetés de tous nos pechés, est celuy seul que Iesus Christ a vne seule fois fait en la croix, par lequel il nous a pleinement sanctifiés, la vertu duquel du-

E rc à

re à perpetuité, & n'a nul besoin d'estre reïté, car ce seroit l'arguer d'imperfection, ny a besoin d'un autre sacrifice pour nous estre appliqué. Ainsi l'enseigne toute l'Escripture: ainsi les peres d'un commun accord: ainsi l'ont tousiours creu tous les vrais Chrestiens, mettans toute leur fiance & leur esperance en la mort & passion de Iesus Christ, comme en l'unique sacrifice de nostre reconciliation.

Vous venez apres pour vostre 4<sup>e</sup> preuue à l'Agneau Paschal, que vous pretendez auoir esté vne figure de la Messe. Nous enseignons voirement que l'Agneau Paschal a esté la figure de Iesus Christ sacrifié sur l'autel de la Croix: Mais de la Messe nous le nions. Car voicy comme l'Escripture en parle, *Voici l'Agneau de Dieu qui est le peché du monde*, disoit Iean Baptiste; Ieā 1, 29. *Nostre Pasque, à sçauoir Christ, a esté sacrifié pour nous*. 1<sup>re</sup> Corinth. 5, 7, qui est le passage par vous allegué. *Christ a porté nos pechés en son corps sur le bois*. 1<sup>re</sup> Pierr. 2, 24. *Christ a esté occis, & nous a rachetés par son sang de toute lignee, langue, & nation*. Apocal. 5, 9. S. Paul donc dit, Nostre pasque; à sçauoir Christ, a esté immolee: il ne dit pas sera, ou doit estre immolee tous les jours. C'est merueille qu'en tout vostre escriit vous ne produisez vn seul passage de l'Escripture pour preuue de vostre dire: si vous en produisez quelcun, vous en corrompez le sens.

Vous recourez aux peres, & selon vostre façon accoustumee, ne spécifiez rien de leur dire, & quand on va voir les lieux, on n'y trouue rien qui

qui face pour vous. C'est vne faute qui vous est ordinaire, & qui est des plus grandes qu'on scauroit cōmettre en la Theologie Chrestienne, c'est que tout ce que l'Escripture & les peres dient de Iesus Christ, vous l'attribuez à la Messe, comme si Iesus Christ & la Messe estoient vne mesme chose. Certes les peres ont dit, que l'Agneau Paschal estoit la figure de Christ crucifié, & pourquoy ne le diroyent-ils, puis que l'Escripture le dit? Que la Pasque estoit figure du Sacrement de la Cene, mais de la Messe pas vn seul mot.

Vous avez en la marge de vostre escript le passage de Daniel 12, v. 11, & me demandez que je vous die de quel sacrifice il parle, si ce n'est de la Messe? Quand vous m'aurez monstré que le mot de sacrifice est au texte Hebreu, je vous respondray: le vous diray seulement, par forme d'avis, que vous avez mis *ans* au lieu de jours.

Ce sont les arguments que vous avez peu tirer comme par les cheueux de l'ancien Testament. Et pout les renuerser en gros, ensemble tous les autres de mesme estoife, je vous propose ceste hypothese.

Si toutes le promesses de Dieu, toutes les propheties concernantes nostre salut, toutes les figures, sacrifices, & autres ceremonies de la loy, ont esté parfaitement accomplies en Christ & par Christ, il s'ensuyura que quiconque rapporte l'accomplissement d'icelles à quelque autre, soit la Messe ou autre chose, celuy là renuerse le sens des Escriptures, & fait injure au fils de Dieu.

Or l'antecedent est tresueritable : le consequent l'est donc aussi : & par vne necessaire consequence, vous, qui rapportez la prophetie de Malachie, le sacrifice de Melchisedech, la ceremonie de l'Agneau Paschal, à la Messie, faites injure à Iesus Christ.

### *Du Nouveau Testament.*

Vous joignez de plus pres, & venant au Nouveau Testament faites instance sur l'institution de la S. Cene, & dites, que nostre Seigneur ordonne que l'on face le mesme que luy en sa memoire. Or, dites vous, il le fait par voye de Sacrifice, non seulement par voye de Sacrement. Et pource que vous voyez bien que c'est la mineur où gist la dispute, vous entrez en la preuue d'icelle, je di preuue fort legere en ce subject. Car puisque vous pretendez que ce soit icy l'institution d'un sacrifice du nouveau testament, il en falloit montrer l'ordonnance en termes expres. Je vous confesseray bien que l'ordonnance du sacrement y est bien expresse, mais de sacrifice, pas vn seul mot qui y tende: Ce ne sont donc que conjectures que vous produisez, qui ne peuuent produire vne ferme preuue en chose si importante.

Vostre premiere conjecture est, que ces mots, dont les Euaangelistes ont vsé en ceste institution, à sçauoir *δίδωμι*, *ἐκχυνόμενος*, sont du temps present, *qui est donné, qui est respendu*, & non pas, *qui sera donné ou respendu*: & par là voulez conclure, que lors mesmes Iesus Christ s'est sacrifié & a respendu son sang, & a ordonné de faire

faire de mesmes, & par consequent la Messe. Mon Dieu, quelles subtilités bien grossieres! Premièrement, si vne si notable institution estoit contenue en la determination du temps present, certes la traduction commune (que neantmoins vous tenez pour authentique, par determination du Concile de Trente) auroit commis vn erreur notable, & du tout condamnable, d'auoir tourné par tout, & en S. Mattheu 26, v. 28, *effundetur*, & en S. Marc 14, v. 24, de mesmes, & en S. Luc 22, v. 20, de mesmes, & 1. Corinth. 11, v. 24, *tradetur*. En somme, par tout il a tourné au temps futur. Tout de mesme Chrysostome & Origene : & par ainsi tout vostre grand sacrifice s'en va bas, par le tesmoignage mesme de vostre authentique traduction, & des anciens.

Vous insistez encor plus subtilement, ce vous semble, quand vous adioustez, que s'il eust donné son corps seulement pour Eucharistie & sacrement, il eust dit *à vous*, & non pas *pour vous*, (terme qui denote sacrifice) & *pour plusieurs en remission des pechés*. Je ne me veux pas arrester à l'impropriété de vostre langage, quand vous dites, donner son corps pour sacrement, car Iesus Christ ne donna jamais son corps pour sacrement : mais a donné le pain & le vin pour sacrement de son corps & de son sang : & a donné vraiment son corps & son sang en sacrifice pour nostre reconciliation, quand il s'est liuré soy-mesme en la croix, comme toute l'Ecriture en parle : parquoy ceste seconde instance renuerse la vostre premiere : d'autant que le mot de *pour*

*Vous, & pour plusieurs*, important sacrifice, comme vous l'affirmez, & Christ ne s'estant sacrifié qu'en la croix, pour la remission de nos pechés, comme tous les Chrestiens d'une voix confessent, que par la mort & passion de Iesus Christ nous sommes sauues, s'ensuit qu'il n'y a autre sacrifice que celuy de la croix: & que la Messe ne fut jamais instituee par Iesus Christ, mais vous l'avez bastie sans fondement, aussi s'en ira-elle bien tost bas.

Vous pourfuyuez à insister sur le mot de *ad-  
prop*, dont S. Paul vſe, qui signifie *est rompu*, ce qui ne peut conuenir au corps crucifié, attendu que *es non comminueris ex eo*. Le vous respon, que la traduction commune l'a tourné *tradetur*, sera liuré: mais retenon le mot. *est rompu*: estimez vous que le corps de Iesus Christ n'ayt point esté rompu en la croix? encores qu'il soit tresvray, que, comme il estoit defendu de rompre aucun os de l'agneau pascal, qui estoit la figure, aussi en Iesus Christ le vray agneau nul os n'a esté rompu: mais que son corps n'aye esté rompu, & des douleurs de la mort, & des clous qui ont percé ses pieds & ses mains, & de la lance qui a percé son costé, & des espines qui ont percé son sainct chef, je ne pense pas que vous le veuillez dire. Ce pendant je vous diray en passant, que vous ne vous estes pas bien souuenu de ce que cy deuant vous auiez dit, q' l'agneau pascal estoit figure de la Messe, & maintenant, par ceste allegation, vous reconnoissez qu'il estoit figure de Iesus Christ, & que ceste figure a esté accomplie en

la croix. Souuienne vous du prouerbe.

En la consecration du calice, dites vous encor, il y a en S. Luc 22, v. 20, το ὂνις ὁ μὲν ἐκ χειρὸς ἡμῶν, qui ne peut estre referé à la croix. le vous respon, que cecy n'a non plus de fondement que le precedent, & si ne fait nullement à propos de nostre question, mais vous auez cherché occasion de vous attacher à ce fidele seruiteur de Dieu de Beze, qui n'a besoing que je maintienne sa cause: il est viuant, (quoy que vos compagnons ayent n'a guieres publié sa mort & sa reuolte, aussi vray l'un que l'autre,) il n'est guieres loin: si vous luy voulez escrire, je vous promers de luy faire tenir vostre lettre seurement, & vous en faire auoir la responce: croyez qu'il a assez de quoy vous satisfaire. Je vous diray seulement, que quand vous dites, que cellà se doit rapporter à ce qu'ils ont beu lors. & mis en bouche, à sçauoir το ποτήριον, il semble que vous voulez dire, que les Apostres ont lors beu & mis en bouche la coupe. Pour donc euirer ceste absurdité, il vous faut recognoistre qu'il y a là vne figure, par laquelle le contenant est mis au lieu du contenu.

Vous faites encor cas d'une autre conjecture, à sçauoir, qu'en l'Escripture ce mot *faire* signifie par fois sacrifier, & trauaillez fort d'en proposer des exemples. le vous respon, que les Euangelistes & Apostres ont escrit en Grec, & ne trouuez que le verbe ποιεῖν, que les Latins ont tourné *faire*, soit jamais pris pour *sacrificare*: & ainsi il faudroit dire, qu'en l'institution Grecque il n'est pas ordonné de sacrifier, & par consequent la

la Messe ne s'y trouue pas, si fait bien en la Latine: & peut estre que c'est la cause pourquoy l'Eglise Grecque n'a jamais voulu recevoir la Messe, non plus que le Purgatoire. If vous respon-  
 encor, que quand le verbe *facere*, comme aussi le mot Hebreu *asa*, se prend pour *sacrificare*, c'est  
 és lieux où il est manifestemēt parlé de *sacri-  
 & la victime est mise apres, comme és passages  
 par vous cortés, & pourtant lors le verbe *facere*  
 se prend ainsi manifestement. loint qu'il n'est  
 pas question simplement du verbe *facite*, mais  
 de ceste enonciation, *Hoc facite*: & je soutien  
 que jamais, ny és auteurs sacrés, ny és profanes,  
 vous ne trouuez que *Hoc facite* signifie *sacri-  
 fier*: feuilletez hardiment vos papiers, & m'en  
 proposez vne instance. Vous adjoustez, Nostre  
 Seigneur leur dir & à nous, *Hoc facite in meam  
 commemorationem*. Je croy que quand vous di-  
 tes que nostre Seigneur leur dir, vous entendez  
 aux Apostres, & quād vous adjoustez, & à nous,  
 vous entendez à vous & à vos compagnons pre-  
 stres, & voulez inferer, que par le mot de *facite*,  
 il vous a ordonné de *sacrier*. Je vous pren au  
 mot. S. Paul escriuant à toute l'Eglise de Corin-  
 the, rapportant l'institution de la Cene, 1 Co-  
 rinth. 11, leur a dit à tous, *Hoc facite*: il les a donc  
 tous ordonnés *Sacrificateurs*. Et estimez vous,  
 que Iesus Christ aye ordonné seulement aux A-  
 postres & aux prestres de celebrer la memoire  
 de sa mort? ne le croyez pas: celà s'adresse à  
 tous les fideles: il faudroit donc dire, qu'il a com-  
 mandé à tous de *sacrier*. Mais l'Apostre saint  
 Paul*



Paul est fidele exposeur de ce *Hoc facite*, quand il dit, *Toutes les fois que vous mangerez de ce pain, & boirez de ceste coupe, vous annoncerez la mort du Seigneur jusqu'à ce qu'il vienne.* Faire donc, cecy signifie, non pas sacrifier, mais manger de ce pain & boire de ceste coupe, ce qui est ordonné à tous selon l'interpretation de S. Paul, que nous croyons meilleure que la vostre.

Voilà en somme toutes les conjectures & subtilités, que vous avez euidé tirer de l'institution de la Cene, pour supposer la Messe en sa place, vuidees: qui sont voir à tous la foiblesse de vostre cause: car si vous auiez de plus fermes raisons, vous ne les eussiez pas oubliées. Puis que le principal, à sçavoir l'institution, vous manque, il n'y a pas apparence, que le reste puisse estre ferme. Souuienne vous qu'il est question de l'institution d'un sacrifice: qui doit estre couchée en termes clairs & non recherchés: & tout ce que vous proposez est tellement recerché, & a si peu d'apparence, que les peres les plus clairs voyans ne s'en sont apperceu, tesmoins leurs expositions sur ce lieu. Feuillitez bien leurs escrits, & vous ne trouuerez pas vn qui se soit aduisé de vos subtilités.

Voyon toutesfois si vous auez mieux rencontré autres preuues, & si elles seront plus fermes. Vous dites aux actes 13, v. 2, il y a *λοῦψαντες τὸ αἶμα τοῦ κυρίου*, parlant de la fraction Eucharistique, dites-vous. Que direz-vous donc de vostre version commune, qui a tourné *ministrantibus*, & non pas *sacrificantibus*? Arias

F

MONT

Montanus en son interlineaire sur le nouveau Testament, de mesme. Que direz-vous aussi de Chrysostome sur les actes hom. 27. qui ne s'est pas contenté de tourner *Ministrantibus*, mais encore l'expose en ces mots: *Quid est ministrantibus? pradicantibus, & presbiteris*. Oecumenius a mis *sacientibus praconium*: peut estre croirez vous mieux à Cajetan exposant ce passage. Il dit donc, *Comme ils preschoient & prophétisoient*. Mais quand nous vous donnerions *sacrificantibus*, puis que vous le voulez, & que vous vous en rapportez à Erasme (vous n'en feriez pas ainsi par tout) encor n'en pourriez vous pas tirer vne ferme preuve, veu la diuersité des interpretations. Et quant à ce, que vous adjoustez, qu'il est parlé en ce passage de la fraction Eucharistique, j'estime qu'il n'y aura homme qui lisant seulement le passage ne voye qu'il ne le parle ny pres ny loin de ceste fraction, ains de l'election de Saul & de Barnabas: & de ce qui a esté obserué en leur election. Je prie les lecteurs de prendre la peine de le voir. Il est tout certain que le mot de  *λειτουργία* se prend en l'Ecriture pour ceux qui exercent vne charge ou fonction publique, soit ecclesiastique, soit ciuile, comme il se peut voir Luc. 1. v. 29. que vous auez cité, & Rom. 13. v. 6. Quelle consequence donc de dire  *λειτουργούντων*, ils chantoient donc la Messe. Je vous confesseray volontiers que les anciens ont dressé des formulaires du seruice qui se faisoit en l'Eglise, qu'ils ont appelé liturgies, mais que ce fussent des sacrifices expiatoires, que vous appelez Messe, il le vous faudr

faudroit prouuer. *Tu petis principium.*

Quant aux trois lieux que vous citez de l'Apostre, à sçauoir 1-Corinth. 10, où il oppose l'autel de Dieu à celui du Diable, Ergo la Messe. Item aux Hebreux 13, Nous auons vn autel auquel ne peuvent participer ceux qui seruent au tabernacle: Ergo la Messe: Item aux Hebreux 9, L'Apostre dit que le principal office de tout prestre est de sacrifier tant pour ses pechés que pour ceux du peuple: Ergo la Messe. Il faut que je vous confesse que je me suis esmeruillé de vous, qui faites profession d'estre vn grand logicien, & cependant faites des consequences si cornues. Si vous voulez prendre la peine de mettre ces trois arguments en forme (si faire se pouuoit) je vous promets de vous respondre, & par mesme moyen vous remarquer les corruptions que vous commettez & des paroles & du sens de ces passages de l'Apostre.

Voilà tous les passages par vous allegués du Nouveau Testament: & je vous ay fait voir qu'il n'y en a pas vn qui vous puisse seruir pour la preuve de la Messe. Tout ce qui est cy apes, est hors de propos, puis que vous niant ma seconde These auiez prins à prouuer que la Messe estoit non seulement contenue, mais expressement ordonnee en l'Escripture: ce que vous n'avez fait ny ne sçauriez faire, ny tous vos compagnons avec vous. Ce me deuroit donc estre assez, sans m'arrester à tout le suuant. Toutesfois pour ce coup, & sans consequence, je suis content d'y respondre briuelement.

F 2.

Dn

## Des Peres.

Pour vuidier en brief tout ce que vous alleguez des peres, je vous respon trois choses. La premiere, que vn point de doctrine ou article de foy, ne peut ny doit estre fondé sur le seul tesmoignage des peres, sinon entant qu'ils le verifient par tesmoignages expres des saintes Escritures: & pourtant, ce point dont nous disputons estant des plus importants de toute la doctrine Chrestienne, comme estant le fondement de toute nostre esperance, à sçauoir, *s'il y a en l'Eglise Chrestienne quelque sacrifice expiatoire, qui se doyue reiterer tous les iours, tel que vous tenez estre la Messe: Ou bien si le sacrifice vne seule fois fait par Iesum Christ en la croix de son propre corps, pour nostre reconciliation, n'est pas suffisant pour sauuer tous le monde, comme nous le croyons & l'enseignons.* Or puis que vous n'auez peu produire aucun passage de l'Escriture pour nous faire croire vostre sacrifice expiatoire, l'autorité des peres ne seroit pas suffisante pour le nous faire croire. Ce que je ne di pas craignant que vous trouuiez dās les peres de quoy le maintenir, mais seulement pour vous faire entendre qu'en la Théologie les preuues & tesmoignages prins de l'Escriture sont seuls necessaires & indubitables, tous les autres ne sont que probables.

La seconde, je vous confesseray franchement que tous les peres ont donné le nom de sacrifice au S. Sacrement de la Cene: mais de la Messe, ils n'en

ils n'en parlerent onques. Parquoy quand vous argumentez ainsi, *les peres ont donné le nom de sacrifice à la sainte Cene, ergo ils ont parlé de la Messe*: nous vous nions la consequence, sinon que vous puissiez monstrez que la Cene & la Messe, c'est à dire la lumiere & les tenebres, vne sainte ordonnance de Dieu & vne pure inuention humaine, sont mesme chose.

La 3: que quád les peres ont donné le nom de sacrifice à la Cene, ils n'ont jamais entendu dire que ce fust vn sacrifice propitiatoire ou expiatoire pour nos pechés: mais seulement d'autant que ce sacrement est vn memorial de ce grand sacrifice fait par Iesus Christ en la croix pour nous rendre Dieu propice, & aneantir nos pechés.

Item pource que en ce sacrement nous rendons graces à Dieu pour ce grand benefice que de sa pure grace il nous a ottroyé, donnant son fils à la mort pour nous: voilà pourquoy mesme les peres ont donné à ce sacrement le nom d'Eucharistie, qui signifie action de graces, principalement les Grecs. Celà est suffisant pour vuidier toutes les allegations que vous pourriez alleguer des peres, prises de leurs œuvres legitimes, sans que vous puissiez jamais monstrez qu'ils ayent onc tenu le saint sacrement de la Cene pour vn sacrifice expiatoire: Encor moins qu'ils ayent jamais parlé de la Messe.

Je vous diray encores cecy par forme d'aduis, qu'ayant voulu verifiser quelques vns des passages des anciens par vous cités, j'ay trouué que vous les auez falsifiés, qui est vn tesmoignage

d'une tresmauvaise cōscience. Je suis delibéré de les verifiez tous l'un apres l'autre à loisir , & puis vous en enuoyer la liste & l'examen , à fin que vous cessiez de vous tromper vous mesme & les autres.

### *Des Conciles.*

Ce que vous alleguez des Cōciles ne fait rien pour vous: car quand le premier Concile de Nicée appelle ce dont il parle, *communio*, il est bien evident, qu'il ne parle nullement de la Messe, où il n'y a point de communion, ains parle du sacrement de la Cene, laquelle doit estre administree par les Pasteurs, qu'il appelle Prestres, & non par les personnes priuees. Le second Concile de Nicée ne fait rien contre nous. Car nous confessons, qu'au S. sacrement de la Cene nous ne receuons pas Iesus Christ en partie seulement, ou ses dons, ses graces, sa justice, ains luy tout entierement. Mais à quel propos tout cecy? Les particuliers ne doyent pas bailler la communion: item, Nous auons Iesus Christ luy mesme: item, Nous auons le vray autel: item, Caluin recoit les quatre premiers Conciles, comme contenans la pure & naïue interpretation de l'Escripture: Ergo, concluez vous, la Messe. Certes je ne croy pas que vous parliez à bon escient.

### *Raisons.*

Examinon vos raisons, & voyon si elles meritent ce beau nom.

1. S. Augustin dit, que c'est insolente remerité, de disputer de ce que l'Eglise fait par tout le monde.

monde. Je vous respon ; qu'il vous faudroit premierement verifier que la Messe est approuuee par la vraye Eglise, & receuë par tout le monde : car nous vous disons, que la vraye Eglise n'approuua jamais la Messe. Vous voyez donc que la mineur est le point de nostre disputé.

2. Aristote est vn serial auteur pour verifier vn point de la Religion : vous en deuiez bien parler: c'est vn auteur fort propre pour la Messe, aussi bien que la lumiere naturelle. Vous ne faites nulle difference entre les sciences humaines, & la science diuine: en somme, vous ne sçauiez que c'est de la vraye theologie.

3. Le dire de S. Cyprien ne fait rien pour vous, ny rien contre nous, & n'est nullement à propos : car nostre dispute est, Si la Messe est receuable, ou non : & le lieu par vous allegué n'en dit mot.

4. Quand vous aurez marqué le lieu de Chrysostome, je vous y respondray, & m'asseure qu'il sera plustost contre. que pour vous.

5. Vous ne demâdez qu'à bâiller: dites moy que vous appelez figure, que vous appelez prototype & autographe. Vous ne sçauiez que c'est. Je vous dy que la Manne, ny autre chose ne fut jamais figure de la Messe: & que la Messe, qui n'est rien qu'une chimere & simple imagination, ne fut jamais ny prototype, ny autographe, sinon de la vanité de l'entendement humain, & vn magasin d'idolatrie. Mais le Sacrement de la Cene est vne sainte ordonnance de Dieu, en l'administration de laquelle nous sont

sont vrayement exhibés non seulement le pain & le vin visiblement & corporellement, mais aussi le corps & le sang de Iesus Christ spirituellement & par foy.

Finalement vous promettez de prouuer la Messe par les Rabbins, par les Sibylles, voire par les Demons malheureux, & par les bestes mesmes: tellement qu'à vostre conte, pour apprendre que c'est que de la Messe, il nous faudroit recourir aux docteurs des Iuifs, aux Sibylles propheteesses des Payens, voire mesme aux Diables, & aller à l'eschole des bestes. Je vous declare que nous sommes Chrestiens par la grace de Dieu, & qu'un seul tesmoignage des Escriptures nous suffit, d'autant que nous sommes fermement persuadés que c'est l'esprit de Dieu qui a parlé en icelles. Certes vous ne deuriiez pas produire ces tesmoins, qui ne sont nullement receuables, mesmement en vn point de la Religion Chrestienne: mais je croy que vous deffiant de pouuoir auoir d'autres tesmoins dignes de foy pour fauoriser vostre cause, vous auez mis ceux cy en auant pour vous faire valoir, & faire à croire que vous estes bien versé aux langues: mais il n'est pas question des mots, mais d'un point de doctrine.

Vous me promettez dans trois ou quatre jours de me faire voir l'antiquité du mot de Messe, & qu'il se trouue en l'Escripture. Ne prenez pas la peine, je n'ay jamais disputé du mot, je dispute de la chose. Vous sçaez bien que le mot de Chimere, de Harpye, de Syren, de Cerbere, &c  
autres;



autres, sont fort anciens, mais est-ce à dire pourtant que ce soit quelque chose? croyez qu'il en est de mesme de la Messe.

Montrez nous seulement que Dieu aye ordonné sous le nouveau Testament quelque sacrifice auquel il ordonne que le corps & le sang de Iesus Christ lay soyent journallement offerts, pour la remission des pechés des vifs & des morts: & nous ne disputerons plus du mot de Messe, & ne nous enquerons plus de l'antiquité d'iceluy, ny s'il est en l'Escripture, pourueu que la chose y soit.

Je vous auois mis pour condition de nostre conference, d'user de forme raccourcie, & vous l'auiez accordé, cependant vous auez fait des discours infinis.

Je vous auois dit de n'amener que des arguments necessaires & indubitables, & vous amenez preuues de toutes parts qui ne sont pas mesmes vraisemblables.

Je vous auois dit de n'user d'aucune sophistrie, car en ces matieres celà tesmoigne vne tres-mauuaise conscience: Cependant tous vos discours ne sont que sophistries & subtilités, comme je le vous ayt fait voir par ma réponse.

Je n'en feray pas ainsi, je vous mettray simplement nostre creance sur le point de nostre dispute: si vous y trouuez à redire, marquez les erreurs: faites de mesme, mettez simplement ce que vous croyez de la Messe, & je vous marqueray les erreurs.

Nous, qui, par la grace de Dieu, sommes Chre-

G

tiens,

tiens, croyons & confessons que l'unique sacrifice fait par Iesus Christ, vne seule fois en la croix, est seul propiciatoire pour nos pechés, mettons en iceluy toute la fiance & esperance de nostre salut, sommes certains que ceste esperance ne nous rendra jamais confus, estant fondee sur le decret eternal & immuable de Dieu, manifesté à l'homme incontinent apres le peché commis, executé au temps par luy déterminé, en la personne de nostre vnique redempteur Iesus Christ, & depuis publié par la predication de l'Euangile. Or à nostre seul vray Dieu, à sçauoir le Pere qui nous a aimés, au Fils qui nous a rachetés par son sang, & au S. Esprit qui nous a sanctifiés, soit honneur & gloire és siècles des siècles. Amen, Amen, Amen.

*Responce en forme raccourcie.*

*L'accorde la majeur, comme estant en tout & par tout conforme à ma premiere these.*

*Je nie la mineur, laquelle vous n'avez prouuee, ny ne sçauriez prouuer par bonnes & fermes preuues.*

*Ma troisieme these demeure ferme, à sçauoir, que la Messe n'est ny legitime ny receuable.*

Depuis ma responce acheuee, on m'a fait voir vn vostre nouveau escrit, là où vous vous mettez en cholere. Peut estre que la lecture du liure de Monsieur du Pleissis vous a picqué, au moins vous attaquez vous fort à luy. Je vous prie ne vous picquez pas quand on dit la verité: Si vous y pretendez de la faute, mettez la main à la plume: il y aura dequoy employer les nerfs de vostre esprit,

esprit, le subiect & le merite, & l'auteur ne doit pas estre mesprisé: vous y acquerrez de l'honneur. Mais aiguisez hardiment bien vos cousteaux, vous trouuerez bien à qui parler, & qui n'aura pas faute de bonnes repliques. Il ne vous faudra pas mettre en auant ces faussetés & niaiseries que vous mettez en ces escrits que vous faites icy courir. Vous menacez qu'un grand personnage y a mis la main: on verra ce qu'il aura fait quand il l'aura mis en lumiere. Cependant passez vostre temps à dupliquer à ma replique, mais parlez serieusement, je vous prie, alleguez l'Ecriture & les Peres sincerement, & exprimez leurs testimoignages en propres termes. Et je prieray Dieu qu'il vous face voir sa lumiere.

*A. Gaille, Ministre du S. Euangile en  
l'Eglise reformee de Grenoble.*



**M**onsieur Caille, à la premiere veüe de vostre peu charitable respõse, j'ay experimenté ce que disoit Platon, αἱ μὲν τὰ ψεύδ' αὖτε πλείονος ἢ ἀληθὺς ποικίλλουσιν. Pour preuve & verification de quoy, je vous prie de choisir lieu & jour entre cy & l'octaue, pour conferer verbalement sur nos differents: attendu qu'il s'en dira plus en vne heure, qu'il ne s'en pourra escrire en douze: sans

refuser toutesfois le combat de plume, pourueu que vous y apportiez autant de modestie<sup>1</sup> & sincerité que vous en promettiez, & plus que vous n'en auez exhibé. Monsieur Cresson pourra estre de la partie, s'il luy plaist. Et vous verrez, que je ne vous ay rien proposé, qui ne cōclue aussi bien que vostre argument du moins, lequel j'auois mis ( dites vous ) en seconde figure<sup>2</sup> *in Baroco*, (qu'ils appellent,) & vous ne l'auiez sceu appercevoir, non plus que Monsieur Cresson la force des syllogismes expositaires, & l'aisée metathese de la mineur en majeur, comme elle se void en ceux de la quatrieme figure de Gallien, qui sont les plus illatifs en terme de matiere, comme scauent les moindres Logiciens. Ce n'est pour vous taxer : mais bien pour vous prier de considerer & peser vn peu mieux ce que vous auancez en chose de telle conséquence : autrement on fera jugement suyuant ce que lon dit, *ἐν τῷ ὀνίχῳ λίον & γράσκον.*

*Vostre plus humble selon Dieu,  
Pierre Cotton, Prestre de la  
compagnie de Iesús.*

<sup>1</sup> Nous ne refuserons jamais de cōferer ny avec vous ny avec autre, pourueu que la conference soit faicte par bon ordre : mais la conference par escrit est meilleure.

<sup>2</sup> Ce n'est point excéder la modestie, quand on appelle le blanc blanc, & le noir noir.

<sup>3</sup> Voyez cy dessus les theses.

Monf



**M**onsieur, vostre lettre m'a esté rendue: en icelle d'abord vous vous plaignez que ma réponse est peu charitable. Je ne pense point pouuoir vsér de plus grande charité qu'en mainrenant la verité, & en faisant apparoir combien il y a peu de fermeté en tout ce qu'on peut dire au contraire. Je ne puis que je ne die le faux faux: si vous trouuez quelque défaut en mes arguments & raisons, je ne trouueray jamais mauuais que vous en faciez apparoir, en ce qui y sera reprehensible, ne m'espargnez pas. Je ne sçay quelle modestie ny quelle sincerité vous pourriez requérir de moy plus grande, que de dire le blanc blanc, & le noir noir. L'ay simplement respondu à toutes vós allegations, par le mesme ordre que vous les auiez proposées, je ne vous ay produit pour preuues q̃ les textes formels des Escriptures & des anciens: si je les ay allegués mal à propos, ou si je les ay falsifiéz ou és paroles ou au sens, c'est à vous de le faire voir. Sinon que peut estre vous appelez modestie d'acquiescer purement & simplement à tout ce que vous direz, comme si vn oracle auoit dit les mots *des en prophetes*. Vous me sommeriez de choisir lieu & jour entre cy & l'octau pour conferer verbalement sur nos differents: malaisement se pourra-il faire que celuy qui ne peut maintenir sa cause par escrit, le face mieux de viue voix: craignez vous d'exposer vstre doctrine à la veüe & à l'examen de chacun? Non

G 3 fay

fay pas moy celle que j'enſeigne : je ſuis content de la mettre par eſcrit, & de la ſigner de mon ſang, ſi beſoin eſt. Les conferences par eſcrit ſe font & s'examinent plus meurement, ne ſont ſubjectes à retractation, comme celles qui ſe font de vive voix. Toutesſois, ſi vous auez tant d'en- uie de parler, je ne le reſuſeray pas, pourueu que ſous l'autorité & bon plaiſir de nos magiſtrats, il y ayt vne conference bien reiglee, par le moyen de laquelle on puiſſe tirer vne bonne & ferme reſolution. Voicy donc les loix que nous deſirons en icelle.

Premierement, pource qu'en route diſpute il faut qu'il y ayt vn deſendeur, & vn deman- deur, nous mettons en auant noſtre confeſſion de foy, qui eſt le ſommaire de toute la doctrine que nous croyons & enſeignons : de laquelle vous tirerez vn point & que vous voudrez arguer de faux : pourtant ce ſera à vous d'argumenter, & à nous de ſouſtenir. Ou, ſi vous aimez mieux, vous prendrez vn point & de voſtre doctrine, & nous argumenterons au contraire.

Il ne ſera loiſible de quitter ce point là juſ- ques à entiere reſolution, & celui qui ſortira hors du ſubject propoſé ſera tenu pour conuaincu.

Toutes les preuues & arguments ſeront prins de l'Eſcriture ſaincte, comme eſtant le ſeul juge ſouuerain & ſans appel des diſputes de la Reli- gion, & les arguments prins d'icelle ſeuls neceſ- ſaires & indubitables. Car cecy eſt touſiours vray : *Tout ce que l'Eſcriture dit, eſt treſueritable :*

ce

ce qui ne se peut dire d'autre.

Celuy qui argumentera le fera en forme raccourcie, selon les preceptes de la logique, & suyuant les enseignements d'Aristote prince des logiciens : sans qu'il soit permis de faire de grands discours.

Seront choisis deux secretaires, qui redigeront par escrit de part & d'autre tout ce qui sera traité.

Celuy qui interrompra le propos de l'autre qui parlera en son rang, luy sera imposée silence.

Quand quelcun sera conuaincu d'auoir mis en auant vn sophisme, il sera tenu pour indigne de disputer en Theologie, és disputes de laquelle on doit apporter vne bonne & sincere conscience, & non des fallaces ou tromperies.

Sur tout sera obserué estroitement qu'à l'entree de chacune conférence le nom de Dieu sera inuocé, en langage entendu de tous haut & clair : & la priere adressée à Dieu seul, par vn seul mediateur Iesus Christ.

Moyennât ces cōditions, qui sont saintes & raisonnables, nous ne refuserōs pas la cōference.

*J. Caille, Ministre du S. Euanqile  
en l'Eglise reformee de Grenoble.*

Pendant que je vous prepare vne ample response à vostre amas du dernier escrit, je vous aduise que le passage que vous auez cité de Monsieur du Plessis lib. 1. chap. 6. vous l'auiez falsifié: si vous en faites ainsi, vous vous acquerrez le nom de calomniateur.

Monf



**M**onsieur Caille, je vous diray la vérité : j'ay pitié & compassion de vous, faute de cognoissance. Vous defendez vos fautes & prisez vos erreurs. Vous ne le croirez, si je ne marqué vos chassés.

Vous trouvez estrange, que j'aye appelé vostre réponse peu charitable, ne vous apperceuant pas, de ce que pieça a remarqué S. Iean Chrysost. de ceux qui ont le fiel en l'ame, lesquels ressemblent coustumierement les louuetons, qui mordent en jouant, & jouent en pinçant. Voicy donc les poincts de vostre tant reformee charite.

En la page sixieme vous dites, que je suppose les sentences de S. Cyprien & de S. Augustin. Voyez-les, & vous verrez s'il est vray.

En la page septieme vous m'accusez d'arrogance, & du crime commun aux spirituels plagiaires : sçauoir est, de citer force autorités des Peres, pour me faire estimer grand personnage, leur imposant fausement : & d'abondant taxez tous les Iesuites, comme coustumiers de ce faire.

Non content vous m'imputez le reproche de fausseté plus de cinq ou six fois.

En la page neuvieme, Articulon seulement, dites vous, nos differents en ce poinct, & vous verrez Cotton & ses compagnons bien camus.

En la dixieme vous m'imposez par extreme sycophantie, (excusez moy si j'use du mot en si cuisante calomnie,) vous m'imposez d'auoir appelé



pellé le S. sacrifice de la croix par mespris, Sacrifice de Caluaire, me taxant de blasphemement, & avec grande injure.

En la page vingtieme, vous dites que je ne sçay que c'est de vraye theologie. Et apres, Vous ne demandez qu'à babiller. Dites moy que vous appelez figure, prorotype, autographe. Vous ne sçavez que c'est. Ce sont vos mors.

Sur la fin vous dites que je me mets en cholere, & que je me picque de la verité. Je croy que vostre conscience vous soit tesmoing du contraire.

Vous me blasmez d'auoir mis en auant faussetés & niaiseries, & de les auoir fait courir.

Apres, en vostre derniere responce, vous dites que je veux faire acquiescer chacū en mes paroles, comme si vn oracle auoir parlé du tripied: & que je refuse d'exposer ma doctrine à la veüe & à l'examen d'un chacun.

Vous sçavez bien du contraire: car expressement, vous demandant ceste conference verbale, j'ay marqué en celle que je vous escriuis, de ne vouloir en rien me retirer pourtant du combat manuel par voye de plume.

Quant aux conditions de la dispute, je m'en remets à pur & à plein à ce qu'en jugera & trouuera bon Monseigneur. Bien vous diray-je, que vostre foy, ou plustost opinion, est assez cognue de tous, sans en faire nouuelle profession: & que vous n'avez occasion de refuser l'autorité des Peres sur l'interpretation de l'Escripture sainte. Et de plus il semble que n'avez enuie de joindre

H à l'ue

à l'utilité de la dispute, puis que vous y requerez deux notaires. Ce n'est que pour auoir plus tost fait, & despescher plus de matiere, que nous choisissons la conference verbale : & vous la transferez en mesmes termes, que si à part nous escriuions en chambre. Je vous tourne dire, qu'il se vuidera plus de matiere sans escrire en deux heures, en la presence de mondit Seigneur, & de ceux qu'il luy plaira choisir, tesmoins irrefragables & irreprochables, qu'en dix par la main d'un notaire. Mais quoy que ce soit, je feray tout ainsi qu'il plaira à mondit Seigneur, non pour vne seule fois, mais pour plusieurs, & pour tousiours.

Vous parlez d'inuoquer le nom de Dieu à l'entree de chaque conference. Vous & moy le ferions diuersement. Il sera plus à propos de le faire auant d'aller sur les lieux, attendu mesmement que le Concile de Laodicee † nous defend de participer aux prieres de vos semblables.

Le Concile  
de Laodicee  
mal expli-  
qué, encor  
plus mal ap-  
pliqué.

Après tout, comme pour dernière main, en falsifiant l'orthographe, vous m'auisez que j'ay falsifié le passage du sieur du Plessis, pris du premier liure, ch. 6, & m'ombragez le nom de Sycophante. Je verray le lieu, & vous y respondray plus amplement. Cela seul vous ay-je écrit par ouï dire. Que si en autre chose vous trouuez que j'aye mal cité, marquez moy les endroits : & auant que de le vous persuader, & de le publier, attendez ma réponse : car souuent il arrive, que *canis festinans cacos parit catulos.*

Vostre plus humble selon Dieu, Pierre Cotton,  
pasteur de la compagnie de Iesui.

Monf

**M**onsieur Cotton, vous n'avez occasion aucune d'auoir compassion de moy, c'est de vous de qui il la faut auoir: car *ὁ μὲν ἀποκρίνωμαι τῷ οὐδ' ἀλλοῦ, ὁ οὐδ' ἀλλοῦ*, vous adorez ce que vous ne sçauiez, nous adorons ce que nous sçauons. Je suis tresbien asseuré qu'il n'y a aucun erreur en la doctrine que j'enseigne, sinon que vous veuillez dire qu'en vne doctrine purement tiree des saintes Escritures il y a de l'erreur.

Je ne trouue nullement estrange que vous ayez dit que ma responce est peu charitable: je sçauoye fort bien que ne pouuant respondre au principal, vous cherchiez quelque subterfuge comme vous auez fait, & pensez vous sauuer par les marests de vos plaintes.

Vous vous plaignez de ce que je vous ay dit que vous supposez les sentences des anciens, que vous citez faussement leurs autorités, que vous falsifiez les passages de l'Escriture mesme: que si nous articulons nos differents sur le point de nostre dispute, vous & vos compagnons ferez biē camus: que vous ne sçauiez que c'est de vraye Theologie. Voilà vos plaintes. Si j'ay dit quelque chose sans en rendre raison, vous auez iuste cause de vous douloir: mais ayant prouué mon dire, vous deuez respondre à mes preuues & raisons si vous pouuez.

Vne de vos principales plaintes est de ce que

H 2 je

je vous ay remonstré qu'en vostre escrit vous auez appellé le sacrifice de la croix, par mespris, le sacrifice de caluaire: je l'ay dit voirement, pource que c'est vne façon de parler que vous ne trouuerez en toute l'Ecriture, & je ne pense pas que vous la trouuiez en toute l'Antiquité: elle est donc toute vostre: il seroit meilleur d'user des manieres de parler de l'esprit de Dieu, & vostre façon de parler est accompagnée de mespris.

Sur tout vous auez bonne grace quand, pour vous couvrir de l'aduis que je vous auoye donné d'auoir falsifié le lieu de monsieur du Plessis lib.1, chap.6, vous le confessez, & respondes que vous l'auiez ouï dire: vous ne serez pas mon juge, puisque vous jugez sur vn ouï dire. Mesme voycy vostre sentence contre ledit sieur, que son liure est plein d'erreurs, de fausses citations, d'absurdités enormes. Que c'est estre estrangement monstrueux que d'accumuler & faire volume de tant de choses diametralement opposees à verité. Et tout celà pour l'auoir ouï dire respondes vous. Je croy bien que toutes les sentences que vous prononcez cõtre nous sont fondees de mesme: & de vray quand ce vient aux preuues, vous vous trouuez merueilleusement court; pource que vostre ouï dire se trouue faux.

Ceux donc qui liront vos escrits verront que vous tergiversez, & que laissant le point de la dispute, pource que vous estes au bout de vos lieux communs, vous vous accrochez à des accessoires, comme font les plaideurs de mauuaise foy,

foy, qui sçachans fort bien qu'au fonds de la cause ils n'ont que tenir, s'arrestent aux accell-soires.

Quant aux conditions que je vous ay proposées pour vne conference, j'y persiste encore, & n'en y a pas vne qui ne soit trouuee receuable: & ce que vous les refusez, c'est vrayement fuir la lice. Vous voulez faire accroire qu'il se despéchera plus de matiere de viue voix que par escrit: je croy bien qu'il y aura plus de paroles, mais je m'assure qu'il y aura moins de resolution, si la conference n'est bien reiglee. Et ose dire que s'il ne tenoit à vous, & que vous voulussiez répondre simplement & à propos à mes preuues & arguments, comme il faut faire envne dispute, qu'il y auroit plus de resolution en vn jour, par escrit, qu'il n'y aura de viue voix en vn mois.

Vous avez dit & en public & en priué, comme on nous a rapporté, que vous monstrez plus de cinquante faussetés en la traduction de la Bible imprimée à Geneue. Si celà est, enuoyez nous en la liste, nous vous en sçaurons bon gré: s'il n'est pas, comme nous en sommes trefasseurs, vous avez tort de le dire, & nous vous en sçaurons bien releuer. Aduisez bien à ce que vous direz, & n'en parlez pas par ouïr dire, comme vous avez accoustumé. Car nous vous conuaincrons de calomnie, pour en estre chastié de peinede Talion.

Puis donc que j'ay répondu à toutes vos allegations que vous opposez à nostre doctrine, & vous n'avez rien repliqué, je mettray icy seu-

lement deux hypotheses contre vostre doctrine touchant le poinct de la Messe dont nous disputons.

Premiere hypothese.

*Si Iesus Christ est tous les jours sacrifié en la Messe pour la remission de nos pechés : comme vous l'enseigniez, il meurt donc tous les jours.*

*Le consequent est tresfaux, Rom. 6, 9.*

*L'antecedent l'est donc aussi.*

Seconde hypothese.

*Si Iesus Christ est tous les jours sacrifié en la Messe par la main du prestre pour la remission des pechés, il s'ensuyura qu'il n'a pas pleinement satisfait lors qu'il s'est offert soy mesme en la croix.*

*Or ce consequent est blasphematoire.*


*L'antecedent l'est donc aussi.*

Repondez simplement, & vous verrez bien tost vne ferme resolution prinle sur ce poinct de nostre dispute.

Si ces absurdités monstrueuses, qui naissent de vostre doctrine, ne vous satisfont pour la quitter, je vous en proposeray bien d'autres. Ou, si vous ne pouuez comprendre la liaison de l'antecedent avec le consequent de ces hypotheses, j'offre les vous faire voir par l'Ecriture.

Rougissez vous point de honte, ou plustost pallissez vous point de crainte du jugement de Dieu, quand vous dites que vous sacrifiez tous les jours Iesus Christ ? & voulez que ce soit vn article de foy. Je prie Dieu de tout mon cœur qu'il

qu'il vous fasse cognoistre sa verité, & lors ne doutez point que je ne soye pour jamais vostre meilleur ami.



Apologie ou defense de M. André Caille, Ministre en l'Eglise reformee de Grenoble, contre les fausses accusations recerchees par M. Pierre Cotton Iesuite.

*Ceux de la Ville de Grenoble faisant profession  
de la religion Romaine, Salut par  
Iesum Christ.*

**C**omme il n'y a rien que plus on doye desirer que la pureté de la Religion, en laquelle gist & consiste le seruice legitime de Dieu, & d'où depend le salut de nos ames : aussi n'y a-il rien plus dangereux ny plus dommageable, que d'en souffrir la corruption & falsification. Et certes entre tous les crimes il n'y en a point de plus punissable que le crime d'heresie & falsification de la doctrine de Salut, qu'il a pleu à Dieu nous manifester, la faisant enregistrer és saintes Escritures. Je di cecy d'autant que M. Cotton Iesuite vous a voulu faire entendre publiquement que nous auions falsifié en plusieurs lieux les saintes Escritures : vostre deuoir est de vous enquerir diligemment, & ne croire point legere-  
ment

ment à vne accusation de telle importance: Car si celà se trouue veritable, nous ne pouuons nier que nous ne soyons coupables d'un crime enorme, & dignes d'une tresgriue punition. Sinon, & que son accusation se treuve faulſe, (comme nous en ſommes tresbien aſſeurés,) nous vous prions & exhortons au nom de Dieu de n'adjouſter deſormais foy à telles calomnies, & d'auoir pour ſuſpect tout ce qu'il vous dira, cômme ne tendant à autre but qu'à entretenir & accroistre la diuiſion, qui, par l'artifice de ſes ſemblables a cuidé ruiner ceſt Eſtat, & nous perdre & les vns & les autres. Ce pendant je vous offre icy vne brieue reſpoſe à toutes les ſubtilités qu'il a recherchees pour le vous perſuader, au moins à celles qui nous ſont venues à notice. Et prie Dieu de tout mô cœur, qu'il vous benie, & vous face la grace de bien recognoiſtre la verité de ſon legitime ſeruiſe pour le ſuyure.

*Vostre plus humble & plus affectionné  
ſeruiteur au Seigneur, A. Caille.*

**L**A premiere falſification pretendue par ledit Cotton, eſt en la ſeconde epiſtre de S. Pierre, ch. 1, v. 10, là où il dit que nous auons retranché ces mots, *par bonnes œuvres*, qui ſe trouuent en la traduction commune. A quoy nous reſpondons, que leſdits mots ne ſont point és originaux du nouveau Teſtament, comme nous luy auons faiſt voir, & ſommes encores preſts de le faire voir, par des nouveaux Teſtaments Grecs, (qui



(qui est la langue en laquelle les Euangelistes & Apostres ont escrit.) imprimés à Paris, à Anuers, à Lyon, & ailleurs, par lesquels apparoiſtra que ces mots n'y sont point, & pourtant à tort il nous calomnie de les auoir retranchés.

La seconde, il nous accuse d'auoir falsifié quatre lieux en l'institution de la sainte Cene, à ſçauoir le 26 S. Matth. v. 26 : le 14 S. Marc, v. 22 : le 22 S. Luc, v. 19 : Et la 1. Corinth. 11, v. 24 : là où, dit-il, nous auons tournées Bibles Latines, *Hic est corpus meum* : & és Françoises, *Icy est*, ou *C'est icy mon corps*. Or ceste calomnie & imposture ſera soudain deſcouuerte à ceux qui voudront ſeulement voir les lieux en nos Bibles. Car ils ne trouueront Bible aucune Latine où il y ayt autrement que *Hic est corpus meum*. Et és Françoises *C'est icy mon corps*, ou *C'icy est mon corps* : Et ne ſe trouuera *Icy est* ou *C'est icy mon corps*. Or comme certes ce ſeroit vn attentat digne de toute ſorte de ſupplices, d'auoir ainſi falsifié vne ſi ſainte ordonnance du ſils de Dieu noſtre Seigneur & ſauueur Ieſus Chriſt, auſſi celuy qui nous en a publiquement accusés contre toute verité, doit eſtre puni rigoureusement.

La troiſieme : il a dit que nous auons falsifié la meſme institution, d'autant qu'en S. Matth. 26, v. 26, & en S. Marc 14, v. 22, il y a au Grec *εὐχαριστας*, qui ſignifie benir, & en S. Luc 22, v. 19, & en la 1. Corinth. 11, v. 24, y a *εὐχαριστίας*, qui ſignifie rendre graces : & neantmoins, dit-il, nous auons tourné auſſi bien en S. Matthieu & en S. Marc, *rendit graces*, comme en S. Luc & aux Corinthiens.

zinthiens. Ceste calomnie est des plus grossieres, & si ledit Cotton n'estoit transporté d'une malicieuse ignorance, il n'eust jamais ainsi parlé: Car il eust trouué que le mot de *benir*, c'est à dire reüit graces, se trouue aussi bien en S. Matth. & en S. Marc, en la mesme institution, au verset suyuant celuy qu'il a cotté, comme en S. Luc, & en la premiere aux Corinth. & par ainsi il eust cognu que ces deux mots en ce lieu se prennent pour vne mesme chose, puis que les Euangelistes vsent indifferemēt de l'un & de l'autre. Ioint que le mot de *Benir*, quand il est attribué aux hommes enuers Dieu, signifie le recognoistre auteur & donateur de tous biens, l'en remercier & luy en rendre graces: de sorte que benir Dieu & rendre graces à Dieu, signifient mesme chose, comme cela se peut voir en plusieurs lieux de l'Escripture, & specialement en S. Luc 1, y. 64, & 68: & au chap. 2, 28. C'est donc à tort que Cotton nous calomnie en ce point.

La quatrieme calomnie est, qu'il nous accuse d'auoir mal tourné le second chapitre des Actes au y. 27, où nous auons tourné, *Car tu ne delaisseras mon ame au sepulcre*. Il dit donc que nous deuions tourner, *tu ne delaisseras point mon ame en enfer*, & non pas au sepulcre, & qu'il n'eût pas veritable que l'ame de Iesus Christ fust au sepulcre. Nous respondons que toute ceste calomnie est fondee sur l'ambiguité de ce mot enfer, lequel se prend diuerfement en l'Escripture, comme cela est tout notoire, & ne croy pas que Cotton le veuille nier: la question donc est, si le mot d'Enfer doit estre

estre prins en ce lieu pour le sepulcre: Cotton le nie: nous l'affirmons: & voicy nos preuues. Premièrement Cotton ne peut nullement nier que S. Pierre ne produise le passage de David au pseaume 16, y. 8, là où David en la langue qu'il a escrite vsé du mot שְׁחֹל *scheol*, que S. Pierre escriuant en Grec a tourné *ᾗδε*: Il faut donc dire que ces deux mots signifient vne mesme chose: car il n'y auroit raison aucune de dire que S. Pierre corrant vn passage de David eust usé d'un mot qui signifiait vne autre chose que ce que David auoit dit. Or il est tout certain que *scheol*, au passage de David signifie sepulcre: ainsi l'a tourné Arias Montanus. Il s'ensuit donc que le mot *ᾗδε* doit estre aussi interpreté sepulcre.

Nostre seconde preuue est, que S. Pierre parle expressement de la resurrection de nostre Seigneur Iesus Christ, de laquelle David auoit prophetisé. Or ceste resurrection a esté accomplie lors que Iesus Christ ayant esté au sepulcre en est sorti victorieux de la mort le troisieme jour: il est donc tout euident que S. Pierre apres David a entendu du sepulcre.

Nostre troisieme preuue est tirée de l'exposition que S. Pierre vn peu apres, à sçauoir au y. 29, & S. Paul Actes 13, y. 36 & 37, en font, disans, *Que David apres auoir serui en son temps au conseil de Dieu, s'est endormi & a esté mis avec ses peres, & a senti corruption: mais celuy que Dieu a resuscité n'a point senti de corruption.* Il appert donc que S. Pierre & S. Paul l'ont entendu du sepulcre, & non de l'enfer. Nous aimons donc mieux nous en te-

nir au dire de l'esprit de Dieu qui a parlé par ces deux Apostres, qu'au dire de Cotton, qui ne cherche que caviller.

Mais, dit Cotton, l'ame de Iesus Christ estoit elle dans le sepulcre ? Nous disons que le mot de *Nepheesch*, & le mot *נפש*, que les Latins ont tourné *Anima*, ne se prend pas tousiours és saintes escritures, pour la principale partie de l'homme qui est immortelle, mais se prend bien souuent pour toute la personne, côme cellà se void en plusieurs lieux du vieil Testament, & au Nouveau Act. 2, 41, & 7, 14, Rom. 13, 1, & 1 Pierr. 1, 9, comme l'a tourné mesme la commune version. Ioint que c'est vne façon de parler assez commune, d'entendre de tout vn subiect ce qu'on dit d'une partie. Mesme chacun peut clairement voir, que S. Pierre apres le prophete s'est exposé soy mesme : car apres auoir dit, *tu ne permettras point que mon ame demeure au sepulcre*, il adiouste par forme d'exposition, *Et que ton saint voye corruption*. De sorte que ce qu'il auoit dit *Mon ame*, il l'appelle apres *Ton saint*, c'est à dire toute la personne de Iesus Christ : & ce qu'il auoit dit *demeure au sepulcre*, il dit apres, *voye ou sente corruption*. Il ne reste donc aucune difficulté, que ce passage ne soit fort bien interpreté de sepulcre, quelque subtilité que Cotton puisse amener.

Quant à la calomnie qu'il a voulu imputer à Calvin, disant qu'au 13 chap. de ses institutions lib. 1, il a enseigné que la diuinité du fils estoit inferieure à celle du pere, la seule lecture dudit chapitre fera cognoistre que Calvin a enseigné tout

gné tout le contraire, & l'a maintenu par bonnes & fermes preuues, cōtre les nouueaux Arriens & Antitrinitaires, lors que les Moines trauailloyēt à s'opposer à la verité de Dieu. C'est donc non seulement vne calomnie que Cotton luy impose, mais vne ingratitude detestable, de luy vouloir imputer d'auoir enseigné vne doctrine contraire à la diuinité eternelle & coëssentielle au pere, du fils eternel de Dieu, qu'il a virilement soustenu contre Seruer, Blandrata, Daud George, & tous ses semblables.

Puis donc que toutes ces calomnies ont esté publiquement proposees par Cotton., pensant rendre la verité de Dieu suspecte, l'equité requiert qu'il s'en retracte & desdie publiquemēt.



**M**onsieur Cotton, nous auons sceu que vous, continuant en vos subtilités, quoy que desia plusieurs fois nous vous auons aduertī de l'impertinence d'icelles, vous estes encōres oublié jusques là, de dire en deux de vos sermons, que de Beze auoit appellé le corps de nostre Seigneur Iesus Christ estant au sepulcre, *charongne*.

Certes nous pourrions vous respondre en vn mot ce que Michaël Archange respondit au diable debattant du corps de Moïse, iudæ 9, *Le Seigneur te redargue*; & vne telle sycophantie ne meriteroit autre responce.

Mais d'autant que pour donner quelque couleur à vostre dire, vous auez pris par le poil le mot de *cadauer*, dont de Beze auoit cy deuant vsé, Act. 2, 27, exposant le mot Grec *ψυχη*: & pour vous faire valoir, vous auez forgé vne etymologie du mot *cadauer*, quasi *caro data vermibus*, dites vous: Nous voulons vous faire voir, si vous auez des yeux pour y voir: ou, si tout à vostre escient vous fermez les yeux, nous voulons faire voir aux autres, combien vostre dire est esloigné de toute raison, & combien peu ils se doyuent arrester aux vanités dont vous les voulez repaistre.

Premierement, vous ne pouuez nier, que ce mot de *charongne* ne soit purement de vostre inuention. Si vous l'auiez trouué en aucun de nos auteurs, marquez le lieu, & vous aurez gagné: sinon, vous ne pouuez couter le nom de calomniateur.

Vous, pour vous couvrir, dites que *cadauer* signifie vne charongne. Et nous vous disons, que *cadauer* signifie vn corps mort, & separé de son ame: & ne scauriez trouuer vn autre mot Latin, pour signifier vn corps mort. Lisez l'annotation de Munstere sur le 21 chap. du Deuteronomie, en la lettre A. Or le corps d'un homme priué de son ame est aussi bien appellé *cadauer*, comme celuy d'une beste: mais je ne croy pas qu'homme Chretien voulust auoir appellé le corps mort d'un homme fidele *charongne*, comme celuy d'une beste: moins encor le corps saint & incorruptible de nostre Seigneur & Sauueur Iesus Christ.

Nous

Nous croyons donc & enseignons, q le corps de Iesus Christ a esté vrayement mort & mis au sepulcre, parquoy a peu estre nommé *cadaver*: mais quand sur cela vous nous reprochez, que nous l'appellons donc charongne, vous faites comme faisoient anciennement les Payens aux Chrestiens, qui confessoient que Iesus Christ nostre Sauueur auoit esté mis en croix entre deux brigands, ils leur reprochoient qu'ils mettoient leur fiance en vn pendu. De meisme vous, pour nous rendre odieux, quád nous confessons que *Christi corpus fuit verè cadaver*, c'est à dire qu'il est vrayement mort, & a esté séparé de son ame, & couché au sepulcre, vous nous accusez malicieusement d'auoir dit, que c'estoit vne charongne. Dieu vous veuille pardonner vne telle imposture.

Quant à vostre etymologie de *cadaver*, quasi *caro data vermibus*, je l'appelle à bon droit vostre, car vous ne la trouuez en auteur quelconque: elle est sortie de vostre boutique. Et je m'asseure, que si vous l'auiez proposée en la quatrieme classe d'un college, que *non solum nota censoria, sed et sententia te statim dignum iudicaret etiam pueri*. Car qui est celuy tant ignorant, qui ne sçache que *cadaver* vient de *cado, cadis*, qui se prend fort souuent és bons auteurs Latins pour mourir? *Aenea dextra cadis*, disoit Virgile. Et Cicéron prend souuent *casus* pro *obitu* seu *morte*. Mesme l'Escripture vse souuent du mot de חָנָה ou *cadere*, pour mourir. Aussi dit-on *resurgere*, se releuer ou resusciter. Les moindres escoliers sçauent

uent tresbien cecy.

Que s'il nous estoit permis d'inuenter des etymologies à plaisir, pourquoy ne dirions nous pas que *Christi corpus in sepulchro dicebatur cadaver, quasi caro data verba?* le confesseray bien que nul auteur n'a visé de ceste etymologie, non plus que de la vostre: mais au moins se trouuera elle plus veritable. Car tous les Theologiens confesseront que la chair de Iesus Christ, mesme estant au sepulcre, estoit la chair du fils de Dieu, de ceste Parole eternelle qui a esté faicte chair, *non conuersione substantia, sed assumptione natura in vnam personam*: mesme que la nature diuine n'a jamais esté separee de sa chair, ny en la croix, ny au sepulcre: aussi est-il resuscité par sa propre vertu, il a esté manifesté fils de Dieu en puissance par la resurrection des morts. Rom. 1. 4.

Je vous prie donc, & vous adjure au nom de Dieu, que desormais vous pensiez vn peu mieux à ce que vous auancerez, & ne vous faires pas à croire que nous souffrions vos calomnies.

Au reste, vos auditeurs commencent à s'apercevoir de la vanité de vos propos & discours. Mesme vn d'iceux m'a enuoyé le billet cy joint, dont il est fort offensé. Si vous l'avez dit, vous vous estes fort failli: sinon, mandez moy ce qui en est, à fin que je le puisse satisfaire. Ce 11 Mars 1599.

*Copie dudict billet.*

Ce Mercredi 10 Mars, 1599, Monsieur Cotton, traictant à son sermon l'histoire de Marie Salomé, mere des deux fils de Zebedee, demandant



dant ses deux enfans l'un estre à la dextre & l'autre à la fenestre de Iesus Christ, a soustenu que Calvin a proferé blasphème, en ce que ledit Cotton dit, que ledit sieur Calvin soustient que nostre Seigneur Iesus Christ n'est pas coëternel ny consubstantiel du pere, ny procedé de luy.



## Second cayer de Monsieur Cotton.

**M**onsieur, vous ne courez jamais plus grande fortune de vostre salut, que quand vous vous attacez à ce tres auguste sacrifice, que S. Jean Chrysostome en l'hom. 21 au peuple d'Antioche appelle *περισσιν εν τω θυιατε*, c'est à Iesus Christ mesme à qui vous en voulez, quand vous vous prenez à la Messe, c'est contre luy (s'il faut vser du mot) que vous gigantomachiez. Entreprise trop hardie & non moins perilleuse: voire d'autant plus ignominieuse, qu'elle sert de marque à recognoistre les supposts & precursseurs de l'Antechrist, duquel il est dit en Daniel, *qu'il combattra le ju- ge sacrificium, & qu'il ne cessera qu'il ne l'ayt sup- planté & mis bas son saint lieu.* S. Irenee au l. 4. contre les heresies, ch. 32, & S. Jean Chrysostome en l'homelie 49 sur S. Matthieu, avec S. Hippolyte en l'oraison de consummatione seculi, l'ont

Dan. 8, v. 11,  
& c. 12, v. 11.

K ainsi

l. 4 de l'inst.  
c. 7, §. 12, &  
ch. 17, §. 49.

ainsi remarqué. Pour donc ne vous estre inutile en la creance & cognoissance de chose si necessaire, & pour vous ayder à destourner l'ire de Dieu qu'il me semble de voir desja rougissante sur vos testes, j'ay choisi ce peu de loisir pour vous faire voir en suite de ma promesse le mot de Messe & sa signification en l'Escripture sainte, & dans toute la plus entiere & pure antiquité, que Calvin mesme reçoit. Le prie le pere de misericorde de regarder la face de son fils qui luy est immolé chaque jour comme vniue que singuliere victime pour nos pechés, hostie pacifique en action de graces, & holocauste en tesmoignage d'amour, en ce tres-sainct sacrement & sacrifice qui est admirable aux Anges, aimable aux hommes, & formidable aux enfers : & par les merites de ce que vous impugnez, ne faire avec vous selon vos demerites.

*Les noms de la sainte Messe par  
toutes nations.*

Les Hebreux l'ont appellee de quatre noms, *Missa, Minha, Pissa, & Tuda*, au Deuteron. 16, Malachie premier, & 26 du Leuit. au Pl. 72, & 99, où il faut remarquer le changement mystique du *n* en *m*, comme il sera dit apres en l'exposition particuliere de la parole *nob*.

Les Ethiopiens l'appellent *Corbon*, dit Aluares en l'histoire Ethiopienne, ch. 11 : mot qui signifie oblation. Ils l'appellent aussi *Canon vniuersal*, d'autant qu'elle est chantée & tenue com-

me

me vne reigle certaine qui ne change jamais.

Les Egyptiens Cophites l'appellent *Curbono*, c'est à dire oblation, & *κατε*, c'est à dire Mysteres, dit Seuerus in Syriaca diat.

Les Maronites & autres Syriens, *Curbo* & *Anaphoro*, mots synonymes, l'un purement Syriaque, & l'autre pris du Grec : & signifient Oblation.

Les Syriens orientaux vsent mesmes de la parole *Eucharistia* en leur Testament Syriaque, Act. 2 & 20.

Les Arabes l'appellent *Alcorban*, & par fois *Al-humaah*, qui répond à nostre synaxe ou collecte.

### Entre les Grecs.

Τελειὰ τελεῖσθαι, pat S. Denys en sa Litur. c. 2, où il expose les cerimonies & parties essentielles de la Messe : & signifie Sacrement des Sacrements, Mystere des Mysteres, Hostie des Hosties.

ἱερουργία, là mesme : & denote operation sacree, ou consecration sainte. Car le prestre, dit l'Arcopagite, ἱερουργεῖ τὰ ἁγία, sacramentalibus verbis conficit diuinissima.

συνάξις dans le mesme, c'est à dire collecte ou collection, ou conjunction : ce que l'Hebreu a dit au Leuit. 32, תרצו, & signifie vne multitude de fideles assembles pour louer Dieu de mesme cœur, affection, & charité. Et en l'histoire Ecclesiastique souuent συναγωγή, συναγωγὴ ποιεῖν, καὶ συναγαγεῖν. Soet. l. 3, c. 9, & l. 4, c. 18, & l. 9, c. 36.

κοινωνία, communion, de laquelle l'Apostre en

K 2 la

la premiere aux Corinth. 10, 16.

μυστήριον, initiation ou operation des mysteres:  
& signifie le mesme que mystere, excepté qu'il  
adjouste l'action de la chose, comme sacrement  
& consecration. Dion. ibid.

μυστήρια, action mystique. προσφορά, obla-  
tion. οικονομία & χάρις dans Epiph. hær. 7, &  
S. Jean Chrys. hom. 26 in Matth.

μυστήρια, dans S. Ignace, reception au festin,  
δοχή.

λειτουργία, diuin & public ministere, propre  
des prestres: nom le plus vniuersel & plus com-  
mun qui soit demeuré pour le jour d'uy entre  
les Orientaux & Septentrionaux, different me-  
sme dans Isocrate de ἱευσία, qui signifie opeta-  
tion pour soy.

Ἡ θυσιασθείη ἢ λειτουργία, Synesius ep. ad An-  
dron. pag. 28, 1, altaris sacrificium, sacrifice de  
l'autel.

τὰ ἀπόρρητα, arcanum & mysticum sacrifi-  
cium, secret & mystique sacrifice, dit le mesme  
Syn. & dans S. Augustin au 10 de la Cité τὰ ἀπόρρητα  
signifie consecration & culte secret, ou cerimo-  
nie pleine de reuerence sacrée.

ἰσὺν τῷ φοβεῖν μυστήριον, sacré & horrible my-  
stere, dans S. Jean Chrysost. l. 4 & 6, de sacerdot. col. 552.

μυστήριον κατὰ τὴν διαθήκην, *Mysterium nomi Testa-  
menti*, dans S. Clement es Const. Apost.

μυστικὴ εὐλογία, benediction mystique. S. Cy-  
ril. Alex. ep. ad Calosyrium Arsenoiten.

μυστικὴ λαοποίησις κατὰ τὴν διαθήκην, Le mystique  
& sec

& secret service du nouveau Testament. Clem. 8  
Const. Apost. & autres.

*Entre les Latins.*

Missä.	Dans S. Cypr. ep. 63 ad Cecil. &
Corpus Domini.	lib. de oper. &
Dominicum.	elem. Tertul. li.
Sollemnia.	ad uxorem, &
Sacrificium.	de fuga. Pissid.
Agenda.	in Vita Aug. c.
Communio.	28. Paul. li. 4 de
Oblatio.	Vita S. Marr.
Sacrificium altaris.	Ambro. ep. 33
Sacrificium Ecclesiæ.	ad Marcell. sor.
Sacrificium pretij nostri.	Gelasius discip.
Celebratio sacramentorum.	Augustini lib.
Sacramentum omnia consummans.	de Missar. solle.
Hostia hostiarum.	Damas. ep. 4 ad
Actio sacra.	orthod. Cœc. Car.
Sacrificium quotidianum.	2, c. 9. Aug. lib.
Missarum sollemnia.	1 con. aduers. leg.
Officia diurnorū sacramentorū.	& proph. c. 20,
Gratiarum actio.	l. 9 Conf. c. 19.
Collecta.	Ambros. lib. de
Sacra mysteria, & plusieurs	sacr. seu lib. de
autres.	Vita mar. Hil.
in Ps. 65. Clem. lib. 1 Const. Apost. & aliq.	

Entre tous ces noms, celuy de *Messe* entre les  
Latins, de *Lisurgie* entre les Grecs, de *Corbo* en-

treles Orientaux, sont les plus vſités : nomment & ſur tous celui de Meſſe.

*Le mot de Meſſe, & ſa ſignification  
en l'Eſcriture ſainte.*

Ce mot eſt parole hebraïque, pluſtoſt que Grecque ou Latine : jaçoit qu'aucuns le deduiſent de *munis* : autres à *mittendo* : ce que meſme pieça a remarqué Reuchlin l. 2. Rudiment. & Muſtere in lex. rad. *Mofus*. lequel adjouſte que pluſieurs meſmement ont eſtimé le mot de Meſſe en auoir eſté deriué.

Il ſe trouue donc en trois endroits du moins en la Bible, au Deut. 16, v. 10, au Pl. 72, v. 16, & en Eſa. 25, v. 6.

Au Deut. 16, Dieu commande à Moïſe, que ſept ſepmaines apres la moiſſon il préne du pain de pur froment, & qu'il luy en dreſſe vn ſacrifice, que la verſion commune appelle *oblationem ſpontaneam*, oblation volontaire. En l'autographe Hebreiu il y a *Miſſa nidebá*, & és grandes Bibles imprimees à Anuers מִסָּא נִדְבָרָא *Miſſa nidebar*, c'eſt à dire Meſſe nouuelle, oblation volontaire, & ſacrifice de chair couuert de pain, ou, ſi l'on prononcele Tauſ ſans daghes, comme il faut, il y aura *Miſſus*. Le texte Chaldaïque y adjouſte vn jod. מִסָּא נִדְבָרָא *Miſá nidebá*, Meſſe nouuelle volontaire, laquelle tous les anciens Rabbins ont appellé, *sacrificium carnis pane inuolutum*, à cauſe que au Leuit. 23, v. 19, 20, 21, Dieu mandoit qu'avec ces deux pains des premites, le preſtre

prestre esleuast & offrist deux agneaux sans macule, tous en vie, couverts de ces pains, ronds, sans mixtion de sel & d'huile: circonstances qui n'arriuoyent jamais aux autres oblations farinees, qu'ils appelloient *Menaath*.

Et de fait, relations & conformités se treuvent de ce sacrifice tant mystereux avec la S. Messe.

1. La premiere est le nom de *Missa* commun à tous deux.

2. La seconde, quel'un & l'autre est appellé sacrifice nouveau, & sacrifice volontaire. *Desiderio desideravi hoc pascha manducare vobiscum*. De grand desir j'ay désiré de manger ceste pasque avec vous. Luc. 22.

3. Ce sacrifice estoit couuert de pain, aussi l'est le nostre en apparence, & en son signe visible de la chose invisible, qui est le corps du fils de Dieu, sacrement & sacrifice tout ensemble sur l'autel.

4. Sous le pain estoit la chair viuante de deux agneaux: sous les accidents du pain est la chair viuante du fils de Dieu, immortelle & impassible: car *Christus jam non moritur: mors illi ultra non dominabitur*. ad Rom. 6.

5. Dieu commandoit qu'apres l'oblation des premices on contrast sept semaines: au bout desquelles, c'est à dire le cinquantieme, on fist vn nouveau sacrifice d'iceux pains des premices, avec deux Agneaux, qui seruiroyent d'holocauste, & de victime pour les pechés. C'est justement le nombre des jours & semaines qui coulerent depuis la premiere institution & oblation de

de ce sacrifice faicte à la 14 Lune de Mars, qu'on nous disons le leudi sainct, jusqu'au jour de Pentecoste, nommement depuis le jour de la glorieuse anastase de nostre redempteur. Or que la premiere Messe des Apostres ayt esté celebree le jour de Pentecoste, voicy qu'en dit Helychius, disciple de S. Gregoire de Nazianze, & condisciple de S. Hierosime, l. 4. Leuit. c. 9, & l. 10, c. 13. *Apostolos impleuisse die Pentecostes quod scriptum est in Leuitico & Deuteronomio de oblatione nona & Voluntaria, dum sacra mysteria peragerent.* Les Apostres en general accomplirent le jour de la Pentecoste ce qui est escrit au Leuitique & au Deuteronomie de la nouuelle oblation & volontaire, lors qu'ils celebroyent les S. Mysteres. Ce que Epiph. en l'heresie 79: & Proclus in litur. enseignent encore, & le peut on aisement recueillir du 1 ch. des actes.

6. En sixieme lieu, on faisoit la benediction sur ce pain & agneaux selon le commandement, *juxta benedictionē Dominus.* De mesme Iesus Christ fit la benediction sur le pain & le vin, *Gratias agens benedixit.* En S. Marc 14, λαβὼν ὁ ἰησοῦς ἄρτον, εὐλογῶνς ἔλαλεν. ce que S. Luc & S. Matthieu 22, & 26, auoyent dit καὶ εὐχαριστῶνς.

7. Elle s'offroit à Dieu, & puis le prestre la mangeoit. L'Eucharistie est offerre, puis mangée par le prestre.

Elle s'appelloit pain des premices: aussi faisoit anciennement l'eucharistie, dit S. Iean Damascene au 4 de fide ort.

8. Dieu commandoit que ce fust vne solennité par



té particuliere. Et que ce jour là fust fingulièrement celebré. Aussi n'auons nous jour plus celebre que la Pasque, où nous communions tous, s'il n'y a remarquable obstacle, sous peine de desobeissance mortelle.

D'où il appert pourquoy Dieu parlant à Moïse a fait si grand cas de ceste oblation par dessus les autres, & luy a donné le nouveau nom & surnom de *Minha hadassa*, oblation nouvelle, d'autant qu'el le signifioit quelque chose de grand & de diuin plus qu'à l'ordinaire.

*DU Ps. 72. V. 16.*

Le pseuime commençant, *Deus iudicium tuum Regi da, & iustitiam*, &c. auquel David raconte à Salomon vne partie de la vie du futur Messie, comme il naistroit purement, seroit adoré des Mages, comme il conuertiroit à soy l'uniuers, monteroit és cieux, & particulièrement comme il ordonneroit ce sacrifice admirable, & dit, *Erit firmamentum in terra*, &c. vne poignée de bled sera en terre sur la Cime des montagnes, &c. au texte original il y a *Pissa Bar*: la version commune dit *frumentum* ou *firmamentum*, la particuliere *Erit substantificus panis*, dit ailleurs *apôc. 1. 6. 17.* *Temidi*, c'est à dire sempiternel & jamais defaillant. La version Hebraïque, *erit pugillus frumenti in terra, salus in capite montium*. S. Hierosme, *erit memorabile triticum*, Il y aura vn memorable & remarquable froment, & son odeur sera comme la gloire du Liban. Car il sera esleué sur la teste des prestres, lesquels doyuent surmonter autant en sainteté de mœurs & de

L. vie

vie tout le reste du peuple, que les collines sont esleuees par dessus les vallees. *Hic titulos mirare tuos venerande sacerdos, Et talis qualem te decet esse stude.* Rabbi Salomon, ennemi du nom Chrestien au possible, & qui a vescu enuiron l'annee mil cent quatre vingts & cinq, a laissé par escrit, *Magistri nostri bona memoria exposuerunt hoc esse placetarium in diebus Messia. Et totum psalmum de rege Messia esse explicandum.* Ainsi le rapporte Galatinus l. 10, ch. 6. Rabbi Ionathas fut vingt ans auant nostre Seigneur, *Erit* (dit-il) *sacrificium panis in terra in capite montium Ecclesie, id est sacerdotum, & R. Kimhi dit, qu'il y aura vn froment si miraculeux, que sa nature sera transmuee au tēps futur du Messie.* Voicy les paroles fidelement translatees de ses commentaires Hebraïques, *Magistri nostri felicis memoria exponunt, quod erit transmutatio natura (sinui teba) in tritico infuturum quando venerit Redemptor.* Nos maistres, dit-il, d'heureuse memoire ont entendu & exposé qu'il y aura transmutation de nature au froment à la venue du Messie. Ce qu'ils ont tiré de ce que prophetiquement Dauid a dit *Pissa* au pseaume susdit au lieu de *Missa*, changeant le *p* en *s*, i. M en P ou *φ* : Et l'ont appellé, *sinui Tebaa*, c'est à dire changement de nature. Autres ont tiré de ce lieu, que l'opinion de ceux qui s'opposeront à ceste verité sera de peu de duree.

*Du lieu d'Esaië 25, v. 6.*

*Et faciet Dominus omnibus populus in monte hoc conuiuium pinguium, conuiuium vindemiae, pinguium medullarum, vindemia defacata.* Le Seigneur fe-

En ceste montagne à tous peuples vn banquet gras & succulent, où sera le vin genereux espuré de sa lie. En l'Hebreu il y a : *Missethe*. Pamelius enseigne doctement que ces mots ne peuuent estre entendus (puis qu'il a dit de faire ce bāquet à routes nations) que du festin incomparable institué sur la montagne de Sion, duquel dit l'Apotre, *omnes unum corpus sumus, qui de vno pane participamus*. & Dan. 10, *va nobis quia panem desiderabilem non comedimus*. Et en la Sap. 9, *Venite & comedite panem meum, & bibite vinum quod misui vobis*. Or d'autant qu'entre les Hebreux *He in fine quiescit*, il appert que le mot de Milla demeure tout net. Qui plus en desirera voir, qu'il lise Isidore, l. 6, Rabbanus, lib. 1, ch. 32. Cassien. l. 3, ch. 7. Melaus & Munster és lieux cités.

*Que lon a congnu, dit, & nommé la Messe depuis Iesus Christ jusqu'à present.*

Le dire de S. Iean Chryl. en l'homelie 4 sur la seconde aux Thessa. & de Theophylac. au mesme endroit, nous suffiroit, *Traditio est, nihil queras amplius*, C'est la coustume, c'est la tradition: contenté toy, ne cherche autre chose. L'autorité aussi de quatre grands personages, receus & recognus pour tels de Calvin mesme, nous pourroit suffire, dans les écrits desquels nous trouuons la Messe en termes expres & formels: S. Hierosme sur le 11 des Prouerbes, S. Ambroise au l. 5 de ses Epistres, en la 33, ad sororem Marcellinam, S. Augustin au l. de bono pētseuer. c. 13, & au ser-

mon 91, 237, & 251 de tempore, par quatre fois. S. Leon en l'Epistre 81 & 88, comme il sera dit après. Mais voyons la par tous les siècles.

### *Au premier siècle.*

Iesus Christ fils de Dieu, non seulement l'institua en S. Marc 14, S. Luc 22, & S. Matth. 26, mais aussi la celebra, comme il conle par ces paroles, *Desiderio desideravi hoc pascha manducare vobiscum ante quam pariar.* l'ay desiré d'un tresardent desir de manger avec vous ceste pasque avant que d'aller à la mort. S. Luc 22: & des termes qui signifient sacrifice, *κατέμενον, ἠδόμενον, ἐσθλαίμενον, ψυχαεσθλας, εὐλογίας.* Et par S. Augustin, qui rapporte à ce propos la figure de David, lequel deuant Achis *secebat ut manibus suis*, selon la version des 70: Aug. conc. 2 in ps. 33.

### *Les Apostres ont dit Messe.*

Les Apostres l'ont dit aussi, comme le remarque S. Hierosme sur le 9 du Leuit. *Apostolos impleuisse die Pentecostes quod scriptum erat in Leuitico & Deuteronomio de oblatione noua & voluntaria dum sacra mysteria peragerent.* Les Apostres accomplirent le jour de la Pentecoste ce qui estoit escrit au Leuitique & au Deuteronomie de l'oblation nouuelle & volontaire, pendant qu'ils celebroyent les sacrés mysteres. Helychius l. 4 in Leu. ch. 9, & au l. 10, ch. 13, & S. Epiphane en l'heresie 79, l'ont de mesme affirmé. & il appert au 13 des Actes és paroles ja citees, *λαίψουσιν ἡ αὐτοὶ τῇ κυρίῳ*, paroles qui ne se peuuent entendre de

de la predication, quoy que die Calvin. Que voudroit dire, prescher à Dieu?

*S. Pierre.*

S. Pierre est le premier qui a fait le Missel appellé *ordo Romanus*, dit Isidore en ses off. eccle. l. 1. ch. 15 : *Ordo Missæ primum à S. Petro institutus est.* Abdias dit qu'il la celebra à Naples & en Antioche.

*S. Iaques.*

S. Iaques, Euesque de Hierusalem, dit la Messe le jour de Pentecoste, comme le dit Epiphane en l'heresie 79, l'appellant pourtant *Mysterium & sacrificij ducem inter Apostolos.* Et S. Iean Chrysostome contre les Hydoparastes heretiques. Et le Concile de Constantinoble, composé de deux cents vingt sept euesques, en ces mots, *Iaques, frere selon la chair de nostre Seigneur, nous a le premier donné par escript le sacrifice mystique.* Et c'est la liturgie, de laquelle aujourd'huy se seruent les Syriens seulement es feites solennelles. Ce que Flaccus Illyricus recognoist mesme au l. Missa Lat. pag. 73, produisant vne epistre de Charles le Chauue, qui sera mise cy apres.

*S. Paul.*

S. Paul disposa la liturgie des Corinthiens, comme il leur auoit promis 1. Cor. 11. S. Augustin le dit en general de plusieurs autres choses venues de luy jusques à nous par tradition, en l'ep. 118, ch. 6, & 1 de eccl. dogm. c. 30. & apres luy Th. Wald. l. 4, c. 44. Et les paroles de l'Apostre le montrent, qu'il appose soudain apres les auoir exhorté à se deuement preparer à la S. commu-

L 3      nion,

nion, lesquelles sont, τὰ ἅ λοντὰ ὡς ἐν ἑλθῶ διδοῦ-  
 ξιμαί. & au ch. 10. v. 16, το ποτήριον τὸ εὐλογίας ὃ ἐν-  
 λογιζόμεθα, ὑγὴ κοινωνία τῶ σώματος τῷ χριστῷ ἐστί, καὶ τῷ αἵ-  
 ματι, τὸ ἄρτον ἐν κλωμῇ, &c. Le calice de benedi-  
 ction, que nous benissons, n'est ce point la com-  
 munion du sang de Iesus Christ? Le pain que  
 nous rompons, n'est-ce point la communion du  
 corps de Iesus Christ?

*Saint André.*

S. André la disoit, au rapport des Diacres  
 d'Achaïe en l'épître de la vie & de son martyre.

*Saint Matthieu.*

S. Matthieu la disoit en Ethiopie, & fut octis  
 mesmes à l'autel disant Messe, comme escrit A-  
 bdias en sa vie, & Iulius Africanus l'a interpreté.  
 A ce même premier siecle appartient ce qui est  
 escrit au 10 canon des Apostres, & en l'épître 3  
 de S. Clement, & la liturgie de S. Denys, où il  
 expose routes les particularités essentielles de la  
 Messe, comme nous la disons aujourd'huy, & de  
 eccl. hier. c. 3.

*Au second siecle le nom de Messe.*

Telephore Pape ordonna, que le jour de  
 Noël la Messe se devoit de nuit, epistola ad o-  
 mnes Episc. c. 2. Higinus, en ce même siecle, or-  
 donna que quand il seroit question de consacrer  
 vne Eglise, on celebroit la Messe.

*La chose même.*

Au canon 23 des Constit. Apost. il est dit, que  
 sur l'autel on exerce le sacrifice non sanglant, que  
 le corps de Iesus Christ y est consacré, l'ordre & le

le sacerdoce de Melchisedech prattiqué, & l'Eucharistie exhibee par le commandement & ordonnance de Iesus Christ, en memoire de ce qui s'est passé sur la croix. Et au l. 8. c. 5. descriuant les prieres qui se doyuent faire sur le Prestre quand on le sacre, il est escrit, *Donnez luy, Seigneur tout puissant, la participation de vostre S. Esprit, & le pouuoir de remettre les pechés, & de vous plaire en mansuetude & pureté de cœur, vous offrant tous-jours sans coulpe & sans crime le sacrifice pur & monde, & ce qui suit.* Et au ch. 36. *Le premier & souverain Pontife Iesus Christ, quoy que tel par nature, ne s'est point usurpé cest honneur, mais l'a tiré de Dieu son pere, se rendant victime à Dieu mesme pour nous, auquel il s'est offert, mesmes deuant sa passion, nous ordonnant de faire le mesme.* Iustini Mart. au dial. cont. Tryph. *Dieu n'accepte les sacrifices de personne que de ses prestres, lesquels il a commandé de luy estre presentés en l'Eucharistie.* Irenee au 4. aduersus hæres. c. 32. *Il a ordonné la nouuelle hostie du nouueau Testament, laquelle prinse des Apostres l'Eglise presente à Dieu tous les jours.* Alex. 1. en l'epistre ad omnes orthodoxos, *En l'oblation qui se fait à Dieu du temps de la Messe on mesle l'eau avec le vin, &c.*

S. Martial, en l'epistre qu'il escrit à ceux de Bordeaux. *Le sacrifice qui est présenté sur l'autel n'est pas présenté à un homme, ou à un ange: & est un sacrifice pur & net, non seulement offert sur un autel, mais par tout, suyuant le tesmoignage & intention mesmes de celuy duquel nous offrons le corps & le sang pour obtenir la vie eternelle.*

S. Ign

S. Ignace, (s'il n'est du premier siecle,) *Il n'est permis, sans l'autorité de l'Euesque, de baptiser, sacrifier, & celebrer les saints mysteres.* Ign.epist.ad Smirn.

*Du troisieme siecle le nom de Messe.*

Iulius Africanus in vita S.Marthæi, Il fut occis par les soldats d'Hirtacus, dit il, pédant qu'il celebrait la Messe.

S. Hippolyte de consummatione sæculi, explique ce que Daniel a dit ch.ii & 12, de la Messe.

*De la chose mesme.*

Tertullien lib.de velan.virg. Il n'est permis aux femmes, ny d'enseigner en l'Eglise, ny de baptiser, ny de sacrifier. Et au liure de exhort.caslit. L'office du prestre est d'enseigner, de baptiser, & de sacrifier. Le mesme Tertullien au l.de la Penitence, descriuant les austerités des penitents de son aage, Vous les verrez jeusner continuellement, prier, pleurer, gémir, sanglotter jour & nuict, se jecter aux pieds des prestres, s'agenouiller aux pieds des autels. Et au liure de Præscrip.se riant de la façon de faire des heretiques de son temps, Aujou.d'huy, dit il, cestuy sera Euesque, demain cestuy là. Aujourd'huy celuy sera diacre, qui demain ne sera que lecteur. Aujourd'huy celuy sera prestre, qui demain ne sera que laïc. S. Cyprien l. 1. epistre 9, aux prestres & diacres, Il defend qu'on ne face memoire à l'autel de Victor, à cause qu'il avoit en vivant retiré de l'autel les prestres & leutes, & que pour tels après leur trespas on ne presente sacrifice.



lice. Et en l'epistre 3 du mesme 2 liure, Le prestre imite en consacrer ce que Iesus Christ a fait, & est veritablement lieutenant de nostre Seigneur. Et offre alors vn vray, parfait & accompli sacrifice en l'Eglise fidele à Dieu le Pere, s'efforçant de le faire ainsi que Iesus Christ mesme le fit en son dernier repas.

*Au quatr. siecle le nom de Messe.*

Sylvestre premier en l'epilogue du general Concile de Rome, & le Concile de Carthage 2, chap. 3, defendent aux prestres de reconcilier aucun en Messe publique & solemnelle. Et le Concile 4 de Carthage, où assista S. Augustin, canon 84, que jusques à la Messe des Catechumenes on ne dechasse personne. Au Millesime aussi, où assista S. Aug. ch. 12, il est dit que les prieres, Messes & oraisons, qui ont esté approuvees du Concile, soyent celebrees de tous.

S. Ambroise lib. 5, ep. 33, à sa sœur Marcelline, dit, que pour appaiser la fureur des barricades dressees par les Arriens contre les Catholiques, il se mit à l'autel, & commença la Messe, implorant avec larmes, à l'heure du sacrifice, l'aide & le secours du ciel.

S. Hierosme sur l'onzieme des Prouerbes: Ores que les impies apres la mort soyent hors d'esperance de salut, ceux toutesfois qui meurent chargés de moindres pechés, peuuent estre eslargis des peines, ou par la force des peines qu'ils endurēt, ou par prieres & aumosnes, ou par la celebratiō de Messes. Esquelles paroles appert & le Purgatoire & la Messe.

M

S. Aug

S. Augustin au serm. 91 de tempore, dit, En la lecture qui vous sera faicte à la Messe, nous entendrons, &c. Et au sermon 137, Apres la predication on dit la Messe des Catechumenes. Les fideles demeureront, & ce qui s'ensuit. Et au sermon 251, Le jour du dimanche, que personne ne perde la Messe, demeurant vaincu de paresse en sa maison. Et apres, Aucuns n'entrent point en l'Eglise: autres y sont sans prier Dieu: autres ne peuvent avec silence attendre la fin de la sainte Messe. Et apres, Les plus riches & mieux aisés contraignent le prestre de raccourcir & despescher tost la Messe par leur indeuotion, gourmandise ou auarice. Au liure de bono perseuerantiz, c. 13, il remarque la responce que fait le peuple à la Messe, au *Gratias agimus Domino Deo nostro*. Ce que fait aussi S. Cyprien au sermon de orat. dominica, sur ces paroles, *Præceptis salutaribus moniti*, & ce qui suit.

*De la chose mesme.*

Au premier Concile de Nice general, (recen de Calvin, 4 de ses Inst. ch. 17, §. 36,) il est expressement au canon 14, que les diacres n'ont le pouuoir d'offrir sacrifice: mais que c'est la propre charge des prestres. Le Concile d'Arles premier, can. 20, de Carthage 2, can. 8, de Cart. 3, canon 24: celuy de Cefarce c. 9: de Laodicee can. 19.

S. Ambroise, sur le ps. 38, Encores que l'on ne le voye pas maintenāt, si est-ce que Iesus Christ est offert en terre, quand son corps est offert. Et sur le premier de S. Luc, Quand nous sacrifions, Iesus Christ est present, Iesus Christ est immolé.

De

De mesmes au l. premier des offices, ch. 48, & lib. 4. 5, & 6 de sacramentis, où il expose vne grande partie de la liturgie & de la Messe.

S. Cyrille en l'Epistre 10 ad Nestor. Nous faisons en l'Eglise vn sacrifice non sanglant, representant la mort selon la chair de l'unique fils de Dieu. Il escriuoit au nom du 3 Concile general tenu à Ephese contre l'heresiarque Nestorius.

Epiphanius en l'her. 79, Il n'est loisible aux femmes de sacrifier. Iesus Christ mesmes ne l'a permis à sa propre mere: mais à ses Apostres qu'il a institués sacrificateurs.

S. Cyrille cat. mystag. Apres que nous auons parfaict ce sacrifice spirituel & culte non sanglant, nous prions Dieu sur ceste hostie propitiatoire, &c. S. Athanasé au ser. pro defunc. L'oblation de l'hostie non sanglante est propitiatoire.

*Au cinq. siecle le nom de Messe.*

Le concile Agathensé ch. 21, & ch. 47, Nous commandons expressément & specialement aux laics & seculiers, d'entendre le jour de dimanche la Messe entiere, en façon que personne n'en sorte deuant que la benediction soit donnée par le prestre. Le mesme mot de Messe est dans le Concile Milleuitain ch. 12, dans S. Leon en l'ep. 81 à Dioscore, c. 3, & en l'ep. 88, aux euesques d'Allemagne & de France, dans Cassian au l. 3, de horis, ch. 7, & ch. 8.

*La chose mesme.*

S. Iean Chrys. en l'hom. 24 sur la premiere aux Cor. au lieu des victimes & anciens sacrifices, il

M 2 comm

commande que nous le sacrifions luy mesmes. Et en l'hom. 17 sur l'ep.ad Hebrz. En diuers lieux & plusieurs endroits on offre non plusieurs Iesus Christ, mais vn seul Iesus Christ, n'estant icy & là qu'un seul corps, & non plusieurs. Et en l'hom. 79, ad pop. Le prestre estant à l'Autel, prie pour le monde, pour les Euesques, pour l'Eglise, & ceux là qui la gouernent: & en la 72, pour les fruiçts de la terre: & au 21 sur les Actes, comme aussi au 6 de sacer. pour les morts: le mesme en l'hom. 2, sur la 2 à Timoth. La sacree oblation, soit que Pierre ou que Paul, ou autre prestre de quelque merite qu'il puisse estre, la presente, c'est celle mesmes que Iesus Christ fils de Dieu a donné à ses disciples, & que les prestres maintenant consacrent: laquelle n'est rien moindre que l'autre. Pourquoi? D'autant que ce ne sont les hommes qui la sacrifient: mais Iesus Christ, qui parauant l'a consacree. Et comme les paroles qu'a dit nostre Seigneur, sont celles mesmes que maintenant les prestres proferent, aussi c'est vne mesme oblation du precieux corps & sang de Iesus Christ.

S. Augustin en son manuel, c. 12, Accordez moy, Seigneur, vne vraye contrition de cœur & abondance de larmes, lors principalement que j'assiste, quoy qu'indigne, à vostre Autel pour vous offrir cest admirable & celeste sacrifice digne de toute reuerence & deuotion, lequel vous, mon Dieu & Seigneur & immaculé sacrificateur, auez institué & commandé d'estre offert en memoire de vostre charité, sçauoir est de vostre

estre

stre mort & passion pour nostre salut & pour reparer ce qui est de nostre fragilité quotidienne.

Le mesme S. Aug. expliquant la prophetie d'Esaië 66, au 20 de la Cité de Dieu, c. 21, Nous voyons que ce q̄ Dieu auoit jadis promis par Esaië, qu'il choisiroit quelques vns des gentils conuertis pour estre Sacrificateurs & Leuites, se fait maintenant, lesquels ne sont appellés à ceste charge pour le respect de la chair & du sang, comme on faisoit anciennement selon l'ordre d'Aaron: mais il conuient au nouueau Testament, où le souverain Prestre Iesus Christ selon l'ordre de Melchisedech choisit des Prestres & Leuites, selon que chacun s'en rend capable par la grace de Dieu. Et au 8 de la Cité, ch. 37, Qui des fideles a jamais où le prestre estant à l'autel dresse sur le corps de quelque S. Martyr, à l'honneur de Dieu & de sa gloire, dire en priant, le vous presente ce sacrifice Pierre ou Paul ou Cyprien, lors qu'on le presente, és lieux bastis en leur memoire, à Dieu qui les a faicts & hommes & Martyrs, & les a associés avec ses anges en la gloire celeste? Le mesme, au 20 de la cité de Dieu, ch. 25, En l'Eglise s'offre sacrifice continuellement pour expier les pechés jusques au jour du jugement, & non apres celuy, d'autant qu'il n'y aura lors aucun à qui les pechés puissent estre remis. Et au l. premiet con. Cresc. c. 25, Nous n'auons maintenant autre sacrifice pour nostre salut, que celuy seul de l'Eucharistie.

S. Hierosime sur le ch. 1 de l'ep. ad Tit. Si l'Apotre commande aux gents mariés de s'abstenir

M 3 de

de temps en temps du mariage, pour plus aisément & deuotement vaquer à l'oraison: que doit faire l'Euesque auquel il appartient journellement de sacrifier à Dieu pour ses propres pechés, & pour ceux de tout le peuple?

Le mesme S. Hierosime, exposant la predication d'Esaïe ch. 19, v. 21, Le Seigneur sera cognu de ceux d'Egypte, & en ce jour là, les Egyptiens feront sacrifice & oblation, & voueront vœus au Seigneur, & les accompliront. & adiouste, L'autel du Seigneur sera au milieu du pais d'Egypte, enseigne ce qu'a fait aussi Eusebe de Cesaree au premier de demonst. Euang. c. 6, & l. 1, ch. 33, que celà ne peut estre entendu que du sacrifice de l'Eucharistie. Greg. de Naz. autant orat. in Tul. S. Leon ep. 8, & 79, ad Dioscorum, & au ser. 8, de passion. Innoc. 1 ad Exuperium. Aug. lib. 8 de Ciuit. c. 27, & lib. 10, c. 20. & au l. 9 de ses Conf. c. 12, qu'il presenta à l'autel sacrifice pour l'ame de sa mere Monique, comme il en auoit esté prié. Lisez le ch. 11, 12, & 13 dudit liure neuuiesme de ses confessions, & au 4 de Trinitate, ch. 14, & en l'Enchir. ch. 110, & en l'epistre 19, 24, 80, 120. Le Concile d'Ephese en l'epistre decretale à Nestorius, celuy d'Ephese en l'epistre 1, ch. 5: l'Agathense c. 14: de Chalcedoine act. 3, en l'epist. contre Dioscore, & plus de cent autres passages qui se pourroyent citer, prins de ce siecle.

*Au sixieme siecle le nom de Messe.*

Le Concile d'Orleans premier, can. 28, llerdense can. 4, de Valence can. premier, ordonnent

nent que l'Euangile se recitera en la Messe, me-  
smes de ceux que lon catechisoit deuant l'of-  
frande. Felix quatrieme, en l'epistre ad omnes  
orthodoxos, Autre ne se doit iuger à chan-  
ter la sainte Messe, que celui qui a esté prestre  
de Dieu, auquel appartient de presenter le sacri-  
fice sur l'autel. S. Benoit la mentionné en la  
reigle, ch. 17, Victor Vticenſe au l. 2 de la persec.  
des Vand. recite comme Honoricus Roy des  
Vandales Arrien, en vn edict qu'il fit en faueur  
des Catholiques, leur disoit ces mots, *Sit vobis  
liberum in ecclesijs vestris Missas agere vel tractare,  
& qua leges vestrae sunt, quemadmodum vultis, fa-  
cere.* Il vous sera libre desormais de celebrer &  
chanter vos Messes dedans vos Eglises, & ac-  
complir tout ce qui est de vostre loy & religion.  
Il est aussi dans le 4 Concile de Toledc, c. 12, &  
ailleurs.

*De la chose mesmes.*

Primasius sur le 10 ch. de l'epistre aux Hebr.  
Ce nostre sacrifice est en celà different des an-  
ciennes victimes, que celles là n'estoyent que la  
figure, le nostre est la verité mesme: celles là n'e-  
stoyent que l'ombre, cestuy le corps: celles là ne  
perfectionnoient l'homme, cestuy le rend par-  
fait. Et ne se reitere point à cause d'imperfe-  
ction, mais à cause que le fils de Dieu a comman-  
dé de ce faire. Plusieurs choses miraculeuses en  
mesme preuue sont in prato spiritali de Sophro-  
nius Archeuesque de Ierusalem, dans la bible des  
Peres, & dans Greg. de Tours, qui vescu en ce  
sicle, au liure de gloria confessorum, & en ce-  
luy

luy de gloria matt. & ailleurs. S. Gregoire le grand, au 4. de ses dialogues, ch. 18, *Qui peut douter, dit-il, qu'à l'heure du sacrifice, à la parole du prestre, les cieux ne soyent comme ouuerts, & que les chœurs des Anges n'y accourent?*

*Au septieme siecle le nom de Messe.*

Le mesme mot se trouue au 4. Concile de Tolète, ch. 12, comme il est rapporté au c. des hymnes, de consecrat. distinct. 11: & en celuy de Caualion, au canon solent plures. en la mesme distinction.

*La chose mesme.*

Hefychius l. 6, sur le Leuit. ch. 22: Isidore Hispalense li. de vocatione gentium ad Florentiam foror. c. 26: Conc. Altissiodor. can. 8 & 10: Bracarense 3, c. 1, Tolet. 11, c. 14, Tolet. 12, can. 5, Et les peres estans assemblés au Concile de Trulles, faisant expresse ordonnance que l'on messeroit vn peu d'eau dans le calice, en rendent ceste raison, d'autant que S. Iaques frere selon la chair de nostre Seigneur Iesus Christ, & Basile de Cesarée Archeuesque, le renom duquel court toute la terre habitable, nous ont laissé leurs mystiques escrits. où il est ainsi porté, sçauoir de mesler le sacré calice d'eau & vin, & adiouste, Partant si quel cun des prestres refuse en cecy suyuant ce qui a esté pratiqué & laissé à la posterité par les Apostres, qu'il soit demis de sa charge.

*Au huitieme siecle le nom de Messe.*

Au Concile de Reims, ch. 6, il fut ordonné que



que le Calice qui seruiroit à la Messe seroit du moins d'argent, s'il ne pouuoit estre d'or. Et apres, eu esgard à la pourceur de plusieurs prestres, & de plusieurs Eglises, commande qu'il soit d'estain pour le plus bas metal, & non d'airain ny de cuire, pour raison de la netteré. De plus, que personne n'use Calice de verre ou de bois, d'autant que la liqueur s'imbebe en l'un, & l'autre est subiect à se rompre, & au Synode Romain. c. 13, & 14, le Pontife Zacharie commande que pas vn des Euesques, Prestres, ou Diacres ne presume d'assister à la celebration de la sainte Messe la teste couuerte ou appuyee sur vn baston, sous peine d'estre priué de la communion.

*La chose mesme.*

Epiph. en la dispute qu'il eut avec Gregoire, laquelle se treuve au 7 Synode, act. 6. disoit ces paroles, Vous ne trouuerez jamais que nostre Seigneur, ou les Apostres, ou les Peres, ayent appelle le sacrifice non sanglant sacerdotal, Image, ains le vray corps & le mesme sang.

S. Iean Damascene, l. 4. c. 14, Voicy ceste pure & non sanglante hostie, laquelle nostre Seigneur veut par Malachie luy estre offerte de l'Orient jusques au Ponent, scauoir est le corps & le sang de Iesus Christ pour l'establissement & fortification de nos âmes.

*Au neuuiesme siecle, le nom de Messe.*

Le Concile Triburent, au canon Mislarum. & au canon concedimus. & au canon vata. la nomme, comme il appert de cons. distinctione 1.

N

Nicolas

Nicolas premier, en l'epistre ad omnes episcopos, can. nullus. de confid. 32. Que personne n'entende la Messe du prestre, lequel tient à veüe d'œil vne concubine. De mesmes Paschasius Cordub. la nomme au l. de corpore Domini, cap. 20.

*La chose mesme.*

Haymo sur l'ep. aux Heb. ch. 5, Iesus Christ a esté prestre non temporel, mais eternal: non en portant ou presentât des viâtes royales, mais, comme Melchisedech, presentât pain & vin: c'est à dire son corps, la chair, & son sang: desquels il a dit, Ma chair est vraiment la viande, & mon sang est vraiment le breuuage. Et ce sont les deux presents de pain & vin, qu'il a laissé à son Eglise pour estre offerts en memoire de luy: Autant en dit-il sur le dernier ch. de la mesme epist.

Theophylacte sur le cinquieme de la mesme aux Heb. Que les Iuifs nous disent quel autrea esté le prestre selon l'ordre de Melchisedech, si non Iesus Christ, attendu que c'est luy seul, lequel a consacré sous pain & vin le sacrifice, comme Melchisedech. Paschasius au l. de corp. Domini, ch. 18. Pourcea-il esté occis, à fin que nous le receuions & mangions. & au l. premier de instit. cleric. c. 31, il dit que la chair de l'agneau sans macule estant immolee, est distribuee à ceux qui communient.

*Au dixieme siecle, le nom de Messe.*

Stephanus, Episcopus Eduensis, au liure de sacramento altaris, ch. 4, vsurpe disertement & expr

expressent le mot de Messe, & au ch. 15 dit ces mots, Parquoy nostre foy est, & ainsi le faut croire en toute verité, que quand le prestre dit ces paroles, *Cecy est mon corps*, ce n'est plus le pain restre, mais le pain qui est descendu du ciel, le mediateur de Dieu & des hommes Iesus Christ, (ce liure se trouue au l. 4 de la bible des saints Peres.)

*La chose mesme.*  
Folbert, Eueque de Chartres, homme de rare sainteté & doctrine, escriuant à Adeodatus, epistre qui se trouue avec les liures de Paschase, dit, D'autant que Iesus Christ devoit monter au ciel avec le corps qu'il auoit liuré pour nous, de peur que nous ne fussions frustrés tout à fait de la presente, il nous a laissé le gage salutaire de son corps precieux, & de son sang, non par symbole vain seulement, mais par chef d'œuvre du S. Esprit son vray corps: lequel tous les jours nous consacrons par secrette vertu & solemnités sacrees & inuisiblement sous la forme de creature visible. Et apres, Il ne se faut esbahir, si au clin d'œil de celuy qui a de rien formé & produit toutes choses, la matiere du pain & du vin surmonte sa nature, estant changee en la substance du corps de Iesus Christ, veu que luy mesme dit, *Cecy est mon corps, cecy est mon sang.*

### En lonzieme siecle

Alex. second, comme il appert mesmes dans Gratian de conf. d. i. can. suffit, dir que c'est assez à vn prestre de dire chaque jour vne Messe,

veu que bienheureux celuy, qui peut vne fois le jour celebrer la Messe condignement.

Et Greg. 7. en la mesme distinction, c. omnis Christianus. exhorte tous les Chrestiens de presenter à Dieu quelque chose à l'heure du sacrifice de la Messe.

*La chose mesme.*

S. Anseaume, sur l'onzieme ch. de la premiere aux Corinthiens, Vous prestres faites, c'est à dire, consacrez mon corps par paroles mystiques proferées sur le pain en memoire de ma passion & remembrance de mes douleurs. Oecumenius sur le mesme passage declare, comme sur la croix le fils de Dieu n'a esté prestre selon l'ordre de Melchisedech, mais, si bien en ce sacrement & sacrifice: & encores pour le iourd'huy en la personne de ses prestres. Et depuis ce siecle on commença à traicter plus amplement de la verité de la Messe, & de l'Eucharistie, à cause de Berengarius, qui sema alors les erreurs, comme lon void en Lanfrancus, Anselmus, Guirmondus, Adelmannus, Algerus, Hugo Lingonensis, & autres qui fleurirent en ce siecle.

Es siecles subsequents il n'y a aucune occasion de douter, & nor aduersaires librement le confessent.

*Quant au nom, au douzieme.*

Hugo à S. Victor, Richard Victorinus, Magister Sententiarum, & S. Bernard. Quant à la chose, les mesmes, & Petrus Cluniacensis, Euthymius, Zigabenus, & autres.

*Au treizieme, quant au nom.*

Alexandre Alensis, Albertus Magnus, S. Thomas, S. Bonaventura. Et quant à la chose, les mesmes au 4. des Sentences, & en la troisieme partie principalement.

*Au quatorzieme, quant à tous deux.*

Scotus, Durandus, Ocamus, & tous les Scholastiques sur le quatrieme des Sentences.

*Au quinzieme siecle, du nom & de la chose mesme.*

S. Antonin, Capreolus, Ioannes Major, le Concile de Constance contre l'article cinquieme de Wiclef, & le Concile de Florence au decret de l'union, Gerson, Thomas Campensis, Denys le Chartreux, Gabriel Biel, & autres.

*Au seizieme, où nous sommes.*

Le Concile de Trente en la session 22. c. premier, & les deux subsequents, & au canon premier, excommuniant & anathematizant tous ceux qui ne croyent en ce grand & admirable mystere, sacrement, & sacrifice, duquel abondamment ont escrit Cajetan, Sanctus, Alanus, Demochares, Dominicus à Soto, Ekius, Rossensis, Bellarminus, Turrianus, Gregorius à Valentia, Soarez, Bozius, Baronius, Bordeusius, & autres, les œuvres desquels se voyent tous les jours.

Le sieur du Pleffis Mornay a imprimé vn li-

ure de fraische date à l'opposite de ses verités plein d'erreurs, faulces citations, & absurdités énormes, comme tost fera voir à l'œil vn grand personnage de nostre siecle, qui a la plume en main pour luy respondre ἐν ἑκαστῇ καὶ ἀπὸ τῶν ἐκλόνων. C'e t se rendre prodigieusement monstrueux, que d'accumuler & faire volume de tant de choses diametralement opposees à verité: comme au ch. 6 du premier liure, il dit telle auoir esté la sterilité jusques au quatrieme siecle de l'Eglise Romaine, qu'elle n'a eu en tout ce temps vn seul docteur qui ayt cognu la Messe. Mais ce n'est que broncher & chopper, au prix des chutes, precipices & abysses, qui remplissent presque par tout le reste de son œuvre, comme il se verra, Dieu aidant.

Pierre Cotton, Prestre de la  
compagnie de Iesù.



Brieue responce & resolution au  
second cayer de M. Cotton.

**M**onsieur Cotton, je m'estoye delibéré de ne faire aucune responce à vostre second cayer, croyant qu'il n'en estoit besoin, & que tout homme qui auroit tant soit peu de jugement, cognoistroit, le

le voyant & lisant, combien il y a peu de suite & peu de fermeté: Et que seroit-ce si nous voulions répondre à toutes les resueries qu'on nous proposeroit? Mais vous m'avez tant importuné d'auoir response, & par vos escrits & par les bruits que vous avez semé que je n'auoye que répondre, que j'ay esté comme contraint de vous faire ceste brieue response.

En vne de vos precedentes responses, ou plustost eschappatoires, vous me menassiez de marquer mes chasses: Et je delibere icy de marquer vos fautes, qui vaudront bien chacune quinze, en danger, si ne pensez à vous, de perdre la partie.

Je ne m'amuseray à vostre preface, en laquelle vous nous acculez, & soudain nous condamnez tout à plat: Il falloit premierement former nostre procès, nous conuaincre par bonnes & fermes preuues, auât que nous condamner. Vous adressant particulièrement à moy dites que je cours fortune de mon salut, façon de parler mal conuenable à vn Theologien. Vous dites que nous sommes les precursseurs de l'Antechrist: vous faites grand tort à celuy qui est de long temps en possession de ce tiltre, par l'arrest mesme du pape Gregoire 1. lib. 4. Epist. 76 ad Mauric. A sçauoir, *que celuy qui se dira Euesque vniuersel, est precursor de l'Antechrist.* Puis donc qu'à juste tiltre il luy appartient, & que desia chacun l'aduoué tel, nous ne voulons pas l'en deposseder: Nous nous contentons que le Seigneur le manifeste par l'Esprit de sa bouche, & le destruisse par la clarté

clarté de son aduenement.

Quant à la priere que vous auez adjoustee, elle n'est point couchee en termes conuenables au langage de l'esprit de Dieu: car il y a presque autant d'erreurs que de mots: mais je n'ay pas delibéré de m'y arrester pour le present: si vous desirez que je les marque, je le feray ailleurs sans sortir de la matiere que nous traitons à present.

Intention de  
Cotton.

Je vien donc à voistre subject, que j'examineray sommairement & clairement. Vostre but est de rendre la Messe recommandable, comme estant vn sacrifice expiatoire pour les pechés des vifs & des morts. Vous produisez pour la preuve, vn grand Catalogue des noms de diuerses nations, que vous pretendez tous estre mesme chose que la Messe: à sçauoir des Hebreux, Ethiopiens, Egyptiens, Maronites, Syriens, Arabes, Grecs, Latins, &c.

Responce.

Vous sçavez bien que la premiere question qu'on doit resoudre en vne chose douteuse, c'est *an sit*, si ce dequoy on veut du purer est, ou n'est pas. Sans cela tout ce qu'on en peut dire n'a aucun fondement: Car d'une chose qui n'est pas, qu'en peut on dire, sinon, elle n'est pas? *Non entia*, dient les philosophes, *nulla est definitio, nulla sunt circumstantia aut qualitates*. Puis donc que vous auez à discourtir d'un sacrifice expiatoire du nouveau Testament, tel que vous pretendez estre la Messe, il falloit premierement bien verifier que sous le nouveau Testament il y ayt quelque sacrifice expiatoire outre celuy que Iesus Christ, nostre vnique Sauueur, a vne seule fois fait en la

CROIX,



eroix, lors qu'il s'est offert luy mesme au pere pour l'expiation de nos pechés: Car quant à nous qui sommes Chrestiens, n'en croyons point d'autre, & mettons en iceluy toute la fiance de nostre salut. Vous voyez donc dès l'entree que tout vostre discours est fondé en l'air, & que le principal y défaut: Dequoy sert-il de chercher tant de noms d'une chose qui n'est qu'en vostre imagination & fantasie? verifiez premierement que Dieu aye sous le nouveau Testament ordonné quelque sacrifice auquel il veuille que le corps & le sang de Iesus Christ luy soyent journellement offerts pour la remission des pechés. Si vous ne pouvez, certes tout vostre discours n'est que pure vanité.

Le suis toutesfois content d'examiner vostre argument. Celà est bien vray, que le service public de l'Eglise est diuersement nommé, selon la diuersité des nations où il est administré: mais dequoy sert celà à nostre dispute? disputons nous des noms ou de la chose? des ceremonies, ou de la substance de la doctrine? vous auez voulu monstrier vn eschantillon de la gaillardise de vostre esprit, en ramassant ceste diuersité de noms, & voulez qu'on croye que tous ces seruices sont la Messe: C'estoit ce qu'il vous falloit aussi prouuer, non pas le presupposer comme bien vray: car je veux vous faire voir que ce sont tout choses diuerfes, & par ainsi vostre presupposition est faulse.

Voicy donc vostre argument. Le Missat des Hebreux, le Corbon des Ethiopiens, le Carbo-

Argument de  
Cotton.

O no

no des Egyptiens, le Curbo & Anaphoto des Maronites, l'Vcaristio des Syriens, l'Alcorban & Algumoha des Arabes, le Synaxis & hierurgia des Grecs, & le Missa des Latins, sont vne meisme chose, vn meisme seruice, vne meisme doctrine: la Messe est donc bonne.

Responſe. Il m'eslonne que vous oſiez proposer des arguments si cornus: je dy vous, qui. voulez bien qu'on vous tienne pour homme qui ſcauez bien comme il faut discourir avec raison. Le vouldroye bien ſçauoir quelle est la liaison de vostre antecedent avec son conſequēt, veu que les ſyllogiſmes hypothetiques conditionnels dependent d'un theoreme vniuerſel & indubitable, moyennant lequel ils ſont vn ſyllogiſme categorique & parfait. Deſignez moy donc quel eſt-ce theoreme d'où vostre hypothese depend. Mais pour venir à l'examen de vostre argument, je ſouſtien que l'antecedent eſt faux: Car, pour le premier, le Miſſat des Hebreux eſtoit vne oblation volontaire, que par ordonnance de Dieu chacun offroit des premiers fruits, ſelon qu'il auoit pleu à Dieu benir ſon peuple, comme l'ordonnance en eſt couchee en termes expres Deut. 18. 10. Or qu'à celà de commun avec la Messe, en laquelle, ſans pouuoir faire apparoir d'aucune ordonnance de Dieu, le prestre ſeul ſe vante d'offrir le corps, & le ſang de Ieſus Chriſt? Le Miſſat des Hebreux ne ſe faiſoit qu'une fois l'an, & eſtoit vne oblation d'action de graces: & vostre Messe ſe dir, ou, pour parler à la ſaçon des Italiens, ſe void tous les jours, pour vn ſacrifice expiatori-

re, dites vous. Ioint que le Misat des Hébreux estoit vne ceremonie iudaïque, qui a prins fin à la venue de Iesus Christ: que si vostre Messe restablit ceste ceremonie, elle rameine donc le iudaïsme.

Quant au seruice public des Grecs, Syriens, Egyptiens, Maronites, Ethiopiens, & autres, qui, recognoissans le patriarche de Constantinoble, abominent le Pape, en quelque sorte qu'ils le nomment, qu'a il de commun avec la Messe Latine? Iecroy bien qu'on y pourroit remarquer des corruptions comme en la Messe Latine, mais j'ose bien dire que ce sont seruices bien differés. Tous rejettent & detestent la transsubstantiation, reçoivent tout le peuple à la communion, font leur seruice en langage entendu de tous, condamnent le purgatoire: Ie vous prie donc qu'ont ils de commun avec la Messe, l'ame de laquelle est la transsubstantiation, en laquelle le prestre seul communie, parle vn langage non entendu des assistants, ny le plus souuent de luy-mesme, & ne chante que pour les ames de purgatoire? Il est donc tout notoire que le seruice de ces nations, que vous nommez, n'a rien de commun avec la Messe, & qu'il n'est pas moins differant en la chose qu'au nom. Vous trompez donc ceux auxquels vous voulez faire croire que c'est vne mesme chose.

Mais poson, sans l'accorder, que ce soit mesme chose, s'ensuyura il pourtant qu'elle soit bonne & receuable? certes non: voudriez vous dire que tout ce qui est diuersément appelé se-

O 2 lon

Ion la diuersité des langages est bon? je ne le pense pas. Nous soustenons qu'un seruice, vne doctrine, qui est condamnable en vne langue, l'est en toutes les autres: ce qui est impieté, mésonge, idolatrie, superstition en vne langue, l'est pareillement aux autres. Au contraire, encore que les prophetes ayent enseigné & escrit en Hebreu, les Apostres enseigné en toutes sortes de langages, & escrit en Grec, depuis leurs escrits ayent esté tournés en plusieurs langues, la diuersité des langages n'a point diuersifié la doctrine, c'est tousiours vne mesme verité, vne mesme doctrine: & quiconque enseigne autrement, en quelque langue qu'il le fasse, & quelque nom qu'il luy donne, il propose fausseté.

Puis donc que les Apostres nous ont enseigné qu'il n'y a qu'un seul sacrifice pour l'expiation de nos pechés, qui est celuy que Iesus Christ a vne seule fois fait en la croix, certes quiconque en propose vn autre en quelque langage qu'il le fasse, quelque nom qu'il luy dône, il enseigne mésonge, & trompe ceux qui le croient.

Estimez vous que le *πάππος* des Grecs, le venenum des Latins, le poison des François, & le boucon des Italiens, soyent moins à craindre l'un que l'autre, ou que pour estre diuersément appellé il en soit meilleur & moins dangereux pour celà? certes non, puis que c'est tousiours vne chose mortelle: Aussi mettez la Messe en telle langue que vous voudrez, & l'appellez Curbo ou Curbono, Alcorban ou Anaphoro, ou comme vous voudrez, elle vaudra tousiours autant en  
vne

vne sorte qu'en l'autre, tousiours sera elle à condamner. Voilà en brief respondu à vostre grand amas de noms, que vous avez mis pour le premier de vos arguments.

Vous venez apres à la deriuation du mot de Messe, & à la signification en l'Escripture: Et asseurez que c'est vne parole Hebraïque, plustost que Grecque ou Latine. Je desire que vous accordiez avec vostre Bellarmin, car vous estes appoinctés cōtraires: Au second tome de ses controuerfes lib. 5. De Eucharist. chap. 1. §. Sed non videtur Apost. pag. 479. il verifie par quatre raisons que ce mot Missa ne peut auoir esté prins de l'Hebreu, ains qu'il est plustost vraisemblable que ce mot est purement Latin, & que les Latins en ont premierement vsé pour la celebration du mystere de l'Eucharistie. Lisez ses raisons, appoinctez avec luy, vous qui vous vantez estre de si bon accord entre vous, puis je vous respondray. Et quand le mot seroit Hebraïque, elle n'en seroit pas meilleure pourtant.

Vous asseurez que le mot de Missa setrouue du moins trois fois en la Bible, & les cotez: à sçauoir Deut. 16. 10. psea. 72. 16. Esaië 25. 6.

Je vous prie dites en conscience, l'avez vous trouué, ny au pseaume 72, ny en Esaië 25, que vous avez cotez: vous l'avez, peut estre, ouï dire à quelcun qui en sçauoit autant que vous: car je vous puis bien asseurer que ceux qui en sçauent quelque chose ne l'y trouuent point: Cela vous pourroit seruir deuant vn peuple, qui penseroit que cela fust vray, mais en vne dispute par escrire,

N<sup>o</sup> 3 avec

auec des personnes qui y peuuent regarder, ils vous diront qu'il n'en est rien : si vous vous en plaignez, ils vous répondront que vous ne le deuez pas écrire sans estre bien assuré qu'il estoit vray. Je sçay bien que vous direz que si le mot n'y est expressement, au moins l'en peut on tirer : Mais vous deuez vous souuenir que vous parlez du mot mesme : & puis auec quelle raison vous l'en tirez, je le vous monstrey cy apres.

Vous entrez donc en l'exposition de ces trois lieux, pour en tirer la Messe à quelque prix que ce soit. Voyon à quel tiltre.

Au Deutero. chap: 16, v. 10. (dites vous) Dieu commanda à Moïse, que sept semaines apres la moisson, il prenne du pain de pur froment, & qu'il luy en dresse vn sacrifice. Voicy le texte de moï à moï, *Et facies sollempnitatem hebdomadarum Domino Deo tuo, secundum sufficientiam spontanea manus tue, erit quod dabis, quemadmodum benedixerit tibi Dominus Deus tuus, &c.* Et feras la sollempnité des semaines à l'Eternel ton Dieu, selon la suffisance de ta main volontaire, laquelle tu donneras ainsi que l'Eternel ton Dieu t'aura benit, &c. Il est donc tout euident, que vous auez rapporté ce texte tout autrement qu'il n'est, à fin de le faire ployer à vostre intention. Or, dites vous, il y a en l'Hebrieu, *Missat Nidebat*, & toutesfois, comme reuenant à vous, confessez qu'il y a נִדְבָר מִסָּע *Missat nidebat*, (ainsi l'auuez vous écrit, encores qu'il y ait *Nidbar*, à cause que le Sceua sous le Dalet quiescit,) c'est à dire, dites vous, Messe nouuelle, oblation volontaire, & sacrifice

Cotton.

erifice couuert de pain.

Le vous confesseray, que *Missat nidbat* pour-  
roit signifier oblation ou offerte volontaire, ainsi  
l'ont interpreté quelques interpretes anciens &  
modernes, & mesme la version commune: mais  
de messe nouvelle, ny de sacrifice de chair cou-  
uert de pain, nul n'en a jamais dit que vous ou  
vos semblables, qui renueziez ainsi le sens des E-  
critures, pour les faire seruir à vos inuentions.  
aussy n'alleguez-vous pour preuue de vostre dire  
que les Rabbins, c'est à dire les ennemis jurés de  
la doctrine & religion Chrestienne.

Responce.

Quant au passage du Leuitique par vous al-  
legué, vous l'avez aussi depraue: car vous n'y  
trouuerez pas ce que vous dites, que ces deux ag-  
neaux tous en vie fussent couverts des pains, ny  
que ces pains fussent ronds, & sans mixture de  
sel & huile: tout cela est du vostre, pour luy don-  
ner plus de couleur à seruir à vostre intention.  
Vous avez aussi obmis tout expres ce qui est au  
v. 17 du mesme chapitre, que ces pains deuoyent  
estre cuits avec le leuain, pource que vous avez  
estimé que cela vous nuisoit, vostre pain estant  
sans leuain. En somme, vous ne faites aucune con-  
science de falsifier les passages de l'Escripture. Là  
dessus vous entrez en vn grand discours des re-  
lations & conformités de ce sacrifice tant myste-  
rieux avec la Messe. Mais le tout est du creu de  
vostre propre ceruelle. C'est merueille, que les  
Apostres, qui en leurs escrits ont montré l'ac-  
complissement de toutes les figures & cerimo-  
nies de la Loy, ne s'aduiserent jamais de tout ce  
que

Leuit. 23, v.  
19, 20, & 21.

que vous dites icy, ains ont enseigné que tout auoit esté accompli par l'unique sacrifice fait par Iesus Christ en la croix. Iesus Christ mesme l'a dit Ican 19,30, *Tout est accompli*. Tant de docteurs anciens, qui ont exposé les Escritures, & qui bien souuent ne se sont que trop arrestés aux allegories, ne se sont toutesfois jamais aduisés de tous ces grands mysteres forgés par vous. Si voulez vous qu'on croye, qu'en l'interpretation de l'Escriture vous suyuez en tout & par tout l'antiquité: produisez donc vn ancien, qui aye dit vn seul mot de tout cecy: vous ne sçauriez: ç'a esté Genebrard en la liturgie de Denys qui vous a donné entree à ce discours, & vous l'avez bien sceu augmèter, encor qu'il auoit parlé avec si peu de raison, que vous deuiéz auoir honte de le suyure. Que si je me vouloye arrester aux disformités & contrariétés toutes manifestes, qui sont en vos conformités pretendues, & aux niaiseres que vous y avez adjoustees, quād seroit-ce fait? Il prie seulement les lecteurs de les voir, & en faire jugement, les conferant avec le texte par vous allegué.

*Du Pseaume 71.*

Je viens à vostre exposition du Pseau. 71. Voycy cōme il y a au Pseaume tourné de mot à mot, *Erit pugillus frumenti in terra satus, in capite montium, concutietur sicut Libanon fructus ejus*, &c. Vous tirez de ce texte des grands mysteres, dont nul ne s'aduisa jamais que vous. S. Augustin a interpreté ce Pseaume, qu'il conte pour le 71. S. Ierosime pareillement, plusieurs autres anciens de mesmes:



mesme : voyez, je vous prie, s'ils s'aduiferent jamais de vostre discours?

Il y a, dites vous, au texte original *Pissat-bar*: Il y a, si vous sçavez lire, פיסט-בר *Pissat-bar*, c'est à dire, *pugillus* ou *ponsuncula frumenti*. Mais qu'a tout cela de commun avec la Messe? Quoy? dites vous. Il sera esleué par dessus la teste des prestres, qui, comme montagnes, doyuent surmonter en sainteté de vie tout le reste du peuple, qui ne sont que collines & valles. Voilà vos allegations. De sorte que les prestres sont des montagnes, par dessus la teste desquels ceste petite poignée de froment, c'est à dire le Dieu de paste, doit estre esleué : & les prestres, sont des montagnes, pource qu'ils doyuent surmonter le peuple en sainteté de vie.

Je vous puis bien dire, que le Prophete ne pensa jamais à tout cecy : & toutes vos allegations ne sont qu'allegories forgees à vostre poste. N'avez vous point de honte de les produire pour preuues? Je croy que non : vous n'avez jamais appris à rougir, lors mesme que vous en auez plus d'occasion.

Pour la verification de vostre allegorie vous produisez le dire de Rabbi Salomon, que vous reconnoissez estre ennemi du nom Chrestien au possible : Comment voulez vous donc que nous recevions son tesmoignage, en vn point de la doctrine Chrestienne? N'avez vous point de meilleurs tesmoins? Les docteurs Chrestiens n'en ont-ils rien dit? Vous perdrez donc vostre cause. Vous adjoustez, que tout ce pseaume doit

P estre

eſtre entendu de *Rege Meſſia*, & dites que Galatinus lib. 10, chap. 6, l'a ainſi rapporté. Nous n'en doutons point. D'autres docteurs, plus dignes de foy que Galatinus, le nous ont dit. Mais en voudriez-vous donc tirer ceſte conſéquence, que c'eſt donc de la Meſſe qu'il le faut entendre, comme ſi le Meſſie & la Meſſe eſtoient meſme choſe? le ne croy pas que vous l'oſiez dire, encores que vous ſoyez bien aiſé, que les ſimples l'entendent & le croient ainſi.

Cotton. Mais, dites-vous, encor ils ont tiré cecy de ce que Dauid prophetiquement a dit en ce Pſeume *Piſſa* au lieu de *Miſſa*, changeant le Mem en vn Pe, & l'ont appellé changement de nature.

Reſponſe. Je croy que vous voulez remettre ſus la Cabale, ou en forger vne toute nouuelle. Eſt ce ſur tels arguments cabaliſtiques que vous voulez fonder la Meſſe? Certes elle ſera bien mal fondée. Qui vous a appris de changer vn Piſſat en Miſſat, c'eſt à dire vn Pe en vn Mem? vne lettre radicale, en vne qui n'appartint jamais au mot? en vne langue qui ne permet le changemēt d'un ſeul point, tant s'en faut d'une radicale, ſans changement de la ſignification du mot? Ce pendant vous voulez qu'on croye que Dauid l'a fait prophetiquement, c'eſt à dire que l'eſprit de prophetie, qui luy eſtoit donné, l'a ainſi entendu: croyez que vous eſtes le premier qui y a penſé. S'il eſtoit permis de changer ainſi les lettres, & que nous euſſions changé la premiere lettre de la Meſſe, qui eſt vn M, en vn V, vous vous plaindriez d'un tel changement, vous auriez peut eſtre

stre raison. Pourquoi donc prenez vous licence de changer vn Pe en vn Mem de vostre propre inuention?

Sans nous arrester dauantage à vos argumets cabalistiquement tirés, venons à la naïue signification des mots. Le mot *מִסַּף* *Missaf*, qui est au Deuteronomie 16, 10, est interprete par tous les interpretes, *sufficiens* : tous les dictionnaires Hebraïques; en la racine *ספס* luy donnent cesté signification. Quant au mot, qui est au Pseume 72, 16, à sçauoir *פִּסַּף* *nos*, tous l'interpretent *pugilum*, *portinnula*, ou *vola*. Voyez les dictionnaires en la racine *ספס* ou *ספס*. Or, je vous prie, quelle conuenance entre ces deux mots, diuers en racine, diuers en radicales, diuers en signification, pour prendre l'un pour l'autre, par le changement, fait à vostre fantasie, & sans aucune raison, d'une lettre. Croyez que ces subtilités n'ont aucun fondement. Laissons les donc à part. Montrez nous quelcun des anciens qui s'en soit aduisé. Il vous faudroit mesme changer tous les dictionnaires, & faire vn dictionnaire Cottonique tout de nouveau. Ce ne sont donc que vos imaginations que vous voulez faire receuoir pour argent content.

*Du passage d'Esaië 25.*

Il n'y a pas non plus de raison en ce que vous amenez du passage d'Esaië, où vous avez adjousté deux fois *Vindemia*, à fin de donner quelque couleur à vostre dire. Et vostre interpretation Françoisie est encores plus seriale : car vous n'avez pas oublié le vin genereux, quoy qu'il ne soit

pas spécifié au texte. Et d'autant qu'encores n'estoit-il pas parle de la Messe, vous dites qu'il y a au texte Hebrieu מִסֵּחֶה, c'est à dire, dites vous, *Missethe* ( si vous eussiez sceu lire, vous eussiez trouue qu'il y a *Mischre,* ) c'est donc, concluez vous, de la Messe que cela se doit entendre. Encores alleguez-vous l'autorité de Pamelius, qui ne fait rien pour vous. Vous mettez les passages du vieil & nouueau Testament, qui vous sont contraires, vous en renueriez le sens : & en somme vous voulez qu'on croye, qu'en tous les lieux où il est parlé de pain ou de vin, ou de faire vn banquet, que c'est de la Messe. Mon Dieu, jusques à quand durera vne telle ignorance!

Pour le comble de vostre Cabale, vous dites qu'entre les Hebrieux *He in fine quiescit*, & pourtant, qu'en ce lieu, ayant osté le *He*, le mot *Missa* demeure tout net. Voyez en la racine מִשָּׁח : & ce mesme mot se trouue 1 Sam. 15, v. 36 : & vous verrez que vous parlez contre vous mesmes, ne sçachant que c'est de literis quiescentibus. Je prie tous ceux qui sçauent que c'est de la langue Hebraïque, de remarquer vostre hardiesse : & exhorte ceux qui desirant leur salut, de ne s'arrester point à vos vanités.

En somme, vous commettez trois notables fautes en ces allegations. La premiere, vous falsifiez les passages de l'Escripture, & en renuersez le sens, pour les faire seruir à vostre intention. La seconde, vous en tirez vos preuues par vn changement ou transposition de lettres, changeant la signification des mots, à la forme des

des Cabalistes ; chose indigne d'un Theologien Chrestien. La troisieme, que vous appropriez l'accomplissement des propheties & figures du vieil Testament à vostre fantasie, sans montrer que tel accomplissement soit spécifié au nouveau Testament, qui est vne tresgrande faute : car cecy est tresvray, que tout ce qui a esté predict ou figuré au vieil Testament, comme nécessaire à salut, est clairement exposé au nouveau auoir esté accompli : autrement le nouveau Testament ne seroit pas parfait. Et pourtant, si la Messe auoit esté predict ou prefigurée au vieil Testament, les Apostres n'eussent jamais oublié de l'enseigner au nouveau. Et où en sera-on, s'il est loisible à chacun, d'appropriier les Propheties & figures du vieil Testament à sa fantasie ? Vous en voyez vn exemple au liure des Conformités de S. François, où l'auteur approprie, non sans horrible blaspheme, les Propheties à ce personnage là. Autant en faites vous de la Messe, à laquelle les Prophetes ne penserent jamais, & les Apostres ne l'ont pas seulement nommée.

*S'il est vray qu'on aye cognu, dir, & nommé la  
Messe depuis Iesus Christ jusqu'à present.*

Vous pretendez verifiez, que de siecle en siecle, depuis les Apostres, la Messe a tousiours esté dite, nommée, & reconnue, ayant esté premierement instituee & celebrée par Iesus Christ.

Certes c'est vne entreprinse bien hardie, & en laquelle gist tout le neud de la matiere : car si seulement vous pouuez produire l'institution

P 3      faicte

Responce.

faicte par Iesus Christ, il ne sera besoin d'autre preuve, la dispute sera finie. Mais aussi si vous ne le pouuez, tout le reste sera peu ferme & fort suspect. Voyons donc vos preuves.

**Cotton.** Iesus Christ fils de Dieu institua la Messe en S. Marc 14, S. Luc 22, & S. Matth. 26: mais aussi la celebra, comme il conste par ces paroles, *Desiderio desideravi hoc pascha manducare vobiscum, antequam patiar, &c.*

**Responce.** L'ay diligemment leu les trois Euangelistes és lieux cortés par vous, j'y ay trouué en termes clairs & expres l'institution du S. sacrement de la Cene, que Iesus Christ mesme a instituee & celebree le premier: mais de la Messe ny de chose qui en approche, pas vn mot: Sinon que vous veuilliez dire que la Cene & la Messe soyent vne mesme chose. De dire que Iesus Christ aye institué quelque sacrifice par ces mots *κλάωμεν, διδομεν, ἐκχινώμεν, ὑψαίψις, ὑλοποίησις*, qui est rompu, qui est liné, qui est resbandu, benist, rendit graces, je ne scay comme vous le pouuez dire. Vous ne trouuerez pas vn des anciens ny Grec ny Latin, qui en aye recueilli ce que vous dites. Au passage de S. Augustin que vous auez torté, vous en auez raclé vn *Quodammodo*, qui vous nuisoit. Mais pource que j'ay amplement respondu à tout cecy en ma responce à vostre premier cayer, je ne m'y arresteray pas dauantage. Je vous renuoye là.

**Cotton.** Mais vous auez fort bonne grace d'arguenter ainsi: Iesus Christ a dit à ses Apôtres *l'ay désiré d'un tresardent desir de manger avec vous ceste pasque*

*Pasque auant que d'aller à la mort :* Ergo il a celebré la Messe.

Quel rapport ont ces paroles de nostre Seigneur, avec vostre Messe? qui pensera mesme que vous parliez à bon escient? estes vous venu à Grenoble pour fonder vostre doctrine sur des consequences si cornues & ridicules? je di à ceux qui ont quelque jugement, car quant au simple peuple, vous faites mal de l'abuser ainsi. Si en vostre college de Tournon quelcun auoit ainsi argumenté, de quoy l'estimeriez vous digne? N'auiez vous point d'autres preuues qui ayent au moins quelque apparence? si vous en auiez, vous ne les eussiez pas oubliées, mesmement sur ce poinct fondamental. Vostre fondement donc estant si foible, quelle fermeté pourra auoir vostre bastiment? Si Iesus Christ ne l'a instituee, je ne scay quel fondement vous pourrez trouuer pour la soustenir: vn sacrifice sans institution? toutesfois vous passez outre, ne pouuant pas mieux faire.

Les Apostres l'ont aussi dite, comme le remarque S. Ierosme, Hesichius, Epiphane.

Cotton.

Mon Dieu quelle preuue est cecy? vous voulez prouuer que les Apostres ont dit la Messe, & pour tesmoins vous produisez ceux qui ont esté quatre cents ans, ou plus, apres eux, & encore ne depouent ils rien qui serue à vos pretensions: Ne pouuez vous point produire quelque tesmoignage des escrits des Apostres? n'ont ils jamais rien escrit d'un poinct que vous estimez si important? je croy que non, ils n'auoyent pas charge d'enseigner ny de viue voix ny par escrit,

sinon

Responſe.

finon ce que Iesus Christ leur auoit enseigné, Matth. 28, 20. Or ne leur auoit il jamais parlé de la Messe: bien auoit l'ordonné le S. sacrement de la Cene: parquoy ils ont bien escrit & l'institution & la forme de cestuy cy, mais pas vn seul mot de celuy là. Il ne faut donc pas s'émerveiller si vous n'auiez peu produire aucun témoignage de leurs escrits.

Le passage de S. Ierosme que vous alleguez tout au long, ne depose rien à vostre faueur. Les Apostres accomplirent le jour de la Pentecoste ce qui est escrit au Leuitique & au Deuteronomie de l'oblation nouvelle & volontaire, en celebrant les saints mysteres. Ergo, concluez vous, ils ont celebré la Messe: mais S. Ierosme n'en dit rien: il dit bien qu'ils ont celebré les saints Mysteres. Que si vous voulez scauoir quels ont esté ces saints mysteres, & comme les propheties ont lors esté accomplies, lisez tout le second chapitre des Actes des Apostres. Mais de la Messe, il n'en est parlé ny pres ny loin. Epiphane ne pensa non plus jamais à la Messe, tant s'en faut qu'il en aye parlé.

Quant au passage que vous produisez du 13 des Actes, j'y ay desia respondu en ma response à vostre premiet cayer.

*Du premier siecle apres Iesus Christ.*

Cotton. S. Pierre a le premier fait le Messel, appellé *ordo Romanus*. S. Iaqués Euesque de Ierusalem dit la Messe le jour de la Pentecoste. S. Paul disposâ la liturgie des Corintheiens, comme il leur auoit promis.



promis. S. André disoit la Messe. S. Matthieu la disoit en Éthiopie, & mesme fut occis à l'autel en la disant.

Certes, si la Messe a de tels auteurs, nous auons dequoy nous taire, car ils ont eu pour guide le S. Esprit, & le S. Esprit est tousiours semblable à soy mesme: mais nous ne voulons pas nous en tenir à vostre dire, nous demandons des tsmoins dignes de foy: si vous n'en pouuez fournir, vostre dire demeurera nul, & faudra que vous passiez condamnation. Examinons donc vos tsmoins.

Responſe.

Pour verifier que S. Pierre a fait le Messel, S. Pietro. vous alleguez pour tout Isidore, & vn Abdias, je croy que c'est celuy qu'on dit Euesque de Babylone: mais ces tselmoins sont si aisés à conuaincre de faux, par le tselmoinage des vostres mesmes, qu'ils ne meritent pas qu'on en fasse estat: Quoy? S. Pierre a basti le Messel: il est donc Canonique. d'où vient il donc que tant de grands personnages qui ont suyui les Apostres, & dont nous auons les escrits, comme sont Irenee, Iustin, Eusebe, Origene, & tant d'autres, n'ont jamais dit vn seul mot d'un poinct si important? Ou a dresé le Catalogue des liures Canoniques en tant de Conciles: tant de saints docteurs l'ont redigé par escrit: on en a tant debattu, à cause des escrits supposés que les heretiques faisoient courir sous le nom des Apostres, & de ce Messel de S. Pierre il n'en fut jamais parlé. Quelle apparence donc?

Quant à S. Iaques, & à la Liturgie, que vous S. Iaques.  
appel

Q

appelez, quelle apparence non plus? vous me-  
mes ne l'osiez pas declarer authentique, & ne  
penseriez pas auoir bien consacré si vous auiez  
suyui ce formulaire là: Au lieu que si elle estoit  
d'un si grand Apostre, vous ne l'oseriez auoir re-  
jetée. Les preuues que vous amenez vous con-  
damnent: Car Chrysostome & Epiphane con-  
damnent voirement ceux qui vsoient d'eau pure  
en l'administration de la Cene, aussi fait bien S.  
Cyprien: que s'ils eussent reconnu ceste liturgie  
est. e de S. Iaques, eussent ils oublié de l'alleguer  
côte ces heretiques? quel aduantage eust ce esté  
pour eux? Quant au Concile de Constantinoble,  
que vous alleguez, où il est fait mention de ceste  
liturgie, c'estoit le sixièd, enuiron 700 ans apres  
Iesus Christ: que si ceste liturgie eust esté reco-  
gnue estre vrayemēt de S. Iaques, les precedents  
Conciles n'eussent pas failli d'en produire le tes-  
moignage: cōtre des autres derestables heresies.

Entre les autres, le premier Concile de Ni-  
cee, où le mot *επισκοπος* fut tant debattu contre  
les Ariens, quel aduantage s'ils eussent peu pro-  
duire ceste liturgie de S. Iaques, où ce mot se trou-  
ue si souuent? S. Athanase, qui souffrit tant de  
maux pour maintenir ce mot, contre la plupart  
des Eueques de son temps, n'estoit-ce pas pour  
fermer la bouche à tous les aduersaires, si seule-  
ment il eust peu alleguer l'autorité & tesmoigna-  
ge d'un si grand Apostre?

S. Paul. Quant à ce que vous dites que S. Paul dispo-  
sa la liturgie des Corinthiens: Ouy, mais ce n'e-  
stoit pas la Messe: mesme dès l'entree il proteste  
qu'il

qu'il ne leur baille rien sinon ce qu'il a receu du Seigneur : il n'en fit donc pas l'ordonnance : il propose seulement la forme de l'institution primitive des Euangelistes, il leur met en avant l'institution de la S. Cene, comme luy mesme l'appelle, pour corriger selon icelle, les corruptions qui s'estoyent glissées parmi eux. Quel argument est donc le vostre? S. Paul a disposé sa liturgie entre les Corinthiens, il a donc dit la Messe: certes c'est vn argument d'estoupes, non pas de Cotton. Et ce qu'il dit à la fin du chapitre, *Quand je viendray je disposeray du reste*, il n'entend pas de quelque chose qui concernast la forme essentielle du sacrement, ou de la doctrine, ains seulement ce qui estoit de l'ordre ecclesiastique, comme le monstre le mot *εἰς τὸ ἔσχατον*.

De S. André, vous vous en rapportez aux Diacres d'Achaïe, c'est à dire, cognoissez qu'il n'y a aucune certitude: je ne m'y arresteray donc pas aussi dauantage.

Reste S. Matthieu, qui la disoit, dites vous, S. Matthieu, en Ethiopie. Vous vouliez, peut estre, dire en Vtopie: aussi n'en alleguez vous pour tesmoins que vostre Abdias, & vn Iulius Africanus, tesmoins certes nullement receuables. En somme, quand les anciens disent, que les Apostres ont celebré le sacrement de la S. Cene, ils ne diuent pas qu'ils ayent chanté Messe.

Ce que vous alleguez du Canon 10, que vous appelez des Apostres: si ces Canons sont des Apostres, pourquoy ne les obseruez-vous? Il est dit au 6 desdits Canons, *Que si un prestre repudie*

*sa femme sous pretexte de Religion, il doit estre excommunié: s'il perseuere, doit estre chassé.* Et au mesme Canon que vous alleguez, il veut que tous les assistans communient, où qu'ils soyent priués de la communion. Si donc ils sont des Apostres, que ne les obîeruez vous? Sinon, & qu'ils soyent supposés, pourquoy les nous proposez vous comme estans des Apostres?

Vous alleguez Clément: Escoutez ce qu'en dit Eusebe lib. 3, chap. 16, & S. Ierosme De eccles. script. à sçauoir, qu'il n'y a rien de ce qu'on public en son nom, qui fasse à recevoir, sinon vne seule epistre aux Corinthiens, laquelle ne se trouue point aujourd' huy. Ils adjoustent mesme, qu'on faisoit courir force liures sous son nom, qui estoient fort esloignés de la doctrine des Apostres. Voire mesme S. Ierosme, in Apologia contra Ruffinum, dit, qu'il y auoit plusieurs hereses. Voyez donc quel telmoin vous produisez.

Finalemt vous mettez en auant la liturgie de Denys, que vous pretendez estre l'Areopagite, cōuert par S. Paul en Athenes, Act. 17, 34. Ce se:oit merueilles si cestuy-cy auoit soyui autre formulaire que celuy qu'il auoit appris de S. Paul, & si S. Paul luy auoit enseigné autre formulaire que celuy qu'il auoit proposé aux Corinthiens, l'ayant, comme il dit, receu du Seigneur. Et encores plus grand merueilles, si Eusebe & S. Ierosme en son Catalogue des hommes illustres, qui font mention de plusieurs Denys, & de leurs escrits, n'eüssent fait mention aucune de cestuy-cy ny de ses escrits: Origene, Chrysostome, tous les

les precedents Grecs & Latins, non plus. Gre-  
goire, surnommé le Grand, en son homelie de  
decem drachmis, ne le recognoit point estre l'A-  
reopagite : & , sans prendre autre tesmoin que  
luy mesme, en son liure De diuinis nominibus,  
il allegue Clement Alexandrin, qui estoit plus  
de deux cents ans apres Denys Areopagite : il  
fait donc que cestuy-cy fust encor apres. Et de  
faict, il n'y a homme docte de nostre temps, qui  
ne recognoisse fort bien, que les escrits de ce  
Denys que vous alleguez, ne tiennent rien de  
l'Apostolique, ny en la matiere, ny au style: Me-  
sme Cajetan, Cardinal, escriuant sur le 17 des  
Actes, recognoit que c'est vn Denys supposé.

Voilà tous les tesmoins que vous avez peu  
produire, que vous pretendez estre du premier  
siecle: & chacun pourra voir combien on s'y doit  
arrester, mesmes en vn point de telle consequen-  
ce, dont vous n'avez peu produire vne seule tra-  
ce és escrits des Apostres, ains par iceux on peut  
monstrer tout le contraire de ce que vous ensei-  
gnez, touchant ce point. Aduisez donc, si on  
doit receuoir vne doctrine contraire à celle des  
Apostres, quand mesme elle seroit écrite du tēps  
des Apostres?

*Du second siecle.*

Je vien aux tesmoignages par vous produits  
du second siecle. Vous n'en amenez que deux,  
Telephore, auquel vous donnez le tiltre de Pa-  
pe, combien que ce nom ne fust lors encores  
donné aux Euesques, & Higinus, qui fut le pre-  
mier

mier qui s'intitula Pape: tous deux Euesques de Rome. Mais à qui ferez vous croire, que ces epistres decretales soyent de ces premiers Euesques Romains, veu la barbarie du langage? Ce siecle n'auoit-il point de plus asseurés telmoins? Irenee & Iustin viuoyent enuiron ce temps: nous auons leurs escrits, que chacun aduouë estre d'eux: c'est merueilles qu'ils n'en dient mot. Et encores ceux que vous nommez dient seulement, à sçauoir Telesphore, Qu'on celebreroit trois fois le jour de Noël, pource que lors les hommes se rangeoyent par milliers à l'Eglise, & desiroyent communier, mesmement vn jour celebre: Et Higinius, Que les Eglises seroyent dediees par solempnelle cerimonie. Vous, au lieu de communion ou celebration de l'Eucharistie, auez mis le mot de Messe, incognu en ce temps là, mesme au lieu de solempnelle cerimonie, comme s'il n'y auoit autre cerimonie solempnelle que la Messe. Et comment ne le feriez-vous en ces liures là, puis mesmes qu'au nouueau Testament vous auez bien osé mettre pour tiltre sur le 11 de la premiere Corinth. *Institution de la Messe?*

Toutes ces grandes allegations que vous amenez de Iustin Martyr, d'Irenee, de Martial, d'Ignace, sont fondees sur le mesme abus qui vous est ordinaire, à sçauoir que là où les saints docteurs parlent du saint Sacrement de la Gene ou Eucharistie, comme font ceux que vous alleguez, appert par leurs propres paroles, vous le rapportez à la Messe. De dire qu'ils ayent jamais enseigné vn autre sacrifice reel & visible pour  
l'exp

l'expiation de nos pechés, que celui que Iesus Christ a vne seule fois faict en la croix, comme vous dites estre la Messe, vous ne le sçauriez jamais verifier. Et quand ils appellent la Cene, vn sacrifice, ils entendent vn memorial du sacrifice faict par Iesus Christ, vn sacrifice Eucharistique, ou d'action de graces, & non pas vn sacrifice expiatoire, comme vous pretendez que la Messe soit.

*Du troisieme siecle.*

En ce troisieme siecle, pour prouuer que le mot *Missa* estoit en vſage, vous n'alleguez que deux telmoins, qui ont besoin d'autres telmoins, à ſçauoir Iulius Africanus & Hippolyte: & ce pendant en tous les eſcrits de Tertullien & de Cyprien, qui estoient en ce troisieme siecle, & dont nous auons les eſcrits, ny en tous les eſcrits des docteurs qui ont esté plus de cent ans apres, le mot de *Missa* ne se trouue point. Et ce qu'ils nomment l'administration de la ſaincte Cene, sacrifice, c'est pour les raisons cy deuant dites, & non qu'ils l'ayent tenuë pour vn sacrifice expiatoire: loint que quand la Cene, qui est vne ordonnance de Dieu, seroit en quelque sorte nommee vn sacrifice expiatoire, d'autant qu'elle a esté ordonnee pour vn memorial de ce seul sacrifice expiatoire que Iesus Christ a offert en la croix, ne s'ensuyuroit pas que la Messe, qui est vne pure inuention humaine, & qui efface pluſtoſt la memoire de cest vnique sacrifice, fuſt vn sacrifice expiatoire.

*De*

*Du quatrième siècle.*

Iusques icy le nom mesme de Messe a esté incognu aux Apostres, à leurs disciples, & aux fideles docteurs qui enseignoyēt en l'Eglise. Leurs escrits en font foy: si sommes nous paruenus à plus de trois cents ans apres Iesus Christ manifesté en chair. Par cy apres les docteurs Latins ont par fois vsé du nom de *Missa*, & encore fort rarement: mais certes ç'a esté tout en autre signification que vous ne le prenez aujourd'hoy: car vous ne verifiez jamais que pas vn d'eux aye jamais enseigné autre sacrifice reel & visible, qui doyue estre offert pour la remission de nos pechés, que celuy seul qui vne seule fois a esté offert par Iesus Christ en la croix: & ce pendant vous enseignez que la Messe est vn tel sacrifice.

Il est dōc tout notoire que tous vos discours, & de vos semblables, sont fondés sur l'ambiguité de ce mot *Missa*, dont les docteurs Latins ont par fois vsé: mais tout en autre sens que vous ne faites: comme vostre Bellarmin a esté contraint de recognoistre lib. 5 de Eucharist. cap. 1, §. qui Latinam, &c. où il propose cinq diuerſes significations du mot de *Messe*. & a legue presque tous les lieux que vous amenez, des Conciles, d'Augustin, & autres, mais tout en autre signification que vous ne faites. Il dit donc expressement, que *Missa* a esté dite à *Missione* ou *Dimissione populi*: de sorte que *Missa* vaut autant qu'*Missio* ou *Dimissio*. c'est à dire congé ou renvoy du peuple.

Or depuis on a donné le nom de *Missa* à toute l'action: & depuis encore on en a fait vn sacrifice,



edifice, à cause que l'administration de l'Eucharistie y estoit comprins: Et de ce sacrifice, que l'on tenoit lors pour vn sacrifice d'action de graces, (aussi l'appelloient ils Eucharistie,) vous en auez forgé vn sacrifice expiatoire, auquel le corps & le sang de Iesus Christ sont journellement offerts (si on vous veut croire,) pour les pechés des viuans & des morts. Vous voyez donc que toutes vos allegations ne sont nullement à propos, quand vous dites ainsi: Quelques anciens ont donné au seruice public de l'Eglise le nom de Messe, à cause que les Catechumenes, auxquels il n'estoit loisible d'assister à la celebration des sacrés mysteres, estoient congédiés, & celà s'appelloit *Missa Catechumenorum*, c'est à dire *Messe*, le renuy des Catechumenes. Le reste des fidelles assistoit iusques à ce que les sacrés mysteres fussent accomplis, & que toute la compagnie fust congediee, & celà s'appelloit *Missa in iuratorum seu fidelium*, d'où est encore demeuré vostre *Missa est*, c'est à dire, selon que l'interprete Alcuin lib. de offic. Ecclesiast. cap. de celeb. missæ. on a congedié toute l'assemblée, il est loisible à chacun de s'en aller.

Puis donc que dece congé les anciens ont prins subject de donner à l'administration de la Gene ou Eucharistie le nom de *Missa*, sans que pour celà ils ayent voulu dire que ce fust vn sacrifice expiatoire, il est bien tout euident, que la Messe, que vous nommez aujourd'huy, & dont nous disputons, est toute autre chose que ce que quelques Latins ont appelé *Missa*. Et de fait

R

vous

vous ne verifierez jamais que pas vn des anciens aye recognu ny enseigné autre sacrifice pour la remission des pechés, que l'unique fait par Iesus Christ en la croix: nul autre ne l'a peu faire, ny autre sacrifice parfaire nostre reconciliation. Voilà de quoy nous disputons, non pas du nom. Si vous voulez appeller la S. Cene, ou. mesme tout le seruire de l'Eglise, pourueu qu'il soit administré à la forme de l'ordonnance de Iesus Christ, Messé, nous n'empêchons, encor que le meilleur est d'user des noms dont l'Esprit de Dieu a vsé: celà ne nous diuifera jamais d'avec vous, pourueu que nous soyons d'accord en la chose. Mais quand vous appelez Messé vn sacrifice reel exterieur & visible, & que vous voulez qu'on croye que vous y sacrifiez journellement Iesus Christ, pour la remission des pechés des viuans & des morts: & ce pendant n'en pouuez produire aucune ordonnance de Dieu, arguez par ce moyen d'imperfection le sacrifice fait par Iesus Christ, comme s'il n'estoit pas suffisant pour nostre reconciliation, remettez sus le Iudaïsme, & de vostre auctorité installez des sacrificateurs pour l'expiation de nos pechés, & si ne sçauriez jamais monstrez, que pas vn des docteurs anciens orthodoxes en aye parlé: Certes nous soutenons, que ceste vostre Messé est vn detestable erreur & idolatrie. Ce pendant, vous ne la pouuant soutenir ny verifier par, les saintes Escriptures, qui au contraire la condamnent, vous voulez faire accroire à ceux, qui ne leurent jamais les anciens, qu'ils vous fauorisent, & sont vos

vos complices en cest erreur.

Le conclu donc, que tout ce vostre grand discours n'est rien que paroles, & que ce que vous deuez verifier en ceste dispute, estoit, à sçauoir si par les saintes Escritures vous pourrez monstrez, que Dieu aye ordonné vn sacrifice visible & exterieur, auquel journellement il veuille que le corps & le sang de Iesus Christ luy soyent offerts en sacrifice, & qu'il aye ordonné des prestres à ceste fin, pour la remission de nos pechés, & que c'est ce que vous appelez la Messe. Item, si vous pourrez produire des témoignages de la vraye & pure antiquité, qu'ils l'ayent ainsi enseigné.

Or, tant que nous sommes trësalleurés, que vous ny autre ne le verifierez jamais, ains que les saintes Escritures, & toute l'antiquité, nous enseignent qu'il n'y a jamais eu, ny ne peut auoir, autre sacrifice expiator, que l'unique sacrifice fait & parfait par Iesus Christ en la croix, nous, comme Chrestiens & vrayement catholiques, mettons en iceluy seul toute la fiance & assurance de nostre salut. Au contraire detestons de tout nostre cœur la Messe, comme vn sacrifice supposé, & opposé à l'unique & parfait de Christ. Et prions Dieu continuellement, qu'il luy plaie faire la grace à tous ceux qui portent le nom de Chrestiens, de ne s'arrester point au vain babil & de vous & de vos semblables, ains d'embrasser avec vraye foy l'unique sacrifice fait & parfait par Iesus Christ, le reconnoissant le seul prix & l'unique moyen de reconciliation entre Dieu & tous hommes. Amen.

R 2



44 950689





133

